

CHRISTIANI ALBERTI
DOEDERLINI

ANIMADVERSIONES

HISTORICO - CRITICAE

DE


THALETIS ET PYTHAGORAE

THEOLOGICA RATIONE.



TYPIS IO. FRID. HAGERI,
MDCCL.





ILLVSTRISSIMO COMITI

AC DOMINO

DOMINO

SEYFRIED

S. R. I. COMITI A PROMNIZ

DYNASTAE

IN SORAV PLESSE

DREHNA

R. R.

ILLVSTRISSE COMES!

Ex quo ILLVSTRISSE MATER TVA
formandi TVI ingenii partes mihi cre-
dedit, nihil me mihi reliquum fecisse ad
summum studium arbitror, quo optimis
quibusque artibus atque studiis, quibus vt
animus imbueretur TVVS pro virili annisus
sum, ita vti, eoque ea transferre discas,
quo si transferas, & patriae olim praesidio
orna-

ornamentoque esse, & IPSE salutem consequi possis eam, quae firma, certa, perpetua, post corporis etiam fata, futura sit. Neque enim totum istud laborum studiorumque genus frustra susceptum non est; nisi eum noueris, totoque animo fueris complexus, qui non hanc modo TIBI vitam largitus est: sed & impensi quodam amoris cumulo suis ipsius infinitis molestiis, morte denique ipsa, expeditum TIBI muniuit ad veram felicitatem aditum. Quocirca ita TE instituendum esse duxi, vt sanctissima sacrarum litterarum oracula & magni facienda, & omnes cultus diuini rationes vitaeque praecepta inde non haurienda tantum: sed & ipso vitae modo atque constantia exsequenda esse existimes: quam vnā esse viam atque rationem arbitror euitandae hinc impietatis illinc superstitionis, quod vtrumque portentum nostra aetate tamquam aluuius perfracto aggere totum inundat terrarum orbem. Quod tamen tum demum
optatos

optatos nanciscetur prosperosque successus,
cum non discendo magis, quam experien-
do cognoscas diuinas istas virtutes, quas
in esse Deus in sacris litteris voluit. Ri-
diculi homunciones depugnant accerrime
& decertant in diuinam sacrae scripturae
auctoritatem : expeditissimam vero totius
conficiendi negotii viam improbe sper-
nunt atque negligunt, hoc ipso significan-
tes, non veritatem sese, sed infinita quae-
rere certamina. Similiter mihi videntur
facere, vt si ciues equis & viris, sitne
edictum quoddam ab ipso rege profectum,
dimicare vellent; cum tamen ipse, quem
consulere queant, rex praesto sit. Eant,
atque sedato ab opinionibusque praeiudicatis
vacuo animo apud ipsum preci-
bus contendant Deum, si quidem magni-
ficae istae splendidissimaeque, quas sacra
oracula ostendunt; pollicitationes ab ipso
sint profectae, vt & se in earum partem
vocare dignaretur: qui proposita praemia
laetus aufert, nae is dubitare desinet, an
eorum

eorum ipse Deus auctor sit habendus. Neque enim ad futuram modo ista pertinent immortalitatem: placida pax proponitur animorum & ineffabilis quidam amoris diuini sensus, quem nulla praestare humana potest sapientia. Atque haec sunt ista, quae Theologi vocant, argumenta diuinam fidem producentia, quibus neglectis aut ignoratis, fluctuaberis semper animo, nec, ubi secure consistas, vsquam inuenies. Neque tamen propterea alterum istud argumentorum genus, quibus fides humana dicitur produci, nullius plane pretii vel utilitatis putandum est. Faciunt eiusmodi argumenta ad perspicendam sacrae scripturae praestantiam atque dignitatem, vel ipsa recta ratione iudice: muniant animum contra impudentissimas vafrorum hostium criminationes, atque inferuiunt, tamquam levis armaturae copiae, procul detinendis illorum molitionibus, ne ea, qua solent audacia & impudentia ipsam queant arcem inuadere. Quod cum

TIBI,

TIBI, ILLUSTRISIME COMES! cui
in celebritate hominum versari, multa-
que multorum hominum experiri ingenia ne-
cesse erit, vel maxime profuturum arbi-
trarer; nulli pepercui operae, ut hoc
etiam conclusionum genere verecundiam
quandam atque venerationem diuinorum
oraculorum TVO inspirarem animo. In
quibus & illud me TIBI praecipere TE
meminisse puto, ut gentium, quae men-
tis suae fictionibus relictæ diuino scri-
pturae sacrae caruerunt lumine, miseras,
caligines atque tenebras in grauissimis
religionis capitibus, contemplando in-
telligas, quam grato animo diuinum istud
munus prosequi & agnoscere nos oporteat.
Hunc locum cum per otium dila-
tare paullum vberiusque tractare institue-
rim; varias mihi obseruationes proferre
licuit fortasse haud inutiles: inde vero
haec enata est tractatiuncula, quam nunc
TIBI exhibere, NOMINIQUE TVO dicare
sustinco. Caeterum, quandoquidem om-
nis

nis laborum meorum fructus, quod ad
TE quidem attinet, non ex me: sed inde
pender, vt IPSE TV seruatoris tui sanctis-
simis praeceptis animum praebeas obse-
quentem; Deum ardentissime precor, vt
ipso iuuante talis euadas, qualem TE esse
& TVA ipsius postulat salus, & ILLVS-
TRISSIMA GENS TVA TE sperat futu-
rum. Ita ex animo cupit optatque,

ILLVSTRISIME COMES!

ILLVSTRISSIMO NOMINI TVO

Scribebam Drehnæ

a. d. 4. Calendas Septembres

MDCCL.

addictus deditusque
CHRISTIANVS ALBERTVS
DOEDERLEIN.

BENIVOLO LECTORI

S.

Cum in animo mihi esset, summam Christianae religionis praestantiam atque dignitatem aliquanto vberius ex eo demonstrare, quod omnes omnium gentium sapientes, quotquot eorum sacrarum litterarum caruerunt lumine, turpissimis sese grauissimisque de natura diuina erroribus obstrinxerint; incidi in accuratiores paullo quaestiones de theologia Graecorum, in quam, tamquam in commune quoddam receptaculum, errores caeterarum gentium omnes emissi videntur esse atque deriuati. Multa passim obseruaui nec iniucunda, arbitror, scitu, nec fortasse etiam vbiuis obuia. Verumtamen omnes persequi Graeciae philosophos hoc quidem tempore nec lubet nec vacat: duos tibi exhibeo speciminis loco viros, qui principes Graecorum artem quandam atque disciplinam vt vniuersae philosophiae, sic & theologiae instituisse constanti feruntur memoria: in quorum theologica ratione exquirenda quid a me praestitum sit, iudicium omne penes te esto. Facile credo, non defuturos, qui totum hoc disputationis genus leue nec satis dignum putent, in quo exerceantur ingenii vires. Equidem magnos viros, quorum vires maiori sustinendo oneri & pares sunt & destinae, ad has reuocare minores curas quis cupiat? Sed quod ad me attinet, & delector istis quaestionibus, neque eas ad intelligendas sublimiores interioresque litteras vtilitate carere insigni quotidie experior. Quocirca &, quantulumcunque mihi a potioribus negotiis
super-

supereſt otii, illud magnorum quorundam hominum exemplo ingenuè fateor his a me tribui litterarum ſtudiis. Erunt fortaffe, qui ſimilem ab hoc quæſtionum genere expectantes fructum, non faſtidiant hanc qualemcunque commentatiunculam; atque his me non omnino diſplicuiſſe ſatis habebo. Iam vero meum eſſe videatur, pacem magnorum virorum exorare, a quorum acutiſſimis præſtantiſſiſque commentationibus diſcedere paſſim auſus ſum. Verumtamen contineo ipſe me: neque quin animum tantorum virorum, eiſmodi adhibita excuſatione, offeſſurus potius forem, quam gratiam conciliaturus, dubito; vt qui non ingenii magis atque eruditionis, quam ſummae humanitatis laude conſpicui & ſunt & eſſe cupiunt. Neque etiam tempus operamue perdi opus fuiſſet, ſiquidem, quod dicerem, aliud habuiſſem nihil, niſi quod dudum ab eruditiffimis quibuſque viris dictum eſt. Caeterum ſi Deus vitam atque vires benigne conceſſerit, neque mea **TIBI** diſplicere ſenſero; cogitationes meas de vniuerſa priscarum gentium theologia, locis quibuſdam communibus concluſas, propediem publice exhibebo, quibus cauſas errorum fontesque aperire atque oſtendere conſtitui, quam non modo pernicioſe ſed & inepte abſurdeque lapſi ſint omnes omnium gentium ſapientes in ſuis de natura diuina decretis, ſi quidem eadem cum ſanctiſſimis ſacrarum litterarum præceptis conſeras. Vale, **BENIVOLE LECTOR**, conatibuſque meis, ſi quidem me, cui faueas, dignum iudicabis, faue.

CAP. I.



CAP. I.
DE THEOLOGIA THALETIS.

De uniuerſa Graeciae philoſophorum theologia pauca praeponuntur §. 1. Conſilii ratio exponitur. Thaletis diſciplinam alii aliter explicant §. 2. Quadripartita de Thaletis theologia diſputatio inſtituitur §. 3. Thales vnum omnino totius naturae principium probat. Ariſtotelis locus explicatur §. 4. Alia huius rei teſtimonia. Non vnius terrae noſtrae principium aqua eſt. Idem valent apud Ciceronem initium & principium §. 5. Eadem ratio placuit Anaximandro & Anaximeni §. 6. Quod vberius explicatur. Deſenſio horum hominum fruſtra ſuſcipitur §. 7. Anaxagoras primus, qui mentis effectiōnem induxit §. 8. Qua ratione Thales generationem rerum ex vna ſibi que in omnibus ſuis partibus ſimili materia explicauerit §. 9.

Thales

Thales primam materiam in minima tribuit indiuiduaeque corpuscula §. 10. Idem eandem materiam animatam sensuque & intelligentia praeditam credidit §. 11. Hinc Thalesis theologica ratio expeditur §. 12. Veterum auctorum loca conciliantur. Argumentum concluditur §. 13. Thales theologiam suam totam ad ciuilem rationem transfudit. Immortalitatem animarum probauit §. 14. Immutata est ab eodem Aegyptiorum & Phoenicum ratio §. 15. Ionicorum & Heracliti theologia valde cognata est §. 16. 17.

§. I.

Graeciae philosophorum principes, qui de naturalibus rebus instituerunt quaerere, in antiquam Aegyptiorum Phoenicumque disciplinam incidentes, probatis rerum omnium corporeis initiis, ad vnius primae materiae effectiōnem cuncta videntur retulisse. Ad Aegyptios equidem quod attinet, antiquiorum pariter ac iuniorum complures haud parum studii in eo collocarunt atque operae, vt tantam ab istis impietatem amolirentur; quos tamen omnes facile diligentia & ingenio superauit RAD. CVDWORTHVS, tanto Aegyptiorum causam agens eruditionis apparatu, vt testimoniorum multitudine lectores obruat fere & obtundat (a). Verum his omnibus parum aut nihil omnino eruditum virum egisse, pari doctri-

(a) In SYSTEM. INTELL. p. 358. seqq.

doctrinae copia, ingenii acumine maiori ostendit
ILLVSTRIS eius commentator, vir summe
venerand. IOH. LAVR. AMOSHEIM (b). Neque
ego quidem, ad celeberr. BRVCKERI sententiam
aggregare me quidquam dubito, de Aegyptiorum
pariter atque Phoenicum ratione ita disputantis,
vt utrosque istos populos doceat ab vna quondam
materiae primae mole generationem vniuersae na-
turae & mundi totius deduxisse. Quam quidem ma-
teria molem denuo tribuerunt in duas partes,
quarum subtilior, sensu intelligentiaque prae-
dita, prima ex reliquae materiae vinculis emer-
serit sese, penetransque per crassiores materiam
atque eam digerens, anima mundi vocaretur.
Eadem illa materiae subtilior pars appellatur
Aegyptiis Phoenicibusque aether siue Coelum,
atque fons credita est deorum pariter ac nostri
animi. Crassior vero impuriusque materia Phoe-
nicum chaos est, vnde subtilioris partis ope &
agitatione adspectabilis ortus est mundus (c).
Hanc eandem interpretationem nuper admo-
dum suffragio suo ornatam nouis etiam argumen-
tis firmare studuit vir celeberr. PAVLVS ER-
NESTVS IABLONSKI (d). Simili modo Graeco-
rum

(b) In notis ad Cudworth. II. cc.

(c) In HIST. CRIT. PHILOS. T. I. L. II. c. 6.
§. 7. p. 240. seqq. & c. 7. §. 13. p. 284. seqq. conf.
ERVDIT. ANGL. HIST. ORBIS VNIV.
Introd. sect. II. §. 26. seqq.

(d) In PANTHEO AEGYPTIORVM, cuius
pars I. hoc ipso anno praedit, vid. integra tria
prior. cap.

rum vetustissimi procedentes, non prius, quam ipsa rei absurditas stultitiae eos admoneret suae, de mente diuina, materiae adiungenda, quae fuerunt: simile quiddam passi illorum, qui animo aut stupido aut perturbato ad praecipitia locorum incaute temereque progressi, tum demum, perniciem suam prospicientes, colligere quasi sese pedemque referre consueuerunt. Hac certe ratione ARISTOTELES totam rem explicat: qui postquam monuisset, de materia, tanquam vna omnium rerum causa atque principio priores Graecorum philosophos vnice fuisse sollicitos, addit: *προϊόντων δ' ὅτως αὐτὸ τὸ πρᾶγμα ὠδοποίησεν αὐτοῖς καὶ συνήγαγε ζητεῖν.* Hoc autem modo procedentibus, ipsa res eos duxit, & coëgit ulterius quaerere (e). Aliud nimirum, quod ipse postea explicat Aristoteles, praeter materiam, principium quaerere coacti sunt, quod sit initium motionis & sensus. Quocirca duae magnae quasi extiterunt Graecorum philosophorum familiae, quarum altera, eaque antiquior, Phoenicum Aegyptiorumque more, ab vna materia, non quidem corporeum duntaxat mundum, sed ipsos iam deos hominesque putabat perfectos esse: altera vero ad saniores veluti mentem rediens, correctis paullulum priorum grauissimis erroribus, incorporale quoddam intelligensque principium, siue mentem diuinam, cum materia coniungebat. Prior ista sententia principis

(e) ARISTOT. METAPHYS. L. I. c. 3.

scis scholae Ionicae philosophis non magis, quam Pythagorae omnibusque disciplinae eius alumnis, si forte Timaeum Locrum excipias, videtur communis fuisse: posterior autem Anaxagoram auctorem habet, quem antiquissimam illam diuinæ mentis pene oblitteratam memoriam reuocasse, explicandisque rebus naturalibus eam adhibuisse, notum est. Quamquam vero prior antiquiorque ista Graecorum philosophorum turba, Aegyptios Phoenicesque sequentium magistros, explicantiumque apertioribus aliquantum verbis ea decreta, quae poëtae antiquissimi fabularum vel texerant, ab vna conabantur prima materia omnium rerum originem deducere; cum ad partes tamen disciplinae explicandas peruentum erat, nonnullum inter eos obseruatur discrimen. Quod & mirum videri non debet: cum amissis in dies magis, quae in chaos ratione latebant, veritatis vestigiis, suam quisque mentis fictionem sequentes, talem animo informabant rerum ortum, qualem facillime intelligi posse sibi persuaferant. Quocirca alii primam materiam statuebant vnius plane similisque sibi in omnibus suis partibus naturae esse: alii contra ex diuersis dissimilibusque inter se corporibus eam esse concretam comistamque credebant. Quorum prius priscis quidem Ionicis, ac Heraclito, nonnullisque scholae Pythagoricae placebat alumnis atque ip etiam Stoicis, quamquam plerosque secus sentiri non ignorem; hoc tamen rursus obseruato discrimine, quod Thalēti prima materia ad aquae,

B

primis

primis eius successoribus ad aëris, Pythagoreis vero nonnullis atque Heraclito Stoicisque ad ignis naturam proxime videbatur accedere. A diuersis autem dissimilibusque inter se corpusculis primam, materiam Pythagoreis, Empedocles cum plerisque Pythagoreis, Democritus, Epicurus, composuerunt, eiusdemque materiae alii vnā, aut nonnullas etiam partes animatas esse affirmabant: alii contra totum istius primae materiae genus sensu & intelligentia voluerunt omnino carere. Iam illorum, qui ad materiam primam diuinæ mentis adiungebant essectionem, princeps, inter Graecos quidem, Anaxagoras ipsam supremam mentem per vniuersam intendi rerum naturam fundique putabat, cui rerum ordo atque descriptio accepta debeat reuerri, in qua sententia & Socrates fuisse videtur: Plato contra, hoc muneris supremo Deo indignum iudicans, aliam quandam comminiscetur intelligentem naturam, a supremo Deo natam genitamque, quae, cum penetraret se per omnem materiam, eique fingendae formandaeque esset praefecta, mundi anima vocaretur. Horum cum vterque iudicio Deum atque voluntate ad digerendam accessisse materiam praedicaret; Aristoteles, deferens istam rationem, necessario inuitabilique vinculo Deum cum materia copulauit, multiplicibus confectis sphaeris atque orbibus, quorum singulis singulae, supremo autem orbi suprema praesit intelligentia, tamquam motionis ordinisque principium.

§. II.

§. II.

am vero singulas istas philosophorum scholas
equi hoc quidem tempore nostri consilii
est. Neque tamen veterum philosophorum
quam fortasse maiorem iniuriam isto iudicio
fecisse nonnullis videamur, quam **THA-**
LI & **PYTHAGORAE**, quorum posterior
time haud exiguum theologica ratione sua,
entiori etiam memoria, apud plerosque con-
atus est auctoritatem: nec etiam in vtriusque
losofia defunt, quae ad eruditissimorum
mentatorum disputationes addi possint.
iculum igitur in his duobus viris faciamus
siderandi, ecquid certius de eorum theo-
cis sententiis definiri, aut vberius explica-
que tradi posse videatur. **THALES** vero
esius eorum, qui artem quandam philosophiae
iplinamque inter Graecos constituerunt, prin-
is perhibetur: cuius ratio vniversa physica
; in qua simul priscarum gentium more o-
ium, tota eius inest de natura deorum dispu-
o. Neque a successoribus eius aliud fere
dquam tractatum est, praeterquam physica,
n noua plane philosophiae forma introdu-
etur a Socrate (f). Nemini autem hoc loco
um videri debet, quaecunque de antiquissi-
rum huius scholae philosophorum decretis
poni soleant, in coniecturis fere versari, quan-
quidem nec ipsorum, quos consecerunt, phi-
osophiae commentarii hodie vlli existant; &

^g B 2

aucto-

f) C I C. QQ. AA. L. I. c. 4.

auctores, quorum fidem hac in parte sequi debemus, omnes nimis sunt ab ista aetate remoti, nonnulli vero negligentiae aut maliuolentiae etiam crimine haud carent. Atque hoc loco Aristotelis maxime auctoritatem video a magnis viris in certamen vacari (g). Absoluere hominem cunctis, quae ipsi crimini dantur, ego quidem nolim: cur autem, cum quae de Thalete Aristoteles disputat, cum reliquis prisca aevi commentariis & cum ipsa re consentiant, sollicitare debeamus fidem eius, quid sit causae, non video. Neque enim vnus standum est Aristotelis testimonio. Cuncta rimanda sunt vetustatis monumenta: quae quisque de Thaletis ratione commemorat, diligenter inter se conferenda: ad philosophorum etiam, qui ex Thaletis schola prodierunt, sententias animus aduertendus: atque tum demum ita quaeque explicatio ad verisimilitudinem proxime accedere censenda est, ut coniunctis hisce legibus maxime satisfacit. Has ego secutus leges in exquirenda Thaletis theologica ratione, non adeo quidem vanus sum, ut certi quid aut plane explorati praestare me posse putem; attamen tanta se probabilitatis specie commendaturas se arbitror coniecturas nostras, quantum fidei tribuendum esse iudicas commentariis priscorum hominum. Omnino enim, meliores auctores rerum istarum cum non habeamus,

(g) Conf. ILLVSTR. MOSHEMIVS ad CVDWORTH. p. 111. seq. BRVCKER. I. c. L. II. c. 1. §. 4. p. 464.

mus, iis vtendum est, qui sunt. Neque vero sapiens quisquam in his, vetustate incompertis rebus sua sustinebit aliis obtrudere iudicia, quae, non quanto certiora omnibusque dubiis magis vacua: sed quanto verisimiliora sunt, tanto meliora merito ducuntur. Quocirca & auctores mirifice inter se dissentiunt, quatenus fuerit omnino Thaletis de origine rerum de naturaque Dei sententia. Aquam equidem eum statuisse initium rerum omnium, vno ore fatentur omnes (h): at huic Thalem nonnulli mentem diuinam adiunxisse dicunt, atque hanc ob causam mundum vocasse opificium Dei (i). Feruntur & alia quaedam eius praeclare dicta, a DIOGENE LAERTIO commemorata (k), quibus significasse Thales videtur, castius paullo de diuina se sensisse natura. Horum auctoritatem secuti iuniorum nonnulli (l), hanc sibi sinxe-

B 3 runt

(h) CIC. de N.D. L. I, c. 10. PLVTARCHVS de Placit. Phil. L. I, c. 3, T. I, oper. p. m. 261. Edit. Froben. DIOG. LAERT. L. I. segm. 27. conf. ALDOBRAND. & MENAG. ad h. l.

(i) CIC. l. c.

(k) l. c. segm. 35, 36.

(l) In quorum numero sunt STANLEY. Hist. phil. P. I, c. 6, p. 10. IOH. CHRIST. WOLFIUS in not. ad ORIGEN. PHILOS. p. 23 Qui tamen postea sententiam quodammodo mutauit in HIST. MANICH. ante Man. p. 111. seqq. IOH. FRANC. BVDDEVS in THES. de ATH. & SVPERST. C. 1, §. 10. RADVLPH. CVD-

runt disciplinae illius formam: Deum esse mentem diuersam separatamque a prima materia: hanc, tamquam mundi animam, transire atque permeare per omnes vniuersi partes: hinc daemonum plena esse omnia, deumque & videre cuncta, & mundi gerere omniumque rerum curam.

§. III.

Verum, si accuratius rem consideraueris, quaecunque in hanc dicuntur sententiam: ea admodum incerta deprehendes & infirma esse. Purgandi Thaletis, atque tantae ab eo amoliendae impietatis studium abstulisse istos videtur magnos viros, ut pie magis, quam vere constanterque de Thaletis sententia statuerent. Neque ego hoc eorum improbo consilium: nec inuideo Thaleti, si quidem ipse saniora sapuit, quam quae de eo veteres scriptores memoriae prodiderunt. Verumtamen non id iam agitur, qualis fortasse Thaletis esse potuerit sententia: sed qualem eius nobis tradant rationem auctores illi, quorum monumenta vnum hodie habemus historiae philosophicae priscae aevi fontem. Ut igitur, qualis istius ex veterum scriptorum monumentis theologia statuenda sit, via & ratione inuestigemus, quatuor fere his locis totam nostram complectemur

CVDWORTHVS in SYSTEM. INTEL. P. I, c. 3, §. 20, p. 121. seqq. Et, qui arctiori duntaxat vinculo materiam cum deo coniunctam esse ex Thaletis sententia statuit, CELEBER, BRVCK. l. c.

mur disputationem : vt primo Thalem ostendamus ab vna sibi que in omnibus partibus suis simili materia vniuersi mundi deduxisse generationem : deinde eandem hanc primam materiam in minima indiuiduaque corpuscula diuisam eam credidisse doceamur : post vero ipsas primae materiae partes sensu & intelligentia perfusas animatasque esse : quarto denique loco, Thaletis & Heracliti rationem comparemus, ac vtrumque, si summam rei spectes, monstremus, idem fere seculum videri, hac vna constituta differentia, vti, quam materiam Thales aquae naturae esse voluit, eam Heraclitus ad ignem propius dixerit accedere.

§. IV.

Et ad primum locum quod attinet, omnino iste ab aliis iam ita pertractatus est, vt, si vlla plerisque veterum constare debet auctoritas, omnis Thaletis defensio frustra suscepta esse, neque aliter de illius ratione statui vllo pacto posse videatur, nisi ab vna eum materia totius mundi omniumque rerum deriuasse ortum; nec vllum agnouisse intelligens principium, quod quidem ab ipsa prima materia diuersum separatumque sit (m). Superfedere igitur tota hac probatione possemus, nisi, eo quidem consilio, quo orationi nostrae sua constet perpetuitas, potiora

B 4 huius

(m) Conf. BAYL. DICT. HIST. CRIT. voce, THALES, not. A & D. voce ANAXAGORAS, not. D.

huius rei argumenta paucis indicanda nobis essent. Aristoteles igitur primus in aciem prodeat, quo quidem, ut mea fert sententia, antiquorum nemo clarius aut magis perspicue exposuit de Thaletis disciplina. Explicaturus autem Aristoteles veterum philosophorum de initiis rerum opiniones (n), ordinem temporum seruans, *antiquissimos quidem eorum*, inquit, *qui primi philosophati sint, sola illa existimasse rerum omnium principia, quae in materiae specie sunt: τὰς ἐν ὕλης εἶδει μόνον ὡς θησαν ἀρχὰς εἶναι πάντων.* Ex quo enim omnia entia sint, & ad quod ultimum corrumpantur. Substantia quidem permanente, mutatis quanquam passionibus, hoc elementum, & hoc omnium rerum eos habuisse principium: oportere enim aliquam naturam, aut unam aut plures, esse, e quibus caetera fiant, illa conseruata: non inter omnes autem illud quidem conuenire, unane, an plures huiusmodi sint substantiae, aut qualis ea sit? Thalem, qui sit princeps huius philosophiae, aquam dixisse esse illud principium; Anaximenem autem & Diogenem aëra; Hippasum Metapontinum & Heraclitum Ephesum, ignem: Empedoclem vero plura statuisse eiusmodi principia; etenim coniunctis tribus illis quartum, nempe terram, addidisse: neque tamen horum quemquam de alio quodam incorporali atque intelligenti principio, quod sit a prima materia diuersum, fuisse sollicitum, ut qui vnus istis primae materiae elementis fuerint

(n) ARISTOT. Metaphys. L. I, c. 3.

*fuerint contenti: donec tandem posteriores re ipsa
atque ratione coacti ulterius quaererent, quae sit
causa motionis atque mutationis in elementis:
quam quidem quaestionem primum Anaxagoram,
aut fortasse Hermotimum Clazomenium instituisse.*
Eandem fere disputationem Aristoteles alio loco
fusciens (o), eos reprehendit, qui nonnisi
vnam statuisent materiam rerum principium, ut
aquam, aut aërem &c. Quibus quidem verbis
Thalem rursus, quamvis eum non nomet Ar-
istoteles, aperte peti in aprico est. Sed fortasse
ipsa huius orationis apud Aristotelem continua-
tio aliam nos ei subiicere vim & interpreta-
tionem cogit? fortasse hi ipsi Ionici philosophi ii
sunt, quos necessitate adactos esse ipse Aristote-
les perhibet, ad ulterius quaerendum, aliudque
adsciscendum, praeter primam materiam, prin-
cipium, quod sit motus causa: omnisque Io-
nicorum culpa in eo versatur, quod obscure
tantum testeque de incorporali quadam na-
tura cogitauerint, id quod Anaxagoras
contra *Φανερώς* fecit (p)? Tam est acuta subti-
lisque haec interpretatio, tamque digna summo
ingenio ILLUSTRIS auctoris sui, ut audax
fortasse immodestusue videar, qui discedere
ab ista sustineam. Sed pace magni viri, qui
summa humanitate exaequat ingenii singulare
acumen, facile mihi licere confido, ut eam,

B 5 quae

(o) l. c. cap. 7.

(p) Conf. MOSHEM ad CVDWORTH. p.
122. seq.

quae mihi in animo haeret, dubitationem, ea qua par est verecundia, paucis exponam. Atque primum quidem illud haud satis intelligo, qua ratione, quae causa potuisset Aristoteles peculiare quoddam ab aliisque philosophis dissentiens genus istorum constituere, qui, neglecto plane incorporali principio, ex vna materia totius mundi generationem intelligi voluerint; si quidem ad hos ipsos ea pertineret Aristotelis adseueratio, coactos nimirum eos fuisse, aliud principium, praeter materiam, quaerere? Quì, quaeso, opponi aliis, mentis effectiorem adstruentibus, ab Aristotele iidem potuissent? Quì dici illi possent mentis rationem neglexisse, quam ipsi, quamuis obscure, probassent tamen? Neque profecto vllò Aristoteles pacto constare sibi, nec aliquis in vniuersa disputationis perpetuitate sensus inesse possit. Quo deinde iure, quae constantia Aristoteles pluribus, vno, locis, hos ipsos philosophos tam grauiter neglectae purae mentis accusare, errorisque eos ob hanc vnam maxime causam postulare potuisset, quod mundi ortum ex vna materia, nulla interueniente mentis effectiōe, explicare essent conati? si quidem hoc loco aliquas ipsos huic menti partes obscure saltem dedisse, ipse adseueraret. Consideremus modo, quam iratus sit Aristoteles his ipsis philosophis paullo post (q): inepte ille quidem, si vel ipso fatente, iidem rationi cedentes principium eius-

(q) l. c. cap. 7.

eiusmodi corpore vacans, & quaesuerint & receperint in disciplinam suam. Quid denique ea sibi vellet disputatio, quam alio loco idem Aristoteles de animae natura instituit (r)? eos, inquit, qui praeter materiae clementia purae etiam menti a materia diuersae aliquid reliquerint loci, distinxisse animam, quae composita sit ex elementis a mente suae intellectui, quam rationem Anaxagoras secutus sit & Plato: qui contra nulla agnouerint rerum initia, praeter unam materiam, iis & animam atque intellectum idem valere; eam etenim, qua prima materia sit praedita, mouendi vim producere in animalibus & sensum & intelligentiam. In horum autem numero, qui ita sentiant, Thalem nominatim refert Aristoteles. Vides, nil Thalem ex Aristotelis iudicio sollicitum fuisse de alia quadam motionis causa, praeter unas materiae vires, ut qui propterea & ipsam intelligendi facultatem in prima materia versari voluerit. Atqui simili constantique modo Aristoteles, quotiescunque in antiquos istos physicos sermo incidit. His cunctis de causis animum meum inducere non possum, ut Aristotelem dixisse credam, hos ipsos Ionicos, necessitate & ratione coactos, de alio quodam intelligenti principio, a materia diuerso, tandem cogitasse. Procedente tempore, cum stolidi ista Ionicorum ratio acutos quosdam viros offenderet; alii nimirum, non ipsi illi priores Ionici, adducti sunt, ut alterum

(r) de Anim. L. I. c. 2.

quoddam inquirerent principium materiae iungendum: quod quidem primus Anaxagoras *Φανερώς, aperte*, fecit. Quod autem Aristoteles his ipsis verbis significare videtur, ante Anaxagoram ab aliis iam, quamvis obscure, id factum esse; in his quidem Hermotimum Clazomenium fortasse complectitur, cuius expressam hoc loco mentionem iniicit: fortasse & alios, quorum nomina non indicat.

§. V.

Aristotelis igitur si standum est auctoritate, perspicue satis eam, quam dixi, patere arbitror Thaletis sententiam. De ipsa Aristotelis fide iam non quaero: paullo ante hac de re mei aperui animi sensus. Vnum contendo: quantum Aristoteli tribues fidei, opiniones veterum recensenti, tantum veritatis & in eorum explicatione inesse statuas necesse est, qui Thalem nonnisi vnum posuisse rerum omnium principium adseuerant. Durum certe mihi videtur, hominem, qui in hac ipsa disputatione Anaximenis, Anaximandri, Heracliti, aliorumque sententias vere enarrauit, quod postea aparebit, in vno Thalete falsitatis aut mendacii accusare: cum praesertim & alia, eaque haud leuia huius rei argumenta praesto sint. Neque enim vnus Aristoteles est, qui omnem simplicis alicuius mentis a prima materia diuersae essectionem ignorasse Thalem tradat; iisdem enim fere verbis A. V. G. V. S. T. I. N. V. S. de Thalete disputans: *Aquam puta-*

putavit Thales, inquit, rerum esse principium, & hinc omnia elementa mundi ipsumque mundum, & quae in eo gignuntur, existere. Nil autem huic operi, quod mundo considerato tam admirabile adspicimus, ex diuina mente praeposuit (s). Quibus verbis quid adhuc clarius ad confirmandum Aristotelis iudicium possit requiri, non sane video. Simili modo de Thaletis disciplina pronuntiant CLEMENS ALEXANDRINVS & EVSEBIVS (t). Neque temere credam, irridendorum philosophorum studio ecclesiae patres istos adductos ita peruerse exposuisse de Thaletis disciplina; plus enim, quam par est, Augustinus maxime, in eo elaborauerunt nonnunquam, ut philosophorum decreta, quacunque fieri posset ratione, cum sacrae scripturae conciliarent oraculis. Quo loco diffiteri non possum, eorum mihi minus probari commentatorum explicationem, qui Thalem putant, cum aquam omnium rerum diceret principium, ad vnus terrae nostrae generationem respexisse: ita quidem, ut nihil obftet, quo minus reliquorum corporum coelestium alia sint ex mente Thaletis principia (u). Haec enim sententia cum vilo veterum scriptorum conciliari nullo pacto potest: quos vna omnes constantique voce ita enarrare Thaletis rationem, ut secundum eum

(s) AVGVST. de ciuit. D. L. VIII. c. 2. T. V. oper. p. m. 433. Edit. Basileens.

(t) Conf. MOSHEM. ad CVDW. p. 123. not. 8.

(u) BRVCKERVS l. c. p. 466.

eum aqua sit totius naturae principium, aparet. Neque etiam excusationis aliquid inde redundat in Thaletem, quod, qua usus est, vox ἀρχή a Cicerone, *initium*, translata sit, quae vox causam, ut dicunt, materialem, non vero effectum significet (x). Promiscue enim haud raro usurpantur probatis latinae linguae auctoribus voces *initium* & *principium*: atque ipse adeo Cicero, alio loco Thaletis sententiam exponens, aquam eum vocasse dicit *principium* omnium rerum: *Tantum*, inquit, *de principii rerum, e quibus omnia constant, videamus, quem probet (sapiens): est enim inter magnos homines summa diffensio.* Princeps Thales ex aqua dixit constare omnia &c. (y).

§. VI.

Sed dispiciamus deinde, qualis fuerit ANAXIMANDRI, Thaletis discipuli, atque, qui illum audiuit, ANAXIMENIS, physica ratio. Horum enim utriusque cum paullo apertior sit sententia, aliquam ea nobis videtur, de Thaletis mente probabili ratione coniiciendi, munire viam. Ignorasse vero omnino istos homines divinam mentem, quae a prima materia sit diuersa, certum fere euictumque puto: atque aliter hac de re uti statuamus, ne fieri quidem potest, nisi apertissimis veterum testimoniis vim asferre, putidisque ea pervertere velimus explanationibus.

(x) BRVCK. l. c.

(y) CIC. QQ. AA. L. IV. c. 36.

bus. Neque multas conquiramus auctoritates
neceſſe eſt; vnus enim Plutarchus hac in parte
tam eſt clarus, vt poſſit inſtar omnium eſſe:
Ἀναξίμανδρος, inquit, Φησὶ τῶν ὄντων τὴν ἀρ-
χὴν εἶναι τὸ ἀπείρον. ἐκ γὰρ τάτῃς πάντα γίνεσθαι,
καὶ εἰς τῷτο φθείρεσθαι - - - ἀμαρτάνει
δὲν, τὴν μὲν ὕλην ἀποφαινόμενος, τὸ δὲ ποιεῖν
ἄτιον ἀναρχῶν. τὸ γὰρ ἀπείρον οὐδὲν ἄλλο, ἢ ὕλη
ἐστίν. *Anaximander infinitatem naturae dicit
rerum principium eſſe: ex hac enim omnia gi-
gnū, & in hanc eandem omnia interire - - - -
peccat igitur, materiam quidem indicans, effe-
ctricem vero cauſam tollens: nihil enim infinitas
naturae aliud eſt, niſi materia (2).* Item de
Anaximene: Ἀναξίμενης ἀρχὴν τῶν ὄντων αἶρα
ἀπεφύνατο· ἐκ γὰρ τάτῃς τὰ πάντα γίνεσθαι,
καὶ εἰς αὐτὸν πάλιν ἀναλύεσθαι - - - - ἀμαρτά-
νει δὲ καὶ ἔτος, ἐξ ἀπλῆς καὶ μονοειδῆς αἰέρος ὁο-
κῶν συνεσάναι τὰ ζῷα. ἀδύνατον γὰρ ἀρχὴν μίαν
τὴν ὕλην τῶν ὄντων, ἐξ ἧς τὰ πάντα ὑποσῆναι,
εἰλλὰ καὶ τὸ ποιεῖν ἄτιον χρὴ ὑποτιθέναι. *Ana-
ximenes principium rerum aëra ſtatuit: ex hoc
enim omnia exiſtere, & in eundem rursus diſ-
ſolui. - - - Sed errat & hic, ex ſimplici, putans,
atque in omnibus ſuis partibus ſibiſmet ſimili aëre
animalia eſſe concreta. Fieri enim non poſeſt,
vt vna materia ſit rerum principium, ex qua
eunecta ſubſiſtant; ſed & cauſam effecttricem oportet*

(2) Plutarch, de Pl. Ph. L. I. c. 3. T. I. oper. p.
III, 262.

tet subiici (a). Conferas iam, si placet, haec scholae Ionicae doctorum decreta cum iis, quae supra ex Aristotele a nobis de his ipsis sunt relata; atque, cum optima fide Aristotelem videas Anaximandri Anaximenisque sententias exposuisse, cur, quin idem in Thalere factum dubites, nulla videtur ratio adesse. Plura vero si desideres veterum loca, ex quibus eadem ipsa Anaximandrum atque Anaximenem docuisse intelligatur, quae Plutarchus illis tribuit, locupletem tibi auctoritatum messem ALDOBRANDINVS exhibebit & MENAGIVS (b). Omnium vero diligentissime hac in parte versatus est RAD. CVDWORTHVS (c), quo lectorem, ne actum agere videamur, ablegamus. Affert hoc loco excusationem Anaximenis STANLEIVS, Stobaei auctoritate nixus, atque illum putat, quamuis & Deum ipsum aëra dixerit, non sustulisse tamen omnino incorporalem aliquam diuinam naturam; sed haec accipienda duntaxat esse de viribus diuinis, elementa suae corpora penetrantibus (d). Sed iam b. GOTTOFREDVS OLEARIVS in notis ad hunc Stanleii locum, hanc quidem excusationem probabilem non esse, recte obseruauit: *quia, si Anaximenes aëra omnino a Deo distinxisset, ille ipse aër in numero carum rerum, quas a Deo generatas esse*

(a) PLVTARCH. l. c.

(b) ad DIOG. LAERT. l. II. segm. I. & III.

(c) SYST. INTELLECT. p. 122. seqq.

(d) STANL. Hist. phil. P. II. c. 2. p. 99.

esse Anaximenes dixerat, omitti non potuisset: stare igitur Anaximenes causam cum causa Anaximandri, atque illum in hoc uno longius progressum esse, quod definiuerit, quid sit ista infinitas naturae, quam Anaximander rerum omnium principium esse decreuerat. Et ad hoc postremum viri egregii iudicium quod attinet, praeter modo laudatum Plutarchi locum, perspicue illud confirmatur a Diogene Laertio, qui cum Anaximenes rationem ita exponat: ἔτος ἀρχὴν αἰέτα ἔστω τὸ ἀπείρον (e); omnino haec vis subiicienda est his verbis: Hic initium rerum dixit esse aëra, atque hoc illud infinitum esse (Anaximandri), id quod praeclare vener. D. Heumannus monuit (f). Hanc vero interpretationem ignorantes, eruditi viri CASAVBONVS atque WOLFIVS, haerent in explicando Laertii loco (g). Ex his vero illud quoque intelligitur, minus recte AVGVSTINVM Anaximandri mentem affecutum esse, quem toto genere immutasse Thaletis rationem putat: Huic (Thaleti) successit Anaximander, inquit, eius auditor, mutauitque de rerum natura opinionem: non enim ex una re, sicut Thales ex humore, sed
ex

(e) DIOG. I. c. segm. 3.

(f) in ACT. PHIL. T. III. conf. BRVCK. In den Fragen aus der philosoph. Hist. T. I. L. III. C. I. Q. 10. not. I.

(g) ad DIOG. I. c. WOLF. ad ORIG. PHIL. c. 7. p. 61.

ex suis propriis principiis quasque res nasci putavit, quae rerum principia singularum esse credidit infinita (h). Facile enim aparet, Anaximandri sententiam ab Augustino quodammodo ad Anaxagorae accommodatam esse placita. Nam quod ad elementa siue initia rerum attinet, ista, quam Augustinus exhibet, Anaximandri disciplina plane aliena est a reliquorum narratione auctorum, qui non quasque res ex suis propriis principiis deriuasse Anaximandrum, aut singularum rerum principia infinita putasse, tradunt; sed primam vniuersamque omnium rerum materiam vocasse τὸ ἀπειρον: neque in vlla alia re discrepasse a Thalete atque Anaximene, nisi quod, quale sit istud infinitum, aqua, an aër? non definiuerit.

§. VII.

Neque tamen corpora duntaxat, illamque mundi partem, quae in sensus nostros incurrit, vterque istorum e prima generatam esse materia putabant; sed ipsorum iam deorum ortum vnus tribuebat materiae actioni. Quae quidem res nec coniectura continetur, nec ex reliquis illorum decretis argumentatione forsitan nuda concluditur. Sunt enim satis expressa veterum testimonia, quae dubitationi nihil loci relinquunt. Ita CICERO de Anaximandro: *Anaximandri opinio est natiuos esse deos, longis interuallis*
orient-

(h) de C. D. L. VIII. c. 2. T. VI. op. p. 433.

orientes occidentesque (i). Item de Anaximene: *Anaximenes aëra Deum statuit, eumque gigni, esseque immensum & infinitum & semper in motu* (k). Atque clarius etiam de Anaximene quidem ORIGENIS PHILOSOPHYMENA: Ἀναξίμενης - - - αἴερα ἀπειρον ἔφη τὴν ἀρχὴν εἶναι, ἐξ ἧς τὰ γινόμενα, τὰ μεγένητα, καὶ τὰ ἐσόμενα, καὶ θεὸς καὶ θεῶν γίνεσθαι. *Anaximenes infinitum aëra esse principium contendit: inde & quae sunt, quae fuerunt, quaeque futura sunt, sicut & deos & diuina existere* (l). Quo eodem sensu Anaximenes & animam nostram affirmat nil nisi aërem esse: αἶον ἢ ψυχὴν ἢ ἡμετέρεα αἶρ ἔστα, συγκρατεῖ ἡμᾶς. καὶ ὅλον τὸν κόσμον πνεῦμα καὶ αἶρ περιέχει. λέγεται δὲ συνωνύμως αἶρ καὶ πνεῦμα. *Quemadmodum & anima nostra, quae aër est, nos continet: atque vniuersum mundum spiritus & aër complectitur: idem vero valent spiritus & aër* (m). Ex quibus Plutarchi verbis eundem aëra discimus fufum per vniuersam rerum naturam, vitae & sensationis & motus omnis causam existere. Occurrit autem hoc loco eadem cautio, quam aliquoties iam indicauimus, tantum inesse in his interpretationibus probabilitatis; quantum veterum monumentis fidei tribuendum esse putas. Quocirca arrogans profecto & immodestus futurus esset, qui ita ex-

C 2

plora-

(i) CIC. de N. D. L. I. c. 10.

(k) CIC. l. c.

(l) C. 7. p. 61.

(m) PLUTARCH. de Pl. Ph. L. c.

ploratam se habere antiquissimorum philosophorum rationem iactaret, vt nullo pacto aliter statuisse istos viros fieri queat. Statuerunt sane hoc modo, si veteres auctores, quorum ad nos peruenerunt monumenta, vere & candide nobis eorum sententias exposuerunt: sed quis est, qui hoc praestare audebit? Veruntamen utimur omnes istis antiquitatis monumentis, quandoquidem meliora non habemus: disputamus ex iis de sententiis philosophorum prisca aevi: atque inest in ea disputatione, nescio quis, voluptatis suauissimus sensus, quo ducimur impellimurque ad perscrutanda, vt regnorum imperiorumque fata & vicissitudines, sic & placita sapientiamque canae vetustatis: malumusque omnes aliquid, quamuis cum multiplici errandi periculo res sit coniuncta, quam plane nihil dicere. Neque caret istud studium suo fructu, dummodo recte prudenterque veterum sapientium decretis vti didicerimus. In hoc igitur litterarum genere hanc vnā mihi legem ipse scripsi, vt eam interpretationem probandam sequendamque mihi statuerem, quae non vnus quidem vel alterius: sed omnium vetustatis auctorum coniunctis vnāque consideratis testimoniis, quam possit fieri, maxime congruat. Doctiores meliora scire, facile & credo & patior: neque indignabor, si quis meas coniecturas respuere, tamquam minus probabiles, consultum duxerit. Illud tamen plane mihi persuasum est, multo minus probabiles interpretationes esse omnes,

mnēs, quae aut veterum scriptorū testimoniū
destituuntur, aut iis omnino repugnant. Hac
ego lege ductus, fieri vix posse arbitror, nisi
totius antiquitatis consensui, constantique me-
moriae apertam inferre velimus iniuriam, quin
Anaximandrum Anaximenemque statuamus v-
nam modo materiam probasse principium o-
mnium rerum, remota in vniuersum neglecta-
que ea mente, quae quidem a prima ista ma-
teria diuersi¹ quid aut separati sit. Pauca sunt,
quae eruditissimi quidam viri, Anaximandri
Anaximenisque purgandi causa, in medium at-
tulerunt. Ac de Anaximandro quidem pri-
mum istud argumentum omittendum esse pu-
to, quod a Thaletis ratione petitur, quem
cum mentem a prima materia diuersam statu-
isse arbitrantur, nec Anaximandrum eam ipsam
mentem repudiasse, inde concludunt. Quid
vero, si ne Thales quidem probarit eiusmodi
mentem? Hoc enim ipsum est, quod in con-
trouersiam vocatur. Relinquamus igitur tan-
tis per in medio, quae dubia sunt, & vniuersam
potius Ionicae philosophiae ambitum comple-
ctamur, vt aliquam inuestigemus viam in con-
cordiam redigendi aptaque conciliandi compo-
sitione, quidquid veteres de ea scriptum nobis
reliquerunt. Maius fortasse pondus habet, quod
ex Hermia (n) affertur, fuisse secundum Ana-
ximandrum, τῆ ὑγῆ πρεσβυτέρων ἀρχὴν, τὴν
αἰδίων

C 3

(n) In Irris. gentil. conf. MOSHEM. ad CVD-
WORTH. p. 128.

αἰδιον κίνησιν, principium aliquod antiquius humido, nimirum aeternam motionem. Sed nihil haec probant, nisi prius efficiatur, idem esse τὸ ὑγρὸν, humidum, quod τὸ ἄπειρον, infinitas naturae, seu innuita materia: tunc enim suspicari demum poterimus, induxisse Anaximandrum praeter τὸ ἄπειρον aliam quandam intelligentem naturam. Quid, si dicam, τὸ ὑγρὸν non ipsum τὸ ἄπειρον, sed affectionem modo atque temperamentum esse τῷ ἀπείρῳ, quo quidem hoc, quod ad partes suas attinet in aeterno motu positum, manifestet sese atque conspiciendum praebat. Haec certe Anaximenis ratio fuit, qui de infinito aëre suo, ἔταν μὲν, inquit, ὁ ἐμαλώτατος ἦ, ὅψι ἀδελόν εἶναι, δηλοῦσθαι δὲ τῷ ψυχρῷ, καὶ τῷ θερμῷ, καὶ τῷ νοτερῷ, καὶ τῷ κινωμένῳ κινεῖσθαι δὲ αἰεὶ. *Quam maxime acquabilis cum sit, effugere oculorum sensum: manifestari autem frigido & calido, tum humiditate & motu: moveri autem semper* (o). Atqui Anaximenis aërem nihil aliud esse, quam infinitum illud Anaximandri, apud plerosque in confesso est. Hinc palam est, ni fallor, nihil praesidii Anaximandri causam in Hermiae verbis inuenire. Omnino etenim aliud quoddam principium, antiquius humido siue crassiori materia, existit, ipsum nimirum τὸ ἄπειρον seu subtilissima illa prima materia; cuius partes ab aeterno mouentur. Sed adsunt alia, eaque expressiora huius rei indicia, ex

(o) ORIG. PHILOS. c. 7. p. 62.

ex ipsius Anaximandri placitis deprompta. Consideres, quæso, eam Anaximandri cosmogoniam, quam EUSEBIUS ex deperdito Plutarchi Stromatum libro exhibet (p), in qua ita loquens inducitur Anaximander: τὸ ἐκτὰ αἰδῖος γόνιμον θερμὸν τε καὶ ψυχρὸν κατὰ τὴν γένεσιν τὰδε τὰ κόσμος ἀποκριθῆναι. *Fecundas atque genitales calidi frigidique partes circa mundi huius procreationem ab omni æternitate sepositas fuisse.* Caue putes, calidum atque frigidum duas separatasque naturas Anaximandro fuisse: affectio vtrumque est atque temperamentum vnius infinitatis naturae. Idem enim paulo ante: τὸ ἀπύρον, inquit, τὴν πᾶσαν αὐτίαν ἔχειν τῆς τὰ πάντος γενέσεως. *Causam omnium omnino rerum vni duntaxat infinita assignandam esse.* Quod & IRENAEUS confirmat: *Anaximander, inquit, hoc quod immensum est omnium initium subiecit, seminaliter habens in semetipso omnium genesis, ex quo immensos mundos constare ait* (pp). Iam vero, quis ignorat, τὸ ψυχρὸν, frigidum, & τὸ ὑγρὸν, humidum, promiscue haud raro usurpari in veterum philosophica ratione, vel certe vehementer cognata esse? ut modo ex Pseudo-Origene Anaximenem audiimus iungentem τὰ ψυχρὸν & τὸ νότερον, siue τὸ ὑγρὸν. Habes itaque illud ὑγρὸν, quod est apud Hermiam. ARISTOTELES denique ab Anaximandri Pa-

C 4

tro-

(p) DE PRAEPAR. EVANG. L. I. c. 8.

(pp) L. II. c. 19. conf. IOH. ALB. FABRICIUS ad SEXT. EM. p. 135.

tronis testis excitatur, qui ex mente Anaximandri: τὸ ἀπειρον, inquit, περιέχειν ἅπαντα, καὶ πάντα κυβερνᾶν. *Infinitum omnia continere, & gubernare omnia* (q). Demus iam eruditissimo BRVCKERO, minus recte SIMPLICIVM atque PHILOPONVM haec verba ad coecum brutae materiae impetum traduxisse (r): Concedamus, maius quid, atque excellentius in hac inesse Anaximandri sententia; qui tamen mens, quae sit separata a prima materia, effici inde aut possit aut debeat, me quidem fateor haud intelligere. Ipsum infinitum dicitur continere & gubernare omnia: quid iam est infinitum? PLVTARCHVS respondeat: τὸ ἀπειρον ἕδὲν ἄλλον, ἢ ὅλην ἐσίν. *Infinitum nihil aliud est, nisi materia* (s). Nec inuito istuc quidem cel. BRVCKERO, qui egregius Vir infinitum Anaximandri, esse aërem Anaximenis, ipse contendit (t). Confirmatur haec explicatio auctoritate SEXTI EMPYRICI, Αναξίμανδρος, inquit, (ἀπέλιπε τὴν γένεσιν) ἐξ αἰέρος. *Anaximander* (rerum ortum admisit) *ex aëre* (tt). Ipse ergo aër, vna sibi que similis natura, cuncta gubernat. Recordare Stoicos, igni suo artificiali vniuersam rerum naturam administrari, statuentes: num quis inde naturam aliquam siue mentem

(q) PHYSIC. L. 3. c. 4.

(r) vid. CVDWORTH. l. c. p. 125. seq.

(s) l. c.

(t) l. c. §. 17. p. 489.

(tt) Aduers. Mathem. L. X. sect. 313.

mentem, quae diuersa sit ab ipso isto igni, exscul-
pit? Quid igitur est, quod in Anaximandri di-
sciplina rationes aliter subducere nos oporteat?
Cum praeferim vna atque constans veterum
vox sit, vnam causam, vnum rerum principium,
a quo cuncta proficiantur, Anaximandro pla-
cuisset. Relinque istam separatae mentis opi-
nionem; eam finge rationem infiniti aëris, ut ipse
possit cuncta gubernare; & habebis, quo con-
sentienti vetustatis memoriae satisfacias: quod
quale sit, postea videbimus. Veniamus iam ad
Anaximenem. Plane hoc loco contra sese
ipse pugnat Celeber. BRVCKERVS. Coniectu-
ras affert ex LACTANTIO (u), simili modo
Anaximenem de infinito aëre statuisse, vt Cle-
anthes Stoicus de aethere. Sit sane: quid tan-
dem inde efficiat quis? mentemne diuinam di-
uersam esse naturam ab ipso aëre? Stoici igitur
crediderunt, non ipsum aethera siue diuinum i-
gnem sentire & intelligere: sed inhabitari duntaxat
a mente diuina diuersae plane naturae? Atqui
nec ipse venerandus vir ita interpretatus est Stoi-
corum sententias (w). Ipse aether sentit: idem
ipse intelligit, nec est praeterea alia quaedam
diuinior atque interior natura, quae in eo habiter.
Iam vero argumentum concludas: nulla est di-
uina mens in Anaximenis ratione, quae quidem

C 5

ab

(u) Vid. LACTANT. de falsa Relig. L. I. c. 5.
P. m. 37.

(w) l. c. P. II. L. II. c. 9. §. 7. num. 6. seq. p.
923. seq.

ab aëre differat, aut interior illo vel magis diuina censenda sit: si quid diuini inest in aëre; affectio & temperamentum atque virtus ipsius aëris, non vero diuersi quid ab ipso aëre illud est putandum. Simili modo de **DIOGENE APOLLONIATE** statuendum esse, arbitror. Alienus plane, quod ad hunc attinet, sensus in loco quodam, qui est apud **AVGVSTINVM**, quaeri videtur. Hic enim, de priscis Ionicis disputans: *Diogenes*, inquit, --- *aërem quidem dixit rerum esse materiam, de qua omnia fierent: sed eum esse compotem diuinæ rationis, sine qua nihil ex eo fieri possit* (x). Duas itaque putant in aëre inesse naturas, materiam atque mentem. Sed me huius argumenti connexionem haud intelligere, fateor. Quod si enim, quia Augustinus, ex Diogenis sententia aërem compotem esse diuinæ rationis, restatur, inde consequi quispiam putet, duplicem in aëre versari naturam; nae is etiam duplicem naturam animæ nostræ statuatur necesse est, qui eam dicit rationis compotem esse. Stoici subtilissimum istum naturæ ignem simili modo rationis compotem esse voluerunt: idem vero ignis omnino ipsis Deus est, neque duplicem naturam inde concludere cuiquam in mentem venit. Quid igitur? quid quaeso causæ est, cur Augustini verba eo traducamus, ut Diogenem opinemur duplicem naturam statuisse? cum praesertim inuitis id fiat repugnantibusque reliquis auctoribus, qui omnino

(x) **AVGVST**, de C. D. L. VIII. C. 2, p. m. 432.

minio ita interpretati sunt Diogenis sententiam, ut rationem atque intelligentiam nonnisi affectionem quandam atque virtutem ipsius aëris esse, apareat. Ita certe CIGERONEM sensisse dubio caret, qui: *quid aër inquit, quo Diogenes Apolloniatas utitur Deo, quem sensum habere potest, aut quam formam Dei?* (y). Nec aliter ARISTO-

TELES: Διογένης δ' ὥσπερ καὶ ἑτεροῖτινες αἶρα τῶτον οἰκθεῖς πάντων λεπτομερέστατον εἶναι καὶ ἀρχήν. διὰ τῶτο γινώσκειν τε καὶ κινεῖν τὴν ψυχὴν, ἥ μὲν πρῶτόν ἐστι, καὶ ἐκ τῆς τὰ λοιπὰ γινώσκειν ἥ δὲ λεπτομερέστατον, κινητικὸν εἶναι.

Diogenes autem, sicut & alii quidam, aërem ipsum censuit subtilissimam istam substantiam atque principium omnium rerum esse. Idcirco cognoscere atque mouere animam dixit: cognoscere quidem, quatenus primum est, & ex hoc ipsa eam caetera cognoscere: quatenus vero subtilissima substantia est, eatenus motium quid esse (z).

Qui locus plane notabilis est, eumque animaduerti velim lectoribus, ut qui vniuersam nobis Ionicorum videtur rationem recludere, qua isti in prima materia putarint versari & sensum & motionem. Accedit, quod non iam animos hominum modo, sed ipsos etiam deos suos priores isti Ionici ex ea, quam ponebant, prima materia, ortos esse censuerunt, id quod ex iis, quae adhuc dicta sunt, satis constat. Quis vero fu-

(y) de N. D. L. I. c. 12.

(z) De Anim. L. I. c. 2. conf. de Diogene Baylius voc. Diog. Apol. not. B.

susplicari possit, si quidem, praeter primam materiam, mentem quandam iidem probassent, quae quamuis inhabitet animetque istam materiam, diuersae tamen naturae sit, diis atque hominum animis originem eos adsignaturos fuisse non ex ipsa mente, sed ex prima materia? Quis veterum ita locutus est? Omnes certe, qui vel leuissima mentis diuinæ in rationibus suis reliquerunt vestigia, ex hac ipsa mente, nequaquam vero ex materia, deos atque animos, omnino quod ad horum nobilissimam partem attinet, natos esse contendeabant. Ipsi Stoici, quamquam iis ipsa mens corporis quid erat, quod tamen, praeter subtilissimum istud corpus, crassiorem quandam ponebant materiam, propterea & diis & animis, neglecta crassiori materia, initium dederunt in subtiliori aethere, quem ipsi diuinum esse censebant. Teneamus igitur, totum istud mentis diuinæ genus, quae quidem interior sit ipso aëre aut aqua, ab vniuersa priorum Ionicorum disciplina procul exulare, neque aliud vllum in eorum ratione totius naturae principium inesse, praeter vnā istam sibi in omnibus suis partibus similem materiam.

§. VIII.

Veterum iam testimoniis ad vnum fere omnium quid facturi essemus, si quidem Thalem velimus effectiōem mentis non reliquisse modo, sed omnino ei in producendo mundo ali-

aliquas tribuisse partes? Tantus enim est illorum consensus, Anaxagoram principem ponentium, qui ad explicandam rerum generationem diuinam mentem a materia separatam introduxerit, ut qui vnus propemodum CICERONIS testimonium tot contrarias auctoritates sustinere possit, vix videam (a): taceo, istum Ciceronis locum deprauationis suspicione haud vacare (b). Qui ipsa priscorum auctorum cupit verba inspiciere, BAYLIVM adeat (c): nobis in praesentia satis sit vnus DIOGENIS LAERTII adduxisse testimonium: Ἀναξάγορας πρῶτος τῇ ὕλῃ νῦν ἐπέστησεν. *Anaxagoras primus materiae mentem praefecit* (d). Anaxagoram propterea νῦν, *mentem*, esse cognominatum, ex PLVTARCHO discimus (e). Quo iure, quaeso, quauis ratione haec vna fere constantique voce ab antiquis esse possent dicta, si aliqua supremæ mentis in Thaletis disciplina inesset significatio? Neque tamen Anaximandrum quis atque Anaximenem dicat Thaletis rationem corrupisse, quæ ab Anaxagora tantum restituta sit atque repurgata. Non enim ad Thalem huius sententiæ ab Anaxagora reuocatae originem refert Diogenes Laertius, quod omnino factum foret, si huius generis quid Thales docuisset: Sed ad LINVM, vetustissimum poetam

(a) CIC. de N. D. L. I. c. 10.

(b) Vid. BAYL. voc. ANAXAG. not. D.

(c) l. c. not. E. & F.

(d) L. II. segm. 6.

(e) In PERICLE T. II. oper. p. m. 111.

tam (f). Quocirca & ipse CICERO, cuius tamen verbis vel maxime confidunt Thaletis patroni, haud multo post, quam Thalem dixerat nientem aliquam diuinam statuillē, quae ex aqua cuncta fingeret, longe aliter, reliquis antiquitatis auctoribus plane assentiens, hac de re pronuntiat: *Anaxagoras*, inquiens, PRIMVS OMNIIVM rerum descriptionem & modum mentis infinitae vi ac ratione designari & confici voluit. (g). Hunc igitur aut sui oblitum dicas necesse est, qui tam protulerit vehementer repugnantiā: aut, quod probabilius mihi quidem videtur, toto genere diuersa ista mens putanda est, quae secundum Thaletis rationem ex aqua cuncta finxit, ab illa suprema mente, quam a prima materia distinctam vacantemque corpore, inter Graecos Anaxagoras princeps ad explicandam mundi generationem adhibuit. Sed de hoc quidem postea considerabimus: nunc tantum monendus lector videtur, reliquum illud apophthegmatum genus, quibus Thales vsus a DIOGENE LAERTIO dicitur, praeter causam ad interpretandam illius theologicam rationem transferri; cum, quod solemne in antiquis viris est, ab alio aliter eadem referri, atque etiam aliis assignari consueuerint (h).

§. IX.

Haec igitur argumenta atque auctoritates veterum scriptorum cum per se satis magnam

(f) L. c.

affe-

(g) L. c. cap. XI.

(h) Conf. BAYL. voc. THALES. not. A.

afferunt verisimilitudinem, istam separatæ mentis rationem, quæ inhabitet duntaxat in materia, aut arduissime etiam cum ea coniuncta sit, repudiata esse a Thalete; tum vero, si postea ostensum fuerit, ex caeteris auctorum locis longe aliud quid, quam eiusmodi effici separatam mentem, quid Thaletis patronis relinquatur præsidii, haud intelligo. Illud vero, quod Thalem diximus primam istam materiam in omnibus suis partibus sibimet similem statuissè, longiori probatione non eget. Simul enim admiseris laudatorum auctorum testimonia, de corporeis rerum omnium ex Thaletis sententia initiis; ac illud fatearis necesse est, vnius generis materiam, vnâ nimirum aquam, esse primum istum fontem, ad quem reliqua elementa totiusque mundi ornatus ortum suum referant. Sed si magis illustria postulas veterum testimonia; accipe ARISTOTELIS verba, qui ex Thaletis discipulorumque eius sententia, τὸ ὅλον, inquit, τοῖς μορίοις ὁμοειδὲς εἶναι. *Totum & particular eiusdem esse speciei* (i). Qua ratione autem expedierit Thales generationem naturæ ab vna simplici que aqua, ex PSEUDO-ORIGENIS commentatione obscurum esse non potest. Hic enim: ἄτος (θάλης) ἔφη, ἀρχὴν τῶ πάντος εἶναι καὶ τέλος τὸ ὕδωρ· ἐκ γὰρ αὐτῶ τὰ πάντα συνίστασθαι, πηγνυμένον, καὶ πάλιν διανιεμένον, ἐπιφέρεσθαι τε αὐτῶ τὰ πάντα. *Hic (Thales) aquam*

(i) de Anim. L. I. c. 5.

*aquam vniuersi initium & finem statuit. Con-
stare namque omnia ex hac densata, vel rursus
extenuata, & in eam ferri omnia (k). Etenim,
cum minima, ex quibus aquam istam constare
statim videbimus, corpora accedendo propius
se contingunt, aut refugiendo discèdunt; nunc
condensantur prima materia, nunc rarefcit eadem:
quarum mutationum prima crassio-rem producit
materiam: altera vero finem affert & interitum
corporibus, cum resoluuntur ista in simplici-
orem, vnde ortum traxerunt, materiam. Nec ali-
ter Anaximenes: qui censuit, πυκνόμενον ἢ
ἀραιόμενον (τὸν αἶρα) διάφορον φαίνεσθαι.
ὅταν δὲ εἰς τὸ ἀραιότερον διαχυθῇ, πῦρ γίνε-
σθαι, μέτῳ δὲ ἐπ' αὐτὸν εἰς αἶρα πυκνόμενον ἐξ
αἵρος νέφους ἀποτελεσθῇ κατὰ τὴν πόλιν, ἔτι
δὲ μάλιστα ὕδαρ, ἐπὶ πλείον πυκνωθέντα
γῆν, ἢ εἰς τὸ μάλιστα πυκνώτατον λίθιν. Den-
satum & extenuatum aërem aliam atque aliam
inducere faciem. Cum dissolutus ad altiore-
m peruenit gradum, producere ignem: ad mediocrem
vero cum ad aërem densiorem, ex aëre effici nubem
per errationem (ita GRONOVIVS, sed, per con-
uersionem, credo, transferendum est): cum ad-
huc magis, aquam: aucta vero hac constipatione,
terram: & quam fieri potest, densissima compage
constituta, lapides (l). En illustre istius, quem
saepius inculcamus, argumentum consensus in-
ter Ionicorum philosophorum placita. Quid
est,*

(k) C. I. p. 22. seq.

(l) PSEUDO-ORIGEN. C. 7. p. 62.

est, quod Thales aliter explicarit rationem suam? Cur Thalem fingamus reconditos habuisse sapientiae thesauros, quos ignorarint discipuli; cum illius tamen disciplina ex discipulorum disputationibus praeclare & possit aestimari, & ab antiquissimis historiae philosophicae scriptoribus omnino aestimata sit.

§. X.

Thales igitur, cum solam primam materiam rerum omnium agnouisset initium; noua hoc loco quaestio exoritur, vtrum perpetuitatem quasi quandam atque continuationem in ista inesse materia voluerit: an verò diuisam eam intellexerit in minimas indiuiduasque partes? Quae quidem quaestio faciliores habitura esset explicatus, si corpuscularis philosophiae a PHOENICIBVS dudum probatae paullo certiores, quam vnum POSIDONIVM, haberemus auctores. Neque enim nullius plane sunt momenti, quae contra Posidonii fidem THOMAS BRUNETIVS, atque ex eo BAYLIUS & BRVCKERVS, disputant (m). Illud tamen me, quod iidem isti eruditissimi viri corpuscularem rationem a Phoenicum ingenio atque aetate abhorreere opinantur, plane non mouet. Subtiles equidem istas disputationes, quas de motu vorticibusque minimorum corporum postea De-

(m) BAYL. voc. LEVCIPPVS, not. A.
BRVCK. l. c. l. l. c. 6. §. 3. p. 231. seqq.

Democritus & Epicurus instituerunt, a Phoenicibus iam esse agitata omnino vix probabile videatur. Verum, id modo si agitur, sitne prima materia vnum quoddam continuumque, quamquam subtilissimum corpus: an vero in minimas seperatasque diuidenda partes; longe aliter pronuntiandum esse putem. Ista enim vnus omnino perpetuaeque naturae ratio, quam recentiori memoria SPINOZA commentus est, tam est stolidi, tamque auersa a recta ratione, atque ab ipso denique sensu, vt longe facilius primi philosophi mihi quidem videantur, in minima indiuiduaeque primae materiae corpora potuisse, quam in vnam istam continuamque eiusdem materiae naturam incidere. Dicam, quod sentiam: non veteres modo Phoenices, sed & vetustissimos Graeciae philosophos omnes istam, quam posuerunt, primam materiam, minimis composuisse indiuiduisque partibus, vt credam, non certo equidem iudicio: coniectura tamen aliqua ducor fortasse haud improbabili. Quae enim ARISTOTELES de antiquissimorum disputat philosophorum opinione, qui illud quisque corpus statuerint principium omnium rerum esse, quod sit *μικρο μερέσσεων καὶ λεπτότατον*, *ex minimis compositum partibus subtilissimumque*, (n) ea Heraclitum non magis probant minimas admisisse materiae suae primae partes, quod ex his verbis recte, mea qui-

(n) ARIST. Metaph. L. I. c. 7.

quidem sententia, concludit b. OLEARIVS. (o), quam reliquos, de quibus loquitur Aristoteles, philosophos in eadem fuisse sententia. In horum vero numero vel maxime Thalem esse referendum, patebit, si tertium caput METAPHYS. ARISTOTELIS cum capite septimo libuerit conferre. Atque haec quidem ratio non modo cognita atque probata veteribus philosophis: sed ita etiam communis vulgarisque videtur fuisse, vti vix quisquam in recensendis philosophorum sententiis operae pretium esse duxerit, eius aliquam iniicere mentionem; nisi quis cum eadem opiniones nonnullas coniunxerit, a reliquorum disciplina separatas. Cui rei ipse argumento esse potest Heraclitus. Hunc enim ignem quem adferebat esse principium vniuersi mundi, a minimis composuisse corpusculis, haud leuibus docuit OLEARIVS argumentis (p); neque tamen veterum quisquam propterea, nisi ὡς ἐν παρόδῳ, hoc Heracliti decretum commemorauit: neque enim inusitati quid in eo versabatur. Aut quis, quaeſo, vetustiorum scriptorum, ANAXAGORAM primum reliquisse caeterorum philosophorum auctoritatem, dixit, quod in materia partes inesse arbitraretur? Non *partes* profecto: sed *similitudinem partium* in Anaxagorae notarunt disciplina; quod

D 2

in

(o) In Dissertat. de princip. rerum ex mente Heracl. in STANLEYI Hist. phil. p. 846.

(p) In duabus Dissert. quae extant in lat. translata, Hist. phil. Stanleyi p. 839. seqq.

in hac: non autem in illa ratione ab aliis disces-
serat Anaxagoras philosophis. Quid? ipse iam
PLATO: nonne *σμικρότητα μορίων*, *exilitatem
partium*, materiae agnouit (q)? sed cuimam ve-
terum in mentem venit, proprium inde priua-
tumque Platonis placitum exsculpere? simili ra-
tione & PYTHAGORAM partes materiae minimas
probasse, postea ostendemus: ad EMPEDOCLEM
enim quod attinet, nullum plane, quin idem
fecerit, est dubium. Atque ut paucis rem con-
ficiamus; non vniuersis solum philosophis, qui
de rerum generatione quaesuerunt: sed ipsi
THALETI discipulisque eius hanc disertis verbis
tribuit ARISTOTELES sententiam, ut in prima,
quam statuerunt materia, particulas quasdam
versari sint arbitrati: putasse enim eos, inquit,
τὸ ὅλον τοῖς μορίοις ὁμοειδὲς εἶναι. Totum &
PARTICVLAS eiusdem esse speciei (r). Simili
plane modo PLVTARCHVS de Thaletis disci-
pulis: *οἱ ἀπὸ θάλεω ---- παθητὰ σώματα καὶ
τμητὰ εἰς ἀπειρον, ἢ τὰς αἰτόμους ἢ τὰ ἀμερῆ ἴσα-
σθαι, καὶ μὴ εἰς ἀπειρον εἶναι τὴν τομὴν*. Thale-
tis sectatores negant, in infinitum progredi sectio-
nem eorum corporum, quae motibus sint obnoxia:
sed subsistere in iis, quae indiuidua sunt, & atomi
vocantur (s). Adeo vulgaris ista fuit omnibus-
que philosophis communis corpuscularis philo-
sophia: neque aliam vllam ob causam LEVCIP-

PVS

(q) PLATO in TIM. oper. p. m. 537.

(r) ARISTOT de ANIM. L. I. c. 5.

(s) de Plac. phil. L. I. c. 16. T. I. oper. p. m.
268.

PRVS DEMOCRITVSQUE videntur huius disciplinæ: auctores principesque laudari, quam quod minimorum istorum corpusculorum figuram naturamque non similem, sed infinitam numero variamque statuerint, a qua figura, ordine ac situ atomorum omnis proficiscatur naturæ varietas. Alii nimirum istas materiae primæ partes aqueæ naturæ, alii æreæ, alii igneæ volebant esse: atque hi ex condensatione & rarefactione istius materiae generationem rerum explicabant. Anaxagoras similes inesse in materia putabat partes. Pythagoreorum nonnulli, ut & Plato atque Aristoteles quatuor introduxerunt corporum minimorum genera. Ab his omnibus dissentientes Leucippus & Democritus, nec aliquod corpusculorum genus definientes, infinite variis ea figuris præstita esse, & diuersoque eorum temperamento, commitione atque situ omnem vniuersi mundi compagem pendere decernebant: quæ quidem sola ratio propria istorum Eleaticorum philosophorum peculiarisque videatur. Ita certe totam rem ARISTOTELES expedit: Eos inquit, qui primam materiam vnius eiusdemque putarint naturæ esse, atque ex eius variis affectionibus omnes reliquas res deduxerint; istas arbitrari affectiones materiae esse τὸ πᾶν ἢ τὸ πικρὸν, rarum & densum: Leucippum contra & Democritum statuisse, differentiam minimorum corpusculorum, quæ in figura, ordine ac situ eorum insit, esse causam, a qua reliqua proficiscantur corpora (1). Ac ne ipsam

D 3

qui-

(1) METAPH. L. I. c. 4.

quidem atomorum nomen, quo vel maxime posteriori aetate haec a reliquis distinguebatur disciplina, primis Eleaticae scholae philosophis cognitum, sed ab Epicuro demum introductum a nonnullis creditur fuisse (u). Sed de toto hoc genere praecipue consuli meretur CUDWORTHVS, (w) & quae ILLUSTR. MOSHEMIVS ad istam Cudworthi disputationem eruditissime monuit.

§. XI.

De diis autem, qui iam tertius praecipuusque est disputationis nostrae locus: nihilne plane istis loci relictum in THALETIS schola fuit: Quidni? habuit THALES deos suos, aeque ac HOMERVS, ex aqua natos. Etenim videamus nunc, quid argumentis dandum sit iis, quae magna cura insignique eruditionis apparatu CUDWORTHVS (x) alique nonnulli magnae existimationis viri (y) conquisiuerunt, ut Thalem probarent statuisse in cosmogonia sua mentis diuinæ effectiōnem? Demus enim magnis his viris, non Thalem magis, quam priores Ionicos omnes, quamquam repudiarint mentis separatae rationem, ipsam tamen primam materiam animatam credidisse,

(u) GASSENDVS ad L. X. DIOG. LAERT.
p. m. 140. seq.

(w) SYST. INTEL. P. I. c. 1. §. 6. seq. p. 9. seqq.

(x) l. c. p. 121.

(y) Conf. BRVCK, l. c. P. II. L. II. c. 1. §. 5.
p. 466. seq.

disse, atque sensu rationeque praeditam. Hanc
 unam si ad uniuersam Ionicorum disciplinam
 transferamus obseruationem, quam magnus
 MOSHEMIVS de Anaximandri ratione acutissime
 in medium attulit (z); via & ratio nobis in-
 uenta esse videatur, qua contrarias, ut videntur,
 repugnantēsque veterum auctoritates in concor-
 diam redigere; aptumque quoddam inde theo-
 logiae Ionicae corpus conficere possimus. Quod
 ut appareat, obseruandum est, primum ipsum
 THALEM minimis istis materiae primae partibus
 vim tribuisse mouendi pariter atque sentiendi.
 Clare id quidem ARISTOTELES (a): qui post-
 quam praecipuas posuisset animae affectiones,
 motum scilicet atque sensum; ostendit deinceps,
 qua veterum quisque ratione aggressus sit animae
 naturam explicare. Hoc autem totum expli-
 cationis genus dicit referri ad eam, quam quis-
 que posuit, elementorum rationem: eos enim,
 qui praeter materiae elementa puram adhibuerint
 mentem ad generationem rerum exponendam,
 separasse animam, quae constet ex elementis, a
 mente, siue intellectu; ita enim Anaxagoram &
 Platonem philosophatos esse: quibus autem nulla
 sint rerum initia, praeter unam primamque ma-
 teriam, iis & animam atque intellectum unum
 idemque esse; etenim eandem, qua ipsae se mo-
 ueant materiae partes, vim, producere in animali-
 bus & sensum & intelligentiam: hinc eos, qui in plu-

D 4

ra

(z) ad CVDWORTHII p. 128. n. 5.
 (a) de ANIM. L. I. c. 2.

ra diuersaque genera tribuerint primam materiam plerosque has animae partes adsignasse, quae omnium videantur subtilissimae velocissimaeque: Democritum igitur dixisse, animam constare ex igneis corpusculis: alios composuisse tamen eandem ex omni elementorum genere, ut Empedoclem, qui in anima putarit inesse & ignem, & aërem & terram atque aquam: qui vero uno genere vnaque natura complexi sint primam materiam, eos arbitrari & animam esse ex hac vna materia: ἔσοι μίαν τινὰ λέγουσιν αἰτίαν ἢ σοι-
 χῆσιν ἓν, ἢ τὴν ψυχὴν ἓν τιθέασιν, οἷον πῦρ, ἢ αἶρα, κ τ. λ. In horum autem numero Aristoteles Thalem paullo ante nominatum retulerat, cui animam dicit nihil aliud esse, nisi vim istam mouendi, quae in prima insit materia, ideoque illum Magneti etiam tribuisse animam: εἰκε δὲ θαλῆς κινητικόν τι τὴν ψυχὴν ὑπολαμβάνειν, εἴπερ τὸν λίθον εἶπεν ψυχὴν ἔχειν, ὅτι τὸν σίδηρον κινεῖ. Thales etiam videtur putasse, motuum quoddam ipsam animam esse; siquidem dixit, lapidem habere animam, quia mouet ferrum. Ista ipsa igitur mouendi vis, quae animam constituit, est sentiendi quoque & intelligendi principium; quandoquidem, ut modo idem Aristoteles praeceperat, Thaleti omnibusque, qui vnam materiam statuebant rerum omnium esse principium, anima & intellectus vnum idemque sunt. Neque in quibusdam duntaxat mundi partibus sensum intelligentiamque contineri Thales opinabatur: sed

sed *susam* eam distributamque statuit per vniuersam naturam. Quod idem aperte rursus ARISTOTELES (b): ἐν τῷ ὅλῳ δέ τινες αὐτὴν (Ψυχὴν) μεμίσχθαι φασίν. *Sunt, qui in toto vniuerso permiscam ipsam (animam) inquirunt esse.* His vero continuo Aristoteles Thalem annumerat: ἔθεν ἴσως, inquit, καὶ θαλῆς ᾤθη πάντα πλήρη θεῶν εἶναι. *Quocirca forsitan & Thales omnia plena deorum esse putabat.* Quam vero sine causa eruditissimi quidam viri, qui Thaletis causam defendunt (c), hoc vtantur Aristotelis loco, vt mentem quamdam diuinam a materia diuersam in eius inesse disciplina euincant, aparet. Nihil enim magis isti aduersatur defensionem, quam haec ipsa verba Aristotelis: ex quibus, si quidem Aristotelis standum est auctoritate, prorsus indubie intelligitur, nullam aliam Thalem agnouisse mentem, praeter affectionem quandam atque vim mouendi sentiendique, quae ipsi sit propria primae materiae.

§. XII.

Neque vero tum demum ista sentiendi intelligendique vis produci putanda est, cum quaedam primae materiae partes, decerptae quasi & separatae a reliqua mole, animum nostrum efficiunt. In vniuersa prima materia hanc in-

D 5

esse

(b) l. c.

(c) Vid. IOH. CHRIST. WOLF. in not. ad
 ORIG. PHILOS. p. 23.

esse virtutem natiuam quasi & aeternam, cum ipsa satis clare indicat Aristotelis disputatio; tum vero aliae quaedam caeque haud leues rationes. Nulla etenim accidit primae materiae mutatio, nulla conuersio, quando mens humana inde prodit. Ipsa prima materia inest in anima nostra: ipsa eadem sentit & intelligit, ipsaque per vniuersam rerum naturam fusa, mundi anima est. Atque eodem plane modo Anaximenes eundem aëra, quem principium naturae ponit, efficere statuit animam nostram, eundemque animae instar continere vniuersum mundum: id quod statim videbimus. Quid tandem est causae, quod sensus iste intelligentiaeque natiua primae materiae non sit? cur in partibus demum sese exferat, quae tamen eiusdem omnino, ac totum, naturae sunt? Quid est aptius, quid conuenientius, quam, cum eadem aqua idemque aër sentiat & intelligat, quatenus inest in anima nostra, ut & eadem aqua siue aër sentiat per se, natiua sua vi & virtute? Quapropter Democritum quis regerere non possit, ex eadem Aristotelis disputatione, primae materiae, quatenus versatur in anima nostra, sentiendi vim dedisse, qui tamen eandem vim in vniuersa contineri prima materia non putarit. Neque enim anima nostra secundum Democritum eiusdem est naturae, ac vniuersa prima materia: quando ex infinita materiae mole similes quaedam colliguntur iungunturque inter se partes igneae, naturae, tum vero anima nostra

fra demum gignitur. Atqui in Ionicorum disciplina nulla eiusmodi similium corpusculorum a reliquis separatio, nulla congregatio in vnum, nulla mutatio primae materiae conspicitur: sed eadem illa prima materia sentit & intelligit. Quamquam & hoc disputari adhuc possit, an totum istud igne-
orum corpusculorum genus, prius etiam, quam animam nostram efficiunt, animatum intelligentiaeque praeditum esse, Democrito placuerit? PLUTARCHO certe auctore Democritus Deum vocavit: τὸν ἐμπυροειδῆ, τὴν τῷ κόσμῳ ψυχὴν, *mentem igneam, eamque animam mundi* (d). Sed omittamus hanc disputationis partem, quae quidem huius loci non est: illudque teneamus, cum eiusdem plane anima nostra naturae sit, atque vniuersa prima materia, illaque & sentiat & intelligat; fieri non posse, quin & ipsa haec prima materia ex Ionicorum ratione, sensus & intelligentiae particeps sit. Neque istud quidem fidei quid putandum est, cuius nulla in Ionicorum decretis expressa vestigia appareant. Recordare, quaeso, illud Diogenis Apolloniatae placitum, quod supra iam (§. VII.) obseruari iussimus: *prima materia sentit & intelligit, quatenus prima est: mouet, quatenus est subtilissimum corpus*. Quam eleganter his verbis recluduntur Ionicae scholae sensus? quam amice eadem cum Aristotelis disputatione conspirant, quam modo de ipso

Thale-

(d) PLUTARCH. de PLAC. PHIL. L. I. c.
7. p. m. 266.

Thaletē audiūmus? Accedit, quod vel maximum est, hac vna posita explicatione omnem euanesce-
 re vetustissimorum auctorum in tradenda Thaletis sententia dissensum, aptumque inde prodire disciplinae corpus, vnde omnium fortasse, quae Ionicis, istis philosophis tribuuntur, decretorum, sine vlla cuiusquam auctoris injuria, expedita ratio reddi possit. Accipe igitur hanc theologiae Thaleticae formam. Ipsa prima materia, quatenus motu sensuque praedita intelligitur, est THALETIS supremus Deus, vnde, quod Aristoteles supra praeceperat, reliqua deorum cohors prodiit. Postea enim, quam magna diuinæ istius aquae pars condensata priuataque velocissimo motu in crassiores materiam abiisset; reliquum subtilissimum diuinumque corpus animae instar permeat per tardam istam materiae molem: intentumque per vniuersam rerum naturam animat cuncta, & ratione administrat mundi ornatum. Quam quidem Thaletis rationem, quomodo concinnius aperire lectoribus meis queam, quam ipsorum Ionicae scholae philosophorum testimoniis, haud video. Reuocemus igitur nobis in memoriam Anaximenem, de quo iam supra PLUTARCHVS: Ἀναξιμένης ἀρχὴν τῶν ὄντων αἶρα ἀπεφάνετο, ἐκ γὰρ τὰτα τὰ πάντα γίνεσθαι, καὶ εἰς αὐτὸν πάλιν ἀναλύεσθαι οἷον ἢ ψυχὴ φησιν ἢ ἡμετέρα αἶρ ἔσται συγκαταῖ ἡμᾶς, καὶ ὅλον τὸν κόσμον πνεῦμα καὶ αἶρ περιέχει, λέγεται δὲ συνωνύμως αἶρ καὶ

ἡ πρῶτη. *Anaximenes principium omnium rerum statuit aërem esse, ex hoc omnia gigni, & in eundem rursus interire: quemadmodum anima, inquit, nostra, quae ex aëre constat, continet nos; sic & vniuersus mundus aëre & spiritu continetur: idem autem valent aër & spiritus (e).* En Ionicum philosophum in hoc vno discrepantem a magistro, quod primam materiam putauit aëri similiorem esse, quam aquae: deducentem vero ex ista materia vniuersam naturae generationem: retinentem nihilo secius diuinae istius naturae, quae simul prima materia est, magnam partem ad animandam digerendamque reliquam condensatam materiam: atque constituentem denique ipsam animam nostram quasi partem auulsam decerptamque ex diuino aëre, siue prima materia. Diuinum enim istum aërem ex Anaximenis sententia credi debere, cum ex eo satis clarum est, quod animam nostram, atque ideo sentientem intelligentemque naturam nil nisi aërem esse, atque aëre isto totum mundum pari modo contineri statuit, quo anima nostra nostrum continet corpus; tum vero, quod deos & diuina omnia ex aëre secundum Anaximenem constare dudum docuimus. Accedit, quod SEXTVS EMPIRICVS Diogenem Apolloniatem ita semper iungat Anaximeni, vt eandem vtrique sententiam eum tribuisse plane apareat (ee). Diogenem

(c) PLVT. l. c. Cap. 3. p. 262.

(cc) Conf. PYRHON. HYPOT. L. III. sect. 30. aduers. MATHEM. L. IX. sect. 360.

genem vero quis dubitat aëra diuinum credidisse? Iam vero, quid praeterea requiras ad ea explicanda, quae de Thaleris sententia, quod ad mundi hominumque animam attinet, Aristoteles modo commemorauit? Neque ratio nunc quidem obscura esse potest in gratiam redigendi CICERONIS, non cum omni prope modum antiquitate modo, sed cum ipso se: vix enim adducor, vt eum credam in tribus fere lineis ipsam suam destruere dida, atque eo sensu Thalem perhibere in sua cosmogonia mentis effectione esse usum, quo postea Anaxagorae huius disciplinae principem tradit. Constat utrique Ciceronis loco sua veritas: Anaxagoras enim puram mentem a prima materia omnino distinctam ad explicandam rerum naturalium generationem Graecorum primus adhibuit: Thales contra non bruto equidem impetu agitari materiam statuit, sed mente & ratione cuncta administrari; quamuis non distinguat mentem a materia aut interius quid esse putet, sed ipsi materiae vim & sentiendi & mouendi propriam natiuaque debere assignari. Quo eodem consilio, Thalem vocasse Deum *ὃν τὴν κόσμον*, *mundi mentem*, Plutarchus testatur (f): hoc est, eam primae materiae partem, quae in natiua sua subtilitate persistens, retento sensu & intelligentia, per reliquas fundatur mundi partes: Vnde & mundus *ἐμψυχος*.

206

(f) l. c. Cap. .7 p. 266.

χος, *animatus*, Thaleti creditus est (g). Illudque ipsum apophthegmatum genus, quod supra negauimus quidquam valere ad definienda Thaletis placita, nihil continet, quod ex hac ipsa ratione satis bene intelligi & explicari non possit, si vel maxime ea, vt a Thalete dicta omnino accipiantur. *Antiquissimum enim eorum omnium, quae sunt, Deus est*: materia prima nimirum & Deus idem sunt. *Mundus a Deo factus est*: primae materiae enim ea pars, quae subtilitatem suam retinuit, finxit mundum ex crassiori materia. *Velocissimum omnium mens est, transitque ea per vniuersa*: Est enim mens purissima materiae pars, animae instar penetrans se per vniuersam naturam &c. Plures vero deos omnium gentium more statuisse Thalem profectos a prima materia, non solum Aristotelis verba supra prolata nos docent, sed & CICERO idem confirmat: *Thales statuit, inquit, homines existimare oportere, omnia quae cernuntur deorum esse plena* (h): eodemque prorsus modo DIOGENES LAERTIVS: τὸν κόσμον ἔμψυχον (ὑπεστίτατο θαλῆς) καὶ τῶν δαιμόνων πλήρη. *Mundum animatum esse* (statuit, Thales) & *daemonum plenum* (i). Quod qua ratione explicauerit Thales, ex iis, quae a nobis dicta sunt, intellectu facile est. Quemadmodum enim anima nostra decerpta quaedam pars

(g) DIOG. LAERT. L. I. segm. 27.

(h) de LL. Libr. II. c. XI.

(i) L. I. segm. 27.

pars est ex vniuersa diuina natura; eodem modo & in reliquis mundi partibus eiusmodi naturae versantur natae a supremo deo, tamquam ministri administrationis huius vniuersi.

§. XIII.

Hanc autem theologiae formam a primis Thaletis successoribus ad Anaxagoram vsque integram fere seruata esse, aparet. De ANAXIMENE quidem nil esse verisimilius modo obseruauimus, quam eodem, quo Thales, modo eum primam materiam animatam credidisse, ut qui simili plane ratione eam & mentis humanae fontem, & deorum initium, & mundi animam esse statuerit. Ad ANAXIMANDRUM vero quod attinet, cum nulla plane veterum testimonia exstent, quibus ille materiam primam sensu priuasse dicatur; non sine veri specie suspicari possumus in hac eum, ut in reliquis, sententia magistri decreta secutum esse. Inde enim omnis Anaximandri ratio ita potest explicari, ut praeclare cuncta consentiant. Nam mundos ex infinita materia natos Anaximander deos dixit; quia; praecipua nobilissimaque materiae pars, quae quidem natiuam suam puritatem retinuit, animae instar per vniuersos mundos permeat: qua eadem vi & Stoici mundum affirmabant Deum esse. Neque locum istum Aristotelis, quo τὸ ἀπειρον πάντα κυβερνᾷ ex Anaximandri sententia affirmatur, eo detorqueamus nunc quidem necesse est, ut splendidum

dum gubernandi munus, quod nonnisi intelligentis naturae est, ad materiae brutae coecos impetus traducamus: ipsum enim τὸ ἀπείρον, cum sit primus supremusque Deus, & reliquam materiam conuertendo partem sui procreauit ex sese; & nunc etiam vniuersum mundi ornatum ratione & prudentia gubernat. Sed **DIOGENES APOLLONIATES** apertius etiam quam ipse **Anaximenes** Thaletis explicasse sententiam videatur. Aërem enim, Anaximenes adductus auctoritate, loco aquae initium omnium rerum statuens, hunc Deum esse vult: sic plane, vt sensus atque intelligentia, secundum eam, quam **Thales** introduxerat rationem, ex **Diogenis** etiam sententia in omnibus versetur materiae primae particulis. Quod quidem **Ciceronis Aristotelisque** testimonio abunde comprobari: nec refragari **Augustini** auctoritatem, perspicue, ni fallor, a nobis supra ostensum est. Neque vlla iam cogimur ratione, vt cum **BAYLIO** putemus, **Diogenem** Ionicorum disciplinam immutasse, ipsumque denu ex cogitasse istam aëris animati opinionem (k). Vera genuinaque Ionicorum ratio inest in **Diogenis** decretis, quam a **Thalete** introductam propagatamque ad **Diogenem**, clarius is modo & apertius enuntiasse censendus est. Colligas iam in vnum, quaecunque dicta sunt: ponas materiam brutam sensu & ratione vacantem versari in Ionico-

(k) **BAYL.** voc. **DIOG.** **APOL.** not. B.

nicorum disciplina; magnam partem eorum eueritas necesse est, quae de Thalete veteres, ac de discipulis eius tradunt. Fingas, ad materiam adiunxisse Thalem diuinam mentem diuersam a materia, aut quae saltem interius quid ipsa materia sit; quibusdam satisfacies veterum locis: sed longe plura repugnabunt, recurretque illud semper, vnum naturae principium, vnam rerum omnium causam Thalem ex constanti propemodum antiquitatis auctoritate statuuisse. Animo denique concipias eam Thaletis theologicam rationem, vt ipsa prima materia ratione sit sensuque praedita; concinent & concordabunt, quaecunque prisci historiae philosophicae auctores de Ionicis memoriae mandauerunt philosophis, expeditaque est ratio cunctorum, quae ipsis tribuuntur, decretorum. Quare, si quidem ita quaeque interpretatio verissimillima habenda sit, vt vniuersis veterum testimoniis coniunctim sumtis maxime congruit; hanc nostram disputationem insigni sua probabilitate non carere, quemuis intellecturum confido.

§. XIV.

Callide vero Thales hac quidem disciplina & popularem de diis opinionem cum suis de initiis rerum decretis conciliauit; & ista tota religione ad muniendam stabiliendamque legum atque iustitiae vim usus est. CICERO certe, Thaletis de deorum numine sententiam ad civilem vnice rationem accommodatam fuisse, haud obse-

obscure significat, de toto theologiae Graecae generi, de Thalete imprimis, ita disputans: *Melius Graeci atque nostri: qui, ut augerent pietatem in deos, eisdem illos, quos nos, urbes incolere voluerunt: affert enim haec opinio religionem utilem ciuitatibus: siquidem & illud bene dictum est - - - quod Thales (dixit), qui sapientissimus in septem fuit, homines existimare oportere, omnia quae cernerentur, deorum esse plena: fore enim omnes castiores, veluti qui in fanis essent maxime religiosi* (1). Ex vniuersa autem diuina natura cum decerpti sint & deprompti nostri animi; potest omnino Thales putasse, illos, quandoquidem a crassiori corpore diuersi sunt, manere post corporis fata, ideoque immortales esse. Cuius quidem sententiae laudem Thaleti Graecorum primo DIOGENES LAERTIVS, ex quorundam veterum auctorum, CHOERILI imprimis poetae, auctoritate tribuit: *ἐνίοι δὲ καὶ αὐτὸν πρῶτον εἰπεῖν φασὶν ἀθανάτους τὰς ψυχὰς ἂν ἴσιν χεῖριλος ὁ ποικίλος*. sunt, qui illum immortales animos primum dixisse adseuerent: ex quibus est Choerilus poeta (m). Qualis vero sit ista immortalitas definire vix ausim. Suspiciari quis possit transmirationem animarum a Thalete ex Aegypto allatam esse. Sed huius quidem sententiae princeps Graecorum Pythagoras laudatur

E 2

tur

(1) CIC. l. c.

(m) DIOG. LAERT. L. I. segm. 24.

tur (mm). Caeterum, quandoquidem repetitum per vices mundi ortum atque occasum Ioniciis philosophis probatum fuisse, postea videbimus; eodem fortasse modo Thales immortalitatem animarum expedit, quo Stoicorum plerique: permanere scilicet animas usque ad interitum mundi, quo cum vniuersa reliqua materia disfluant quasi in primam illam aeternamque diuinam naturam.

§. XV.

Haec cum ita sint; intelligitur, immutatam quodammodo a Thalete Aegyptiorum Phoenicumque rationem esse. Itae enim gentes primam illam vniuersae naturae molem compositam a pluribus diuersisque naturis statuisse videntur: Thales contra vnani ponit sibi ommino similem naturam. Neque Phoenicum chaos in eam, quam Thales initium naturae esse voluit, aquam satis apte conuenit, in qua nihil est confusi perturbatique, sed omnia ratione & intelligentia perfusa: chaos autem Phoenicum crassiorem continet materiam, contrariam diuino spiritui, in qua nil nisi confusio regnat (n). Neque mirum cuiquam videri debet, Thalem tam fuisse audacem, vt, relicta quodammodo maiorum auctoritate, suum sequens iudicium, propriam priuatamque constituerit disciplinae formam: satis enim animi inge-

(mm) DIOG. LAERT. L. VIII. segm. 14.

(n) Conf. BAYL, voc. THALES not. D.

ingeniique in Thalete fuisse ad eiusmodi quid audendum, nemo dubitabit, qui, quae vetusti auctores de vita moribusque eius memoriae prodiderunt, attentiori paullo considerauerit animo. Neque enim leuia occurrunt vestigia, ex cella quaeque, praeclara, libera, ingenua eum securum esse. Aegyptiorum vero sapientiam non adeo magni fortasse ab eo esse aestimatum, facile quisquam inde etiam suspicari possit, quod, cum discendi studio ad eos esset profectus, valde rudi imbecillaque eorum mathematica cognitione deprehensa, ipse plus scientiae in Aegyptum attulisse, quam inde reportasse videatur: taceo, aetate iam prouecta Thalem Aegyptios adiisse; unde facilius quis totam ipsius rationem ab ipso partam, quam ex Aegypto allatam esse concludat (o).

§. XVI.

Neque vero insoliti quid aut inauditi in veterum philosophorum scholis erat, primae materiae corpusculis sensum attribui atque intelligentiam. Hoc enim eodem modo EMPEDOCLES, CICERONE & PLVTARCHO testibus, quatuor ista, quae probabat, omnium rerum elementa non animata solum credidit esse, sed vnas eas habuit supremas diuinitates, unde & corporeus mundus & deorum chorus hominumque animae essent procreatae. Atque CICERO quidem: *Empedocles*, inquit, *multa alia*

E 3

pec-

(o) Conf. BRVCK, l. c. §. 3. p. 458. seqq.

peccans, in deorum opinione turpissime labitur. Quatuor enim naturas, ex quibus omnia constare vult, diuinas esse censet (p). Quocirca & quatuor ista elementa apud **PLUTARCHVM** diuinis appellat Empedocles uominibus, aethere siue ignem vocans Iouem, aëra Iunonem, terram Plutonem, aquam denique Nestin. (q). Neque tamen eo secius magnus deorum inferiorum siue daemonum ipsi placuit numerus, qui quatuor istis elementis originem debentes suam, res mundi curent administrantque (r). Ex quo plane intelligitur exemplo, quam vim Thales sentiendi in materia prima inesse, quoque modo ex ea produsse multitudinem daemonum voluerit. Quamquam enim Empedocles, qui Italicae scholae alumnus erat, in partibus disciplinae explicandis a Thalete dissentiret, ut qui vnus elementi loco quatuor poneret; quod ad hunc tamen locum attinet, eadem probabatur Thaleti atque Italicae scholae ratio, generatio nimirum omnium rerum a corporeis initiis: id quod infra, cum ad illustranda Pythagorae decreta peruenerimus, perspicue pateſcet. Sed veterum philosophorum nemo hac quidem in parte tam prope attingit Ionicae scholae placita, quam **HERACLITVS** **EPHESIVS**. Hic enim, etsi primam materiam volebat igneae naturae esse, quod a Pythagoreis acceperat; neque tamen longius a Thalete discre-

(p) de N. D. L. I. c. 12.

(q) l. c. cap. 3. p. 263.

(r) **ORIGEN. PHIL.** c. 3. p. 48.

discrepare videatur, quam Anaximenes & Diogenes, loco aquae aëra ponentes; & ipse HERACLITVS non tam fuit tenax principii ignei assertor, vt illud ipsum aëris quoque naturam quodammodo referre non arbitraretur. Est autem Heracliteus ille ignis in minima diuisus ramenta & corpuscula: quae, cum sensu atque diuina ratione sint praedita velocissimeque agitata, extincto isto motu per quietem arctius se contingentia, reliqua producant corporum elementa. Ipsum vero igneum principium, ex ea quidem parte, quatenus subtilitatem velocitatemque naturae suae aeternam retinet, penetrans per eam, quae ex sese genita est, caliginosam inertemque materiam, mundi constituit animam, vitam largientem cunctis corporibus. Quorum omnium probandorum causa vti longiorem instituamus orationem, necesse non est: tanta enim diligentia curaque Celeber. BRUCKERVS in explicandis Heracliti decretis est versatus, vt, quid addi possit, vix esse videatur (s). Ed igitur lectoribus ablegatis, id vnum iam animaduerti velim, quanta quamque illustris inter THALETIS & HERACLITI disciplinam intercedat similitudo. Vterque enim ponebat vnam sibi in omnibus suis partibus similem materiam, quae sit fons atque initium vniuersae naturae: vterque primam istam materiam sensu & intelligentia praeditam credidit: vterque ex eadem illa materia

E 4

conden-

(s) l. c. P. II. L. II. c. XII. §. 3. p. 1213. seqq.

condensata, extincto eius velocissimo motu, crassioris materiae elementa generata vult esse: utrique denique reliquam primae materiae partem, in qua remanserit sensus & motus, placuit, penetrare se per inertem materiae crassioris molem, tamquam mundi animam fontemque & inferiorum deorum & nostrae animae. Haec Ionicorum Heracliteorumque decretorum insignis affinitas iam virum eruditum ION. CHRIST. WOLFIUM adduxerat, ut Heraclitum hac in parte idem, quod Anaximenem sensisse pronuntiaret (t).

§. XVII.

Neque etiam reliqua Heracliti decreta forsitan magnopere abhorrent a Ionicorum philosophorum schola. Illi enim constat fato aeternisque necessitatis legibus subiecisse uniuersam naturae generationem atque ornatum: quod idem THALEM fecisse, affirmare nihil dubito. Testem habeo PLUTARCHVM, qui: θαλῆς, inquit, ισχυρότατον ἀνάγκη, κρατεῖ γὰρ τῷ παντός. *Thales statuit validissimum omnium rerum esse necessitatem: dominatur enim ea uniuersae naturae* (u). Eadem plane verba apud Diogenem Laertium leguntur (w). Atque si dicendum, quod res est, omnes mihi videntur ve-

(t) not. ad ORIGEN. PHIL. p. 62.

(u) l. c. cap. 25. p. m. 269. conf. BRVCK. l. c. cap. I. §. 17. num. VI. p. 491.

(w) DIOG. LAERT. l. c. segm. 35.

vetustissimi philosophi, qui nonnisi corporea agnouerunt naturae initia, ita statuisse, vt aeterna quadam necessariaque causarum connexionē totus mundus vniuersaque naturae euenta contineri videantur. Communem itaque errorem errauerunt omnes, vt qui aliam causarum seriem, quam quae nunc est, ne existere quidem posse, omnesque vniuersi mundi mutationes inexpugnabili aeternaque necessitatis lege certas, definitas constitutasque esse, arbitrantur. Ipse Democritus, qui tamen, ex plerorumque sententia, ne animatas quidem atomos suas esse voluit, ad necessitatem fatumque cuncta retulit: de hoc enim idem PLUTARCHVS: παρμενίδης ἔχ' Δημόκριτος πάντα κατὰ ἀνάγκην, τὴν αὐτὴν δὲ εἶναι καὶ ἐμπαρμένην, ἔχ' δίκην, ἔχ' πρόνοιαν, ἔχ' κοσμοποιεῖν. *Parmenides & Democritus volunt, omnia secundum necessitatem contingere: eandem vero esse & fatum, & legem, prouidentiamque & causam efficientem mundi ornatum* (x). Neque ante Epicurum temere ququam reperiatur, cui stolidi ista ratio, quasi temerario fortuitoque casui & ortus & interitus omnium rerum debeatur, probata sit. Quamquam enim fatum istud haud multo melius est putandum, quam Epicuri temerarius casus; relinquatur tamen in illo rationi humanae ad investigandas rerum causas nonnullus aditus, qui reapse ab Epicuro sublatus plane & euersus est. Iam ad exustionem mundi Heracliteam quod

E 5

at-

(x) PLUTARCH. l. c.

attinet, ne hoc quidem placitum ignotum prorsus in Ionicorum schola fuit. Tantum interest, quod ad suam quisque primae materiae rationem mundi interitum retulerint. HERACLITVS nimirum igni combustum iri mundum decreuit; quia ipsi ignis erat initium totius naturae (y): ANAXIMANDER contra ex infinitate naturae, quam infinitatem aëra esse supra vidimus, infinitos mundos nasci statuit (z). Quod ego quidem non de infinito quodam mundorum numero, qui simul existant, acceperim: sed de iterato infinitis vicissitudinibus ortu & interitu mundi. Atque hoc quidem verba CICERONIS aperte significare videntur, qui: *Anaximandri opinio est, inquit, natiuos esse deos, longis interuallis orientes occidentesque, EGSGVE innumerabiles esse mundos* (a). Vides, Cicerone auctore, innumerabiles Anaximandri mundos, atque deos ipsius vnum idemque esse: sed dii longis interuallis oriuntur occiduntque; quare & de innumerabilibus istis mundis idem senserit Anaximander necesse est (b). Quid igitur, si dicamus, nec ipsi Thaletem ab hac abhorruisse sententia? Inter cuius discipulorumque suorum placita summam convenientiam adhuc obseruauimus: praesertim cum nec noua haec opinio nec inaudita erat, siquidem Aegyptii iam mundi in-

(y) conf. PLUTARCH. l. c. cap. 3.

(z) CIC. de N. D. L. I. c. 10.

(a) l. c.

(b) conf. CUDWORTH. l. c. p. 140.

interitum iteratis vicissitudinibus dicuntur statuisse. Quare mirandum non est, rationem istam ad priores Graecorum philosophorum omnes peruenisse, adeo ut non adolescentior modo Eleatica schola: sed Ionica atque Italica etiam eandem secutae sint. Illud itaque postremo loco sic habeto: quo maiori cura inquiri in Graeciae philosophorum rationes; eo maiorem se mihi ostendere earum omnium, antiquissimarum maxime, affinitatem, atque hoc magis confirmari me in ea, quae iam dudum in animo mihi haesit, sententia, tantum inter antiquissimos Graeciae philosophos fortasse non interesse, quantum plerique sibi persuadent.



CAP. II.

CAP. II.

DE

THEOLOGIA PYTHAGORAE.

Leges, quae in exquirenda Pythagorae sententia observandae sunt. § 1. 2 Pythagoras in duas partes tribuit univ[er]sitate[m] rerum, CALIDAM & FRIGIDAM : in calido principio inest diuina natura. §. 3. Deus ex Pythagorae sententia corporeus est. §. 4. Alterum principium, frigidum nempe, non est ortum ex calido, quamquam nonnulli Pythagoreorum aliter senserint : frigidum principium denuo a Pythagora tributum est in tres naturas, seu elementa : in eodem vim quandam & motionem propriam inesse Pythagoras statuit. §. 5. Argumentum de Deo Pythagorae concluditur : Pythagoras sato subiecit & Deum & cuncta mundi euenta. §. 6. Varii ordines atque classes inferiorum decorum. §. 7. Disputatio de Pythagorae numeris suscipitur : in iis Platonis ideae inesse non videntur. §. 8. uniuerso numerorum genere nihil aliud continetur, nisi natura sati, siue ἡ συμπλοκή τῶν αἰτιῶν : THOMAS BURNETIVS rei non omnino satisfecit. §. 9. 11. Numeri singuli explicantur : quae sit vis τῆς μονάδος ostenditur. §. 12. Multum interest inter τὸ ἐν & τὴν μονάδα : τὸ ἐν est omnis uniuersitas rerum, priusquam mundi ornatus eff-

efficeretur. §. 13. & 14. Dyas. §. 15. Trias. §. 16. Tetractys & Denarius. §. 17. 18. Pythagorae sententia de natura animi nostri. §. 19. Finis tractationis. §. 20.

§. I.

Ad PYTHAGORAE theologicam rationem priusquam ingrediamur explicandam, paucis nobis, quas leges viasque in exquirenda ea secuti sumus, exponendum videtur, quo facilius lectores de probabilitate coniecturarum nostrarum possint existimare. Est autem Pythagorae ratio tot diuersis ac plane contrariis sollicitata interpretationibus, vt facilius coelum terrae iungas, quam eruditissimorum concilies interpretum opiniones. Quocirca, sepositis fere commentatorum sententiis, noua quodammodo nobis via ingredienda videbatur, vt, quam possit fieri proxime ad veram Pythagorae sententiam accedere, obscurissimosque huius disciplinae sensus probabili quadam ratione venari nobis liceret. Et ad veteres quidem Pythagoreae philosophiae interpretes quod attinet, JAMBlichVM dico & PORPHYRIUM caeterosque eclecticae scholae sectatores; his parum aut plane nihil hoc loco tribuendum esse, tam apertis nostra aetate ab eruditissimis quibusque philosophicae historiae scriptoribus ostentum est argumentis (a), ut

- in-
(a) Conf. **CELÉBER. BRVCKERVS** in hist. crit. phil. passim. c. g. T. I. P. II. L. II, c. X. §. 4. p. 99. seq. T. II. P. I. L. I. c. 2. sect. 4. §. 16. p. 378. seqq.

inutilem plane operam viderer consumpsisse, si huic probandae rei aliquid temporis vellem impendere. Mala horum hominum fides, quae explorata hodie testataque est, atque callidum conuellendae Christianae religionis consilium non modo fecit, ut infinita monumenta plane conficta, quae omnes potius alios, quam indytos vetustatis viros auctores agnoscerent, orbi terrarum ab ipsis obtruderentur: sed &, quae restabant, exiguae doctrinarum Pythagorearum reliquiae ab iisdem illis mirificae corruptae & in alienum plane sensum detortae sunt: id quod ipse oculorum sensus quemuis veritatis studiosum docere potest. Horum igitur auctoritatem plane mihi relinquendam esse censui: nec, qui hos secuti sunt duces, aliud quid, quam vafro- rum hominum commenta pro veris Pythagorae placitis assecuti sunt. Quod quidem cum plurimis & priori aetate & recentiori memoria accideret; maior inde etiam huic disciplinae obducta caligo, & Pythagorae obscuritas magis obscurata est. Patres enim veteris ecclesiae tantum non omnes hunc errasse errorem, ut Pythagoram pariter atque reliquos Graecorum sapientes insitis locis aliter sensisse putarent, quam reuera senserunt, nemo hodie negat, nisi qui e re sua esse censet, extra omnem erroris suspensionem vetustos illos collocari ecclesiae doctores. Hi enim, cum apud animum propositum haberent, hinc Graecorum animos allicere ad veritatem recipiendam, illinc philosophorum re-

retundere fastum (b); ita interpretati sunt veterum sapientium decreta, ut in rebus maximi momenti parum aut nihil a scripturae sacrae auctoritate viderentur discessisse: ex quo illud intelligi volebant, quidquid boni sanique primi Graecorum doctores tradiderint, id sacris litteris ac commercio eorum cum Iudaeis vnicuique deberi. Non tam ego quidem horum venerandorum senum, frangendi altos pseudo-philosophorum spiritus, consilium improbauerim; quam, parum firmam eos certamque tenendi propositi iniisse rationem, doleo. Nec eorum mihi probantur mores, qui cum lapsus ecclesiae patrum in his aliisque rebus obseruent passim, acerbè istis de re Christiana optime meritis viris insultare consueverunt. Verumtamen nec existimationi, quam piorum virorum memoriae nos debere puto, aliquid accessurum videtur, si eorum errores retinere, quam verum sequi malimus; nec meritis ipsorum quidquam detractum iri censeo, cum relicta illorum auctoritate, ubi minus recte senserunt, meliora probemus. Audiendi igitur non sunt, qui, ut patrum in quibuscunque rebus salua auctoritas esse possit, iuniorum Platoniorum fidei plus, quam par est, tribuentes, ita exponunt Pythagorae placita, ut longe aliam in-

(b) De consilio quod patribus in interpretandis veterum philosophorum decretis propositum erat vid. IAC THOMASIVS de Exult. mund. St. Diss. praelim. Thes. XV not. 2. p. 16. MICH. MORVGVES dans le Plan theol. p. 4. seqq.

induant speciem, quam vetustissimi indubiae auctoritatis scriptores memoriae prodiderunt. Quo vitio vel maxime MICHAEL MOVRGVES laborat, vir caeteroquin elegantis ingenii & doctrinae, in ea, quam gallice conscripsit, theologiae Pythagorae forma. Toto enim libro id vnum sibi propositum habet vir eruditus, vt conquisitis quibuscunque posset coloribus, scholae Alexandrinae testimoniis praecipue nixus, patres Pythagorae aliorumque philosophorum decreta verissime exposuisse contendat. Atque huius consilii rationem causasque MOVRGVES satis aperte ipse prodit: *A-t-on*, inquit, *des principes sur la religion, quand on veut, que LES CANAUX DE LA TRADITION ne soient pas nets de la lie du Paganisme* (c)? Item alio loco: *Quand on compte pour rien le sentiment unanime des Peres, on n'a qu'à se faire une religion* (d). Nobis autem, qui sanctissimam religionem nostram longe firmitioribus fundamentis superstructam sciamus esse, quam patrum oraculis necesse non est, vt vel ipsos eorum lapsus tamquam recte dicta defendamus: sed cum illos constet plerumque, his quidem in rebus, a iunioribus Platonice decipi se esse passos; patres videmus in exponenda Pythagorae theologia non magis sequi debere, quam ipsam illam Potamonis subolem. Neque tamen illi solum; qui purgandorum patrum ceperant consilium,

in

(c) l. c. p. 14.

(d) l. c. p. 183.

in hos se errores induerunt: sed ex quo elegantiores litterae, in occidentis partibus restaurari coeptae sunt; magna, qua satis diu floruerunt iuniores Platonici, auctoritas fecit, ut eruditissimus quisque, qui hanc litterarum partem illustrandam sibi sumserat, nonnisi corruptam nobis misereque distortam Pythagorae disciplinam traderet. Cui rei vel vnus IOH. SCHEFFERVUS, quantus caeteroquin vir? argumento esse potest. In eo enim, quem de natura & constitutione philosophiae Italicae composuit, eruditissimo libello, ita secutus est Iamblichum, Porphyrium, caeterosque huius generis homines, uti quamuis aliam potius, quam Pythagorae philosophiam inde haurias.

§. II.

Quae cum ita sint; mirum videri non debet, recentiori memoria viros quosdam praestantissimos, repudiatis Alexandrinorum imposturis, veriora de Pythagorae disciplina & quaefisse & tradidisse: in quibus eminent ILLVSTR. MOSHEMIVS, (e) & CELEBER. BRVCKERVS (f). Hos qui attente legerit, praeclaram istam, quem iuniores Platonici persuadere nobis conantur, de Theologia Pythagorae opinionem omnem facile

(e) In notis ad CVDWORTH. SYST. INTEL. passim, e. g. p. 28. seqq. p. 209. p. 441. seqq.

(f) In HIST. CRIT. PHIL. T. I. P. II. L. II. C. X. p. 982. seqq.

facile amittet. Quorum ego vestigiis insistent, ut, quae mihi adhuc obscura in Pythagorae ratione videbantur, quam posset fieri verisimillime explicarent; primo loco mihi ad opiniones gentium esse attendendum putavi earum, ad quas Pythagoram discendi studio adiisse inter omnes conuenit. Est equidem nullus propemodum orbis terrarum populus, quin cum eo fuisse Pythagoram nugatores isti Alexandrini commiscerentur. Legas modo, quae ex istis IOH. SCHEFFERVS de Pythagorae peregrinationibus, quidque ex quaque secum apportarit, commemorat (g); & mireris, tantum virum tam apertis nugis vel minimum potuisse fidei tribuere. Haec igitur cuncta, cum aut valde dubia, aut omnino falsa sint; Aegyptii relinquuntur atque fortasse Phoenices: hi enim, quin Pythagorae praeceptores fuerint, vix quisquam dubitat: Quamuis vero ipsa Aegyptiorum Phoenicumque ratio infinitis adhuc prematur difficultatibus: ueque quid Pythagoras inde apportarit, aut quid ipse sit commentus, certum definiri queat; ea tamen, quae de Aegyptiorum theologia qualicumque probabilitate cognita sunt, & conferre licet cum Pythagoreorum exiguis reliquiis: & ipsa collatio instituta aditum quodammodo videtur dare ad vtrasque disciplinas paullo propius inspicendas, illustrandamque alteram ex altera. Eas deinde tantum in has meas commentationes admisi Pythagorae doctrinas, quae ab

(g) l. c. cap. 4. & 5. p. m. 14. seqq.

ab auctoribus ipsi tribuuntur, quorum fides non tam est vehementer suspecta, quam Alexandrinae scholae, atque quos saltem data opera Pythagorae sententiam voluisse peruertere, nulla videtur adesse iusta suspicionis causa. Quo loco nobis more videtur agendum esse eorum, qui de callidorum hominum occultis consiliis, ex paucis, quas hi ipsi imprudenter quasi dederunt, significationibus, non minus callide coniiciunt. Notum enim est Pythagorae institutum, quo is studio atque cura veram suam omnes, praeter interiores discipulos, sententiam celauerit. Nec quae hodie supersunt eius placita, aliud fere quidquam declarant, quam vulgarem illius doctrinam. Ad interiorem autem Pythagorae disciplinam cognoscendam nullus alius videtur aditus relictus esse, nisi ut, quae in vulgus emanare passus est placita varie componendo conferendoque inter se, coniectura quadam probabiliter mentem eius conemur elicere. Qua quidem in re vehementer, ~~no~~ vulgares quidem Pythagorae doctrinas ad nos integras peruenisse, dolendum est: oppido enim pauca sunt, quae de Pythagorae ratione apud ARISTOTELEM, SEXTVM EMPYRICVM, PLVTARCHVM, DIOGENEM LAERTIVM, CICERONEM, STOBÆVM, in ORIGENIS PHILOSOPHYMENIS, & apud ANONYMV M PHOTII passim inuenias. PLATO autem is esse non videtur, cui tuto possimus fidem habere, quem, ut priscos philosophos in suas pertraheret partes, placita

eorum haud parum saepe corrupisse, satis constat. Ipsae istae, quas auctores, quos dixi, nobis exhibent, parvae reliquiae, parum iam nonnunquam sibi constant, nec sine insigni difficultate ita possunt conciliari, ut apta inde compositio unaque disciplinae forma enascatur: plane, ut isti scriptores ipsi Pythagorae sententiam minus interdum videantur assecuti esse. Quod nisi esset, nosque vel vulgarem Pythagorae disciplinam satis haberemus cognitam, explicatio reconditorum dogmatum non omnino esset desperanda; nemo enim homo tam callidus versutusque est simulator, cuius occultae cogitationes aliorum solertiae, facta dictaque eius observantium, quodammodo non pateant. Nunc vero iis utendum est, quae sunt; & ut quaeque explicatio collatis inter se Pythagorae doctrinae subobscuris vestigiis est aptissima, ita veri ea videtur habenda esse simillima. Neque tamen ad exquirendam Pythagorae rationem reliquorum Pythagoreorum decreta plane nihil faciunt. Permanet equidem ista celandae disciplinae cura, quam Pythagoras instituit, quodammodo in successoribus etiam eius, nec hi temere quidquam rerum suarum euulgari passi sunt; difficiliiores tamen hoc loco eruditissimi quidam viri videntur esse, quam res postulat. Talem enim sibi animo fingunt istam Pythagoreorum taciturnitatem, quasi quidquam reconditorum huius scholae sensuum exire plane non potuerit: quod quidem eiusmodi est, uti conditionem rerum hu-

humanarum excedere videatur. Sint enim homines rerum suarum studiosi celatores; res tamen, ne multis consciis quodammodo vel imprudentibus istis aliquando palam fiat, vix ingenii humani fert natura. Quod vero PORPHYRIUS ad exaggerandam taciturnitatem Pythagoreorum & monumentorum paucitatem disputat (h); id a callido homine hoc potissimum consilio factum videri possit, quo sapientiae miracula, seu monstra potius, a nemine veterum Pythagorae tributa, quae tamen in Pythagora suspici Porphyrius e re sua esse iudicabat, procliuorem fidem inueniant. Atque etiam apertius paullo nonnulli scholae Pythagorae alumni protulerunt animi sui sensum vt OCELLVS LVCANVS, vt EMPEDOCLES, vt alii: quos quamuis reliqui Pythagoraei insectarentur odioque haberent; hoc ipsum tamen argumento esse potest, candidius veriusque istos viros de Pythagorae exposuisse placitis, quam hi superstitiosi homines factum esse vellent. Ita enim fere fit, vt, qui instituta sua celari cupiunt vafri homines, si quid inuitis illis emanauerit, obtrectent istis, qui arcana prodiderunt, mendacique eos coarguant. EMPEDOCLES certe ob proditam disciplinam a Pythagoreis communione ipforum exclusus est (i). Ridiculi hi homines videantur, qui propterea

F 3

Em-

(h) IN VITA PYTHAGORAE. p. 52. conf. MOSHEM. ad CVDWORTH. p. 445. not. 21. num. 1.

(i) DIOG. LAERT. L. VIII. segm. 56.

Empedoclem eiecerunt, quod decreta eu ilga-
 verit, si quidem iste, quod postea criminati
 sunt, omnes alias potius, quam Pythagorae sen-
 tentias, in lucem protulit. Cur igitur expulsus
 est? Apertius egisse Empedoclem, quam ipsi
 vellent, haec istorum ira satis indicat. Quocirca
 & ipse celebrer. BRVCKERVS in recensendis
 Empedoclis rebus, eius decreta cum Pythagorae
 placitis pulcerrime consentire, saepius fateatur
 (k). Illud equidem non inficior, ex vnis his
 istorum Pythagoreorum sententiis certi quid de
 ipsius Pythagorae mente statui non posse: cum
 quid a Pythagora acceperint, quidue ipsi ex suo
 addiderint ingenio, non satis constet; valent ta-
 men ad illustranda ea, quae certi auctores ipsi
 Pythagorae tribuunt, placita: neque negligenda
 omnino est eorum auctoritas in exquirenda do-
 ctrina magistri. Neque etiam tam longe istos
 Pythagoreos a praeceptoris auctoritate disces-
 sisse sui, vt nonnulli sibi persuadent, ipsa haec
 nostra, vt spero, tractatio postea docebit. His
 igitur tribus, quae dixi, locis, tamquam argu-
 mentis & notis rerum vsus sum: atque ad for-
 mulam aliquam Pythagoreae theologiae consti-
 tuendam progressurus, quae Pythagoras ipse ab
 auctoribus fide dignis docuisse perhibetur, ea
 hinc cum Aegyptiorum Phoenicumque decretis:
 illinc cum caeterorum contendi Pythagoreorum
 sententiis: neque dubitavi, quin ita quidque ad
 Pythagorae disciplinam proxime accedat, vt
 iun-

(k) l. c. sect. II. §. 5. seqq. p. 1106. seqq.

iunctis his locis comparatisque inter se maxime esset consentaneum. Quam viam atque rationem, tametsi non tam sum stultus, ut in his obscurissimis rebus certi quid & explorati me dedisse putem, sua non carere probabilitate, persuasum mihi est: cuius tamen rei iudicium omne penes lectores esto.

§. III.

Nobile inprimis Pythagoreae disciplinae caput numerorum scientia fuit, quibus Pythagoras totam fere suam conclusit sapientiam. Sed cum numeris eum nonnisi signis occultarum rerum usum esse inter omnes conueniat, (quamvis de rebus istis ipsis summus deprehendatur interpretum dissensus); mihi quidem faciendum esse non putaui, ut, quod nonnullos fecisse video, a numeris, Pythagoream disciplinam explicaturus, ordiar. Ea primum mihi considerata esse videntur, quae in Pythagorae ratione explicatiora paullum minusque impedita occurrunt, quo deinceps probabiliori coniectura numerorum in hac schola vim possimus assequi. Vniuersam igitur naturam PYTHAGORAS in duas diuisit res, *calidum* & *frigidum*. Ita nimirum ex Pythagorae sententia **DIOGENES LAERTIUS**: *ισόμοιρά τε εἶναι ἐν τῷ κόσμῳ, ὥς καὶ σκότος, καὶ θερμὸν καὶ ψυχρὸν, καὶ ξηρὸν καὶ ὑγρὸν.* *Acquis etiam partibus in mundo inesse lucem ac tenebras, calidumque & frigidum, siccum & hu-*

midum (l). Quo ex loco simul patet, lucem & siccum Pythagorae idem valere, ac calorem: neque enim Diogenes in ea, quae excipit haec verba, disputatione vnquam plures duabus commemorat oppositas contrariasque res, quarum altera habeat caloris, altera frigoris naturam, quaeque vniuersum constituent mundum. Simili plane modo AVCTOR PHILOSOPHYMENORVM EX DIODORO ERETRENSI & ARISTOXENO MUSICO: Δύο εἰναι ἀπ' ἀρχῆς τοῖς ἔστιν αἴτια, πατέρα ἢ μητέρα· ἢ πατέρα μὲν Φῶς, μητέρα δὲ σκότος· τῷ δὲ Φωτὸς μέρη θερμὸν, ξηρὸν, κῆφον, ταχύ· τῷ δὲ σκότιος ψυχρὸν, ὑγρὸν, βαρὺ, βραδύ. ἐκ δὲ τούτων τὸν κόσμον συνεσθάναι ἐκ θηλείας ἢ ἀρρέενος. *Duas res a primordio causas esse, patrem videlicet & matrem: & patrem quidem lucem, matrem vero caliginem. Lucis autem esse partes calidum, siccum, leue, velox: caliginis vero frigidum, humidum, graue, tardum. Sed ex his omnibus, adeoque ex muliere & viro constare mundum* (m). Addit equidem PSEUDO - ORIGENES, ZARATAM quendam Chaldaeam hanc Pythagorae tradidisse rationem. Sed ista Pythagorae ad Chaldaeos peregrinatio neque certa est: neque vero res postulat, vt hanc a Chaldaeis deriuemus disciplinam. Nihil enim, hac quidem in parte, Pythagoras docuit, nisi quod ab Aegyptiis didicerat: quos eodem plane modo vniuersam rerum naturam in duo principia diuississe, supra obseruauimus (c. 1.

(l) L. VIII. f. 26.

(m) C. 2. p. 38. seq.

(c. 1. §. 1), quae quidem Aegyptiorum principia in *calidum* istud atque *frigidum* Pythagorae satis apte conueniunt (n). Adeo studiose igitur Aegyptios secutus est Pythagoras, ut iam ipso maris & foeminae nomine seruato, illorum more vniuersum mundum ἀρρενὸς θηλυν nuncuparet. Continetur autem secundum Pythagoram in calore, quem etiam marem dixit, causa efficiens rerum: motionis, sensus, rationisque omnis initium atque sedes. Vnde per calorem omnia animari idem voluit, & animae humanae quoque praestantiorē partem, in qua insit ratio & prudentia, caloris istius statuit partem esse. Aperte id quidem DIOGENES LAERTIVS: ζῆν μὲν πάντα, ὅσα μετέχει τῆ θερμῆ διὸ καὶ τὰ φυτὰ ζῶα εἶναι. *Vinere autem omnia, quae caloris participant, atque ideo & plantas esse animantes* (o). Quod qua ratione accidat, ipse iis verbis, quae praecedunt, declarauit DIOGENES: διήκειν τε, inquiens, ἀπὸ τῆ ἥλιος αἰκτῖνα διὰ τῆ αἰθέρος τῆ τε ψυχρῆ καὶ παχείας. καλεῖται δὲ τὸν μὲν αἶρα ψυχρὸν αἰθέρα. τὴν δὲ θάλασσαν καὶ τὸ ὑγρὸν, παχὺν αἰθέρα. ταύτην δὲ τὴν αἰκτῖνα καὶ εἰς τὰ βάθη δύεσθαι, καὶ διὰ τῆτο ζωοποιεῖν πάντα. *Penetrare item a sole radium per aethera frigidum & corpulentum. Vocant autem aërem, frigidum aethera: mare autem & humidum, aethera crassum. Hunc vero radium etiam profundum penetrare, atque adeo*

F 5

viuū.

(n) Conf. IABLONSKI in Panth. Aegypt.

L. I. c. 2.

(o) l. c. segm. 28.

viuificare omnia (p). Ex quibus intelligitur & illud, calorem istum per vniuersam rerum naturam intentum atque fustum esse, eamque ipsam ob causam motionis existere initium & vitae omnis. Atque ad mentem diuinamque animae humanae partem quod attinet, eam non minus ex illa effici, quam diximus, calida natura, idem **DIOGENES** testis est: *καὶ ἀνθρώπων εἶναι πρὸς θεᾶς συγγένειαν, κατὰ τὸ μετέχειν ὄνθρωπον θεοῦ*. *Hominibus etiam esse cum diis cognationem, quod & homo caloris participet sit* (q). Quam eandem rationem ita explicat **SEXTVS EMPYRICVS**: *οἱ μὲν ἄν περὶ τὸν πυθαγόραν καὶ τὸν ἐμπεδοκλέα, καὶ τῶν ἰταλῶν πλῆθος, φασι μὴ μόνον ἡμῖν πρὸς ἀλλήλους καὶ πρὸς τὰς θεὰς εἶναι τινα κοινωνίαν, ἀλλὰ καὶ πρὸς τὰ ἀλογα τῶν ζώων. ἐν γὰρ ὑπάρχειν πνεῦμα, τὸ διὰ πάντας τὸς κόσμους διήκον ψυχῆς τρόπον, τὸ καὶ ἐν ἡμᾶς πρὸς ἐκεῖνα. Atque Pythagoras (ita Hermetus, sed melius: Pythagorae sectatores) & Empedocles & magnus numerus Italicorum philosophorum, dicunt non solum esse nobis inter nos aliquam & cum diis coniunctionem, sed etiam cum brutis animantibus. Esse enim unum spiritum, qui instar animae totum mundum peruat, & nos illis vniat* (r) Quae **SEXTI** verba collata cum dictis a **DIOGENE**, praeclare nobis recludunt Pythagorae sensus. Ipsam enim Pythagoras

(p) l. c. segm. 27.

(q) l. c.

(r) **ADV. MATH. L. IX. c. 127.**

ras censuit diuinam naturam siue mundi animam, de qua postea copiosius, calore isto contineri: hinc & nullam aliam ob causam solem & reliqua astra ponit deos esse, nisi quod calor in istis dominetur: ἥλιόν τε καὶ σελήνην, καὶ τὰς ἄλλας ἀστέρους εἶναι θεούς. ἐπικατεῖ γὰρ τὸ θερμὸν ἐν αὐτοῖς, ὥστε ἐστὶ ζωὴς αἰτίαν. Solem & lunam & reliqua sidera, deos esse: quippe in illis superare calorem, qui sit vitae auctor (s).

§. IV.

Appellauit autem Pythagoras diuinum istum calorem etiam aethera, & quidem ἀθήρα θερμὸν. *aethera calidum* (τ): ita tamen, ut & reliqua naturae elementa eodem dignaretur nomine. Apud Diogenem enim antea iam vidimus aërem a Pythagora vocari ψυχρὸν ἀθήρα, *frigidum aethera*: aquam autem & humidum παχὺν ἀθήρα, *aethera crassum*. Quocirca effectio ista atque vitae sensusque causa, quam Pythagoras in calido ponebat aethere, nonnisi subtilitate agilitateque differre videatur ab aëre & aqua: neque minus corporea sit natura, quamuis subtilissima, quam duo haec crassiora tardioraque elementa. Atque ut ita de Pythagorae statuamus ratione non solum ipsa nos cogit *calidi* siue *ignei* principii appellatio, quam iste diuinæ imponebat naturae: sed & multa praeterea suadere possunt alia argu-

men-

(s) DIOG. LAERT. l. c.

(τ) DIOG. l. c. segm. 23.

menta. Illud enim, quod supra de Anaxagora vidimus, quem primum omnes perhibent simplicis puraeque mentis adfertorem fuisse non magis ad Thaletis valet rationem declarandam, quam ad ipsius etiam Pythagorae: in cuius quidem schola si eiusmodi mens fuisset tradita, ipse huius sententiae princeps dicendus foret, neque ad Anaxagoram omnes detulissent eius inuenti gloriam. Ipse vero Anaxagoras satis expressâ dedit vestigia, non superioribus modo Ionicis, sed Pythagoreis etiam suam rationem oppositam esse, horumque calidam igneamque naturam, in qua supremam putabant inesse diuinitatem, pertinere ad materiae genus. Quamvis enim Anaxagoras ex homoeomeriis suis totum componeret mundum; hoc tamen non obstitit, quo minus ad Pythagoream disciplinam aperte respiciens, vniuersam materiae molem in duas partes diuideret, *calidum* scilicet, & *frigidum*, siue *secum* & *humidum*. Cuius quidem rei PSEUDORIGENES testis est: τὸ μὲν ἂν πυκνὸν, inquit, καὶ ὑγρὸν καὶ τὸ σκοτεινὸν καὶ ψυχρὸν, καὶ πάντα τα ἑαρέια συνελθεῖν ἐπὶ τὸ μέσον, ἐξ ὧν παγέντων τὴν γῆν ὑποσηναί. τὰ δὲ ἀντικείμενα τῷ τῷ θερμὸν, καὶ τὸ λαμπρὸν, καὶ τὸ ξηρὸν, καὶ τὸ κῆφον εἰς τὸ πρῶτον τῆ ἀέρος ὁρμησθαι. Igitur medio loco, quodcunque crassum, & humidum, & obscurum, & frigidum, atque omnia graua consociata fuisse, ex quibus concretis substituisse terram: his contraria, calidum & lucidum & sicum & leue tetendisse in vltiora aethere.

autheris (u). Vides, totum istud calidum principium Pythagorae tam aperte a priscis auctoribus in corporearum materialiumque rerum numero referri, ut iam ipsas Pythagoreorum voces Anaxagoras in recensendo isto materiae altero genere retinuerit. Istis duabus autem materiae partibus aliud quoddam ille addens principium, quod sit pura planeque incorporealis mens, hoc ipso calidi illius Pythagoreorum principii rationem declarat, illudque ostendit a purae simplicisque mentis natura procul esse remotum. Hinc & Stoici, qui, ut in plerisque rebus, sic & hac in parte, Pythagoreorum strenui fuerunt compilatores, proscripserunt ea, quam Anaxagoras induxerat, quinta natura siue pura mente, diuinissimum illum ignem, motionis & sensus effectiorem, corporeum quiddam esse, plane apertis affirmarunt verbis: nec quidquam arbitrabantur esse posse, quod sit non corpus. Ita enim CICERO, *de naturis autem sic sentiebat* (Zeno Stoicus) *primum, ut in quatuor initiis rerum illis, quintam hanc naturam, ex qua superiores sensus effici rebantur, non adhiberet. Statuebat enim ignem esse ipsam naturam, quae quidque gigneret, & mentem atque sensus. Discrepabat etiam ab iisdem quod nullo modo arbitrabatur quidquam effici posse ab ea, quae expers esset corporis. Cuius generis Xenocrates, & superiores etiam, animum esse dixerunt: nec vero, aut quod efficeret aliquid, aut quod efficretur, posse esse non corpus* (w). Sicubi

vero

(u) c. 8. p. 69.

(w) A. A. Q. Q. L. I. C. XI.

vero Stoici affirmabant deum vacare corpore; non alio id fecerunt consilio, quam ut eum tamquam subtilissimam materiae partem a crassiori distinguerent materia: quo eodem modo BRVCKERVS recte monet (x) & PLVTARCHVM interpretandum esse, qui ex Pythagorae sententia supremum Deum neque sensibus neque dolori expositum, sed a visu remotum solaque mente comprehendendum dixit (y). Neque omnino post Pythagorae mortem, quidquid discipuli eius scholaeque Pythagorae alumni de rerum tradiderunt natura, aliam diuini huius caloris vim indicat, quam esse eum subtilissimum naturae corpus, ex minimis concretum purissimisque partibus. Quo loco, ne iusto longiores simus, satis habeamus, duos duntaxat Pythagoreos speciminis loco commemorasse: reliquos Pythagorae sectatores idem statuentes qui nosse cupit, CELEBER. BRVCKERVM diligenter his de rebus & copiose disputantem adeat (z). HIPPASVS igitur METAPONTINVS, quem ex constanti veterum traditione primum omnium rerum ignem statuisse, eundemque ignem vocasse Deum, BRVCKERVS recte dicit (a), qualem putarit esse ignis huius naturam, HERACLITI EPHESI, qui eum audiuerat, abunde declarant placita. Plane enim coniuncta utriusque ratione,

PLV-

(x) l. c. §. 24. num. VII. p. 1076.

(y) in Numa. T. II. oper. p. m. 46.

(z) l. c. sect. II. p. 1101. seqq.

(a) l. c. §. 14. p. 1135.

PLUTARCHVS eos testatur ignem habuisse vtrumque eodem modo initium rerum. Neque igitur assentiri possum eruditissimo BRVCKERO, qui Heraclitum immutasse Hippasi disciplinam putat propterea, quod igni adiunxerit hic crassio- rem materiam, ille vero ipsam crassio- rem materiam ex igne natam statuerit. Tam apertis enim verbis Plutarchus non Heraclitum modo, sed & Hippasum affirmat ex ignis extinctione reliquam deriuasse materiam, itaque hanc ex igne genitam procreatamque credidisse, vt eadem omnino Hippasi ac Heracliti ratio, si quidem Plutarchi standum est auctoritate, putanda sit. Ita enim Plutarchus: Ἡράκλειτος καὶ Ἰππάτος ὁ μεταποντῖνος ἀρχὴν τῶν ὄλων τὸ πῦρ, ἐκ πυρὸς γὰρ τὰ πάντα γίνεσθαι, καὶ εἰς πῦρ πάντα τελευτᾶν λέγῃσι. τέτα δὲ κατασβεσμένον κοσμοποιεῖσθαι τὰ πάντα. πρῶτον μὲν γὰρ τὸ παχυμερέστατον αὐτῷ εἰς αὐτὸ συσπλόμενον γῆ γίνεται. ἔπειτα ἀναχαλωμένην τὴν γῆν ὑπὸ τῷ πυρὶ φύσει, ὕδωρ ἀποτελεῖσθαι. ἀναθυμιάμενον δὲ αἶρα γίνεσθαι. Heraclitus & Hippasus Metapontinus (putant) initium omnium rerum esse ignem: ex igne enim omnia fieri, & in ignem omnia interire dicunt, igne autem extincto omnia procreari. Etenim primo cum crassissimae eius partes in vnum coeunt, terra existit: laxata postea terra ignis ope, aqua efficitur, ex cuius humoribus aër prodit (b).

Iam

- (b) de Pl. Ph. L. I: c. 3. T. I. oper. p. m. 263.
 Conf. CVDWQRTH. l. c. p. 136. & IOH.
 ALB. FABRICIVS ad Sext. Pyth. Hyp. L. III.
 sec. 30.

Iam vero obscurum esse non potest, qualis sit iste Pythagoreus ignis: idem nimirum, qui Heracliti, ab Hippaso Pythagoreo suam accipientis rationem: corporeus, concretus, ex minimis constans purissimisque materiae moleculis. EMPEDOCLES magis etiam perspicue ignis istius naturam declarat: quamquam enim quatuor poneret rerum elementa, ignem, aërem, aquam atque terram; ita tamen quatuor istis utitur Pythagoreorum more, tamquam essent duo: separat scilicet ignem, tamquam nobilissimum principium, a reliquis elementis, quae iunctim sumta alterum principiorum genus constituere putat: ἐμπεδοκλῆς ----- τὰ ὡς ἐν ὕλης εἶδει λεγόμενα στοιχεῖα, τέτταρα πρῶτος εἶπεν. ἢ μὴν χρητὰ γὰρ τέτταρσιν, ἀλλ' ὡς δυσὶν ἔστι μόνοις. πρὶ μὲν κατ' αὐτὸ, τοῖς δὲ ἀντικειμένοις, ὡς μιᾷ φύσει, γῆ τε καὶ αἶρι, καὶ ὕδατι. Empedocles ---- elementa, quae in materiae specie dicuntur, quatuor esse primum adseruit: non tamen eis ut quatuor utitur, sed tamquam duo essent sola: igne quidem per se ipsum; oppositis vero, terra, aëre & aqua, tamquam una natura (c). Vere enim & fideliter Empedocles Pythagorae tenuit hac in parte disciplinam, totum distribuens rerum genus in duas partes, quarum praecipua ignis siue calida natura sit. Nec quae Aristoteles in his verbis pronuntiarat, Empedoclem primum alterum principiorum in tres diremissee naturas, ita sunt accipienda, quasi planè incognita ante hunc

in

(c) ARISTOT. Metaph. L. I. c. 4.

in Pythagoreorum schola fuerit ista ratio: sed quod Empedocles primus clarius, quam superiores, eam exposuerit, in ipsis enim Pythagorae placitis haud obscura occurrere huius rei vestigia, deinceps videbimus. Sed ut Empedoclis persequamur decreta, nihil omnino a Pythagorae deficiens iste disciplina, ignem eum, quem nobilissimum posuit rerum principium, intelligentem putauit esse, qui & Deus sit, omnemque rerum naturam contineat atque fingat: καὶ τὸ τῆς μονάδος νοερόν πῦρ τὸν θεόν, καὶ συνθεῖν αὐτὴν ἐκ πυρὸς τὰ πάντα, καὶ εἰς πῦρ ἀναλυθῆσθαι. *Monadis autem intellectu praeditum ignem Deum esse voluit, & constare ex igne omnia, rursusque in ignem resolutum iri* (d). Neque tamen eo fecius ignem istum diuinum, aequae ut reliqua elementa, Empedocles apud Plutarchum in minimas diuidens partes, concreti quiddam & corporei eundem esse statuit: Ἐμπεδοκλῆς περὶ τῶν τεσσάρων στοιχείων θράνσματα ἐλάχιστα, οἷον εἰ στοιχεῖα πρὶν στοιχείων. *Empedocles (inducit) minima quaedam ramenta, quae fuerint ante quatuor elementa, & elementorum quasi elementa sint* (e) Idem postea Plutarchus: Ἐμπεδοκλῆς ἐκ μικροτέρων ὄγκων τὰ στοιχεῖα συγκρίνει, ἅπερ ἐστὶν ἐλάχιστα, καὶ οἷον εἰ στοιχεῖα στοιχείων. *Empedocles elementa ex minoribus moleculis componit, quae sint partes minimae & quasi elementa* rum

(d) ORIGEN. Philos. c. 3. p. 49.

(e) l. c. cap. 13. p. m. 267.

rum (f). Non igitur sine causa veterum nonnemo dixisse putandus est, optime DEMOCRITVM Pythagorae disciplinam esse affecutum, fideliterque eam expressisse: δοκεῖ δὲ, (Φησὶν ὁ θράσυλλος), Ζηλοτῆς γεγονέναι (Δημόκριτος) καὶ τῶν πυθαγορικῶν ----- πάντα δὲ δοκεῖν παρὰ τὰς λαβεῖν, καὶ αὐτὰ δ' αὖ ἀκχεῖναι, εἰ μὴ τὰ τῶν χερῶν ἐμάχεται. Videtur autem, ut ait Thrasyllus, Democritus & Pythagoricorum fuisse imitator ----- adeo autem videri ab illo accepisse omnia, ut nisi temporum ratio obstaret, illum & audivisse putaretur (g). Neque vero, hanc Democriteae rationis similitudinem cum Pythagoreis placitis, ad aeternas rerum formas & ideas traducamus cum MOVRGVESIO (h) necesse est, quae Pythagorae non magis quam Democrito cognitae fuerunt: alia sunt & longe quidem certiora huius convenientiae vestigia in Democriti placitis, qui non modo totam rerum naturam ex minimis composuit indiuiduisque partibus; sed & plane Pythagoreorum more ipsos etiam hominum animos ex igneis effici arbitratus est elementorum corpusculis, quae sint velocissima purissimaque omnium, ideoque praeter caeteris idonea, ut per reliqua se penetrent corpora, eaque moueant (i). Quod quam sit Pythagoreorum rationi consentaneum, ARISTOTELES praeclare vidit. Expositis enim idem De-

(f) l. c. cap. 17. p. 262.

(g) DIOG. LAERT. L. IX. f. 38.

(h) Plan theol. p. 107.

(i) vid. supra c. L. §. XI.

Democriti placitis iis , quae modo commemoraui, continuo subiungit: εἰσὶ δὲ καὶ τὸ παρὰ τῶν πυθαγορείων λεγόμενον τὴν αὐτὴν ἔχειν διάνοιαν. ἔφασαν γάρ τινες αὐτῶν, ψυχὴν εἶναι τὰ ἐν τῷ αἰέρι ζύσματα. οἱ δὲ, τὸ ταῦτα κινῶν. Videtur autem & id, quod a Pythagoreis dicitur, eandem habere sententiam: quidam enim ipsorum ea corpuscula, quae agitantur in aëre, quidam id, quod illa mouet ac agitat, animam esse dixerunt (k). Quamquam in eo quidem vehementer differat Pythagoras a Democrito, quod hic non in ipsis illis elementorum minimis partibus sensum aut mentem inesse, sed ex certo demum quodam atomorum temperamento commixtionisque animos effici censebat, si scilicet plerosque historiae philosophicae auctores sequi velimus: Pythagoras vero sensum rationemque statuēbat fusam per ipsum diuinum istum ignem, eique quasi innatam esse. Qua quidem ipsa de causa ignis iste effectiois diuinaeque naturae rationem apud Pythagoram habet, quae descripserit consilio & prudentia reliquam materiae molem. Atque hoc quidem sensu ΕΡΦΑΝΤΥΣ Pythagoreus corporum motionem neque grauitati, neque impulsui, sed diuinae potentiae attribui voluit: quam eius sententiam ita exponit PSEUDO-ORIGENES: κινεῖσθαι δὲ τὰ σώματα μήτε ὑπὸ βάρους, μήτε πληγῆς, ἀλλ' ὑπὸ θείας δυνάμεως, ἣν νῦν καὶ ψυχὴν προσηγορεύει. Corpora non grauitate nec impulsu, sed diuina, quam mentem

G 2

ve-

A (k) de Anim. L. I. c. 2.

vocat & animam, moueri potentia (1).¹ Quae quidem, quam habeant vim, intellectu prouum est ex iis, quae de Pythagoreorum igneo principio adhuc a nobis disputata sunt. Nec obscure haec Ecphanti decreta Leucippi sententiis fuerunt opposita, qui ex vna atomorum motione sine vlla effectione diuinae mentis mundum esse ortum statuit: neque pulcrius etiam aut concinnius totum illud, quod inter Italicam Eleaticamque scholam intercedit, discrimen potuisset explicari, quam ab Ecphanto his verbis factum est. Tale igitur cum fuerit principium istud, quod calidum a Pythagora vocatum, atque vitae omnis causa initiumque habitum est; intelligamus iam illud, quam longe TIMAEVS LOCVRVS, in eo, qui hodie exstat, de anima mundi libello a Pythagorae discesserit disciplina, dummodo ipse Timaeus disputatiunculae illius auctor sit putandus: quod quidem adhuc dubitasse video neminem. Vt enim in continuatione libelli nonnulla occurrant Pythagoricae rationis vestigia; eo tamen loco, qui caput atque arx totius disciplinae dicendus est, Timaeum relictā Pythagorae auctoritate ad Anaxagorae sententiam se aggregasse, ipse primus libelli introitus satis comprobatur. Repudiato enim duplici isto Pythagoreorum principio, quod vtrumque sit corporeum, totum contra Timaeus materiae genus mentis subiicit effectioni, mentemque ponit ex Anaxagorae disciplina, toto genere a materia diuersam:

(1) c. 15. p. 103.

lam: δύο αἰτίαις ἔϊμεν τῶν συμπάντων, inquit, νόον μὲν, τῶν κατὰ λόγον γιγνομένων· ἀνάγκαν δὲ, τῶν βιᾷ κατὰς δυνάμεις τῶν σωμάτων. *Duas esse rerum omnium causas: mentem quidem earum, quae ratione quadam nascuntur: & necessitatem earum, quae existunt vi quadam, secundum corporum potentias & facultates (m).* Per ἀνάγκαν enim a Timaeo materiae genus significari ex iis, quae in hoc libello deinceps dicuntur, aparet. Quae quamvis sint saniora verioraque Pythagoreis decretis, Pythagorea tamen non sunt. Neque difficile foret, hanc Timaei a Pythagoreis defectionem per integrum monstrare libellum, si quidem id huius loci esset: praeter haec tamen nonnulla observandi postea nobis occasio erit.

§. V.

Alterum vero Pythagorae principium, quod frigidae humidaeque naturae ponebat esse, quale sit, magis dubium esse possit propterea, quod de hoc quidem varie exposuerunt scholae Pythagorae sectatores. Nonnulli etenim eorum reliqua elementa omnemque rerum naturam ab illo ipso diuino igne genitam procreatamque esse arbitrabantur, vniuersumque propterea mundum igne non solum contineri, sed & ex eo ortam, in illumque interiturum esse. Atque hanc quidem rationem ita expediebant, ut ex-

G 3

stin-

(m) In oper. PLATON. p. m. 553.

stincto igne condensatoque ex parte, cum velocissimus illius motus summaque subtilitas cessaret, terram natam esse statuerent. Per hanc cum reliquus ignis penetraret eamque funderet, aquam inde esse factam: ex aquae denique humoribus exstitisse aërem. Tum vero, cum totum crassioris materiae genus incensum rursus, & ad pristinam nativamque velocitatem redactum fuerit; vniuersum mundum conflagratum iri. Hoc enim modo Hippasum Metapontinum, Heracliti magistrum disciplinam suam instituisse, supra iam vidimus: neque causam adesse vllam itidem monuimus, quam ob causam Heraclitum statuamus magistri decreta immutasse; cum ex Plutarcho abunde pateat, vnam plane eandemque fuisse & Hippasi & Heracliti, quod ad hanc quidem disciplinae partem attinet, sententiam. Eandem secutus est rationem OCCELLVS LVCANVS, qui ipso etiam cel. BRVCKERO referente (n), ex igne reliquam rerum naturam elementaque esse nata arbitratus est; quamquam in hoc quidem discrepat ab Hippaso, quod non terram proxime ex igne, sed aërem procreatum esse censebat, ex aëre vero aquam, hanc vero tandem terram produxisse. Quocirca solus ignis secundum Ocelli placita vniuersae naturae non fundamentum modo & initium est, sed idem solus semper ex ea parte, quatenus nativam suam puritatem retinuit, immutabilis sibi que similis manet, cum reliqua omnia fluant & commutentur.

(n) l. c. §. 10. p. 1125.

tur. Nulla igitur in his quidem Ocelli decretis
ideae Platonicae apparent, quas Celeber. BRV-
CKERVS in iis inuenire sibi visus est, Ipse etenim
ignis illud primum est, quod & alias res mouet,
& ipse simillimo sibi semper eodemque mouetur
modo. Videtur equidem ipse OCELLVS quin-
tam aliquam probare naturam, quae diuersa sit a
commemoratis istis quatuor (o): atque SEXTVS
etiam EMPYRICVS ἐκ πάντε, inquit, Ὁκελλος
ὁ λευκανός (ἀπέλιπε τὴν γένεσιν). *Ex quinque
Ocellus Lucanus.* (rerum ortum admisit) (p).
Verumtamen, si ita haec capienda sint, ut quinta
ista natura sit pura mens, distincta ab igne siue
calore; actum est de consensu Ocelli cum Py-
thagora, per ipsam illam, quam BRVCKERVS
descripsit theologiae Pythagoricae formam. To-
ta ista Ocelli ratio ex Empedoclis decretis com-
mode videtur intelligi posse. Hunc enim qua-
tuor omnino, nec plures statuuisse naturas, quae
sint rerum initia, constanti comprobatur totius
antiquitatis testimonio: neque tamen eo secius
in quodam, qui est apud PLVTARCHVM, loco,
quinque tribuuntur Empedocli elementa, ita
quidem, ut discernatur ὁ αἰθήρ, *aether*, ἀπὸ τῆ
πυρός, *ab igne*, atque ex aethere dicatur coelum
existisse; ex igne vero sol (q). Caue vero pro-
pterea putes, aethera secundum Empedoclem re-
vera & natura sua differre ab igne: diuersum mo-

G 4

do

(o) Conf. FABRIC. ad SEXT. adv. Math. L. X.
Sect. 316.

(p) SEXTVS EMP. l. c.

(q) de Pl. Phil. L. II. c. 6. oper. T. I. p. m. 170.

do temperamentum vnus eiusdemque elementi
vterque est, atque id quidem ipso Plutarcho
teste, qui alio loco nonnisi quatuor refert ex
Empedoclis ratione elementa, primo tamen eo-
rum; siue aetheri, duplici temperamento di-
ferre dato: τέσσαρα τῶν πάντων πρῶτα πρῶτον
ἄκυσ Ζεὺς αἰθέρ - - - - - Διὰ μὲν γὰρ
λέγουσιν ἕσιν καὶ τὸν αἰθέρα. *Quatuor omnium
rerum fundamenta primum accipe: Iupiter aether
- - - - - Iouem etenim vocat ARDOREM &
AETHERA (r).* Nihil aliud itaque Empedocles
voluisse videatur, nisi, purissimum ignem supre-
masque mundi regiones occupantem, aethera
vocari, qui ab omni crassioris materiae conta-
gione longissime absit: eundem vero ig-
nem, quatenus conspiciendum sese sentiendum-
que exhibet in sole caeterisque astris, proprie
ignem vocandum esse, vt distinguatur a purissi-
ma diuinitatis sede, quo sensibus nostris aditus
non patet. Quae quidem explicatio placitis
Ocelli ita est apta, vt nihil possit supra: ipse
enim ex quinta ista natura, quae in orbem mo-
ueatur, coelestia constare dicit; vnde sponte
sequitur, purissimum aethera, non vero ideas
Platonis, intelligi in quinta Ocelli natura, quae
totum circumplexa mundum, tamquam vndique
circumsufus omniaque cingens ardor eodem sem-
per modo existat & moueatur. Qua eadem pla-
ne ratione Stoici de igne suo diuino disputa-
bant

(r) l. c. L. l. c. 3. p. 263.

bant (s), aethera, CICERONE auctore ita definientes: *Restat ultimus, & a domiciliis nostris altissimus, omnia cingens & coercens Coeli complexus: qui idem aether vocatur, extrema ora & determinatio mundi: in quo cum admirabilitate maxima igneae formae cursus ordinatos definiunt* (t). Stoicos aethera vides ab adspectabilibus igneis formis, siue astris, aequae ut Empedoclem distinxisse, quibustamen caeteroquin aetherem & ignem vnum idemque valuisse, certo certius est. Neque alio consilio PLUTARCHVS Pythagorae quintum quoddam elementum eodem loco tribuisse putandus est, quam quo in Empedoclis ratione recensenda aetherem ab igne distinxerat. Pythagoram enim aliam quandam quintam naturam ignorasse, euitum esse arbitror. Stoicos autem huius ipsius Pythagoreorum partis, qui ex igne crassio rem materiam natam statuerunt, vestigia persecutos esse, persuasum mihi est: quamquam plerisque in Stoicorum ratione crassior materia aequae aeterna esse videatur, ac diuinus ille ignis, quem cum Pythagoreis Stoici vitae & sensus initium perhibebant. Cuius quidem nostri iudicii causas, cum vberior huius rei tractatio consilii nostri excedat fines, duobus verbis iuuabit indicasse. CICERO igitur Stoicos non modo disertis verbis Heraclitum hac in parte secutos esse testa-

G 5

tur:

(s) Conf. BRVCK. l. c. C. IX, sect. I. §. 9. num. 41. p. 942.

(t) GIC. de N. D. L. II, c. 46.

tur: *omnia vestri* (Stoici), inquit, *solent ad igneam vim referre, Heraclitum, ut opinor, sequentes* (u); sed & eodem plane, quo de Hippaso vidimus, modo; a Stoicis conuersionem quandam elementorum statui & probari, idem CICERO auctor est: *omnia haec tum intereunt, cum in naturam aliam conuertuntur: quod sit, cum terra in aquam se vertit, & cum ex aqua oritur aër, & cum ex aëre aether, cumque eadem vicissim retro conueant* (w). Simillima horum sunt, quae de Stoicis habet DIOGENES LAERTIVS. Quamuis enim hic quidem Stoicos dicat duplex adseruisse rerum omnium principium: illud nimirum, quod efficiat mundum, atque alterum, quod efficiatur aliquid & fingatur (x); ipse tamen postea aperte nimis indicat, alterum illud principium, quod efficiatur aliquid, ex ipsa natura & substantia prioris per conuersionem quandam esse ortum. Deum enim dicit, *κατὰ χρόνων ποιάς περιόδους ἀναλίσκειν εἰς ἑαυτὸν τὴν ἀπαταὴν ὁσίαν, καὶ πάλιν ἐξ ἑαυτῆς γεννᾶν*, *per temporum certior circuitus in seipsum omnem substantiam consumere, ac eam rursus ex seipso gignere* (y). Hanc autem notam mundi exustionem Stoicam non ita factam esse, ut Deus reliquam materiam in suum complexum attrahat duntaxat, rursusque e sinu suo eam expellat: sed per aliquam ipsius naturae potius conuersionem,

(u) CIC. l. c. L. III. c. 14.

(w) l. c. Cap. 12.

(x) L. VII. f. 134.

(y) l. c. f. 137.

nem, perspicue ex his patet verbis: κατ' ἀρχὰς μὲν ἂν καὶ αὐτὸν ὄντα (τὸν θεόν) τρέπειν τὴν πᾶσαν ὕσιν δι' αἶρες εἰς ὕδωρ. Principio igitur, Deum, cum esset apud se, substantiam omnem per aërem in aquam conuertisse (z). Et clarius etiam postea: γίνεσθαι δὲ τὸν κόσμον, ὅταν ἐκ πυρὸς ἢ ὕσιν τραπῇ δι' αἶρος εἰς ὑγρότητα· εἴτα τὸ παχυμερές αὐτῷ συστάν ἀποτελεσθῇ γῆ, τὸ δὲ λεπτομερές ἐξαερωθῇ, καὶ ταῦτ' ἐπιπλέεν λεπτυνθὲν πῦρ ἀπογεννίση. Mundum vero fieri, cum ex igne substantia per aërem versa in humorem fuerit: deinde crassior ipsius pars consistens effecta fuerit terra: porro subtilior in aërem cesserit, eademque magis ac magis extenuata in ignem euaserit (a). Quid vero tandem apertius exspectes, quam hæc Plutarchi verba: ὀρίζοντα δὲ τὴν τῷ θεῷ ὁσίαν οἱ ζωικοὶ ἄνω πνεῦμα νοερὸν καὶ πυρῶδες, ἐκ ἔχον μὲν μορφὴν, μεταβάλλον δὲ εἰς ἃ βέλεται, καὶ συνεξομοιούμενον πᾶσιν. Definiunt autem diuinam naturam Stoici hoc modo: spiritus intelligens & igneus, qui quidem ipse formam non habet, conuertit se autem in quodcunque vult, & similem se reddit quibuscumque rebus (b) Elegantissime hac ratione Stoici exprimebant cosmogoniam Heracliteam: quibus & alia huius rei addi possent argumenta, si quidem id nunc ageremus. Inde vero videtur factum esse, ut idem PLUTARCHVS Pythagoreos, non nul-

(z) DIOG. I. c. f. 136.

(a) I. c. f. 142.

(b) de Plac. Phil. L. I. c. 6. p. 264.

nullos scilicet eorum, cum Stoicis coniungens,
 vnam vtrisque sententiam tribuat: οἱ ἀπὸ θαλεω,
 καὶ πυθαγόρα, καὶ οἱ στωικοί, τρεπτὴν καὶ ἀλλοι-
 ωτὴν καὶ μεταβλητὴν καὶ βευστὴν ὅλην δι, ὅλον τὴν
 ὕλην. *Thaletis & Pythagorae sectatores, ut*
& Stoici (putant) materiam conuersioni & muta-
tioni esse obnoxiam, fluereque eam semper in
uniuersa natura (c). Alii contra Pythagoreo-
 rum, iique plures numero, aequalem altero suo
 principio, frigido scilicet, & eandem adsignabant
 aeternitatem, quam calido principio dederant,
 & vtrumque horum opinabantur sua vi & suapte
 natura existere. Praeter Empedoclem enim,
 cuius rationem hac in parte supra iam vidimus, eo-
 dem modo philosophati videntur esse ECPHAN-
 TVS, EPICHARMVS, PHILOLAVS, ALC-
 MAEON; & vel maxime HIPPON RHEGINVS,
 de quo quidem PSEUDO - ORIGENES non
 modo ἱππων, inquit, ὁ ῥηγίνος ἀρχαὶς ἔφη ψυ-
 χρὸν τὸ ὕδωρ, καὶ θερμὸν τὸ πῦρ. *Hippon Rbeginus*
principia dixit, frigidum, quae sit aqua, &
calidum, quod sit ignis; sed & continuo idem
addit, γεννώμενον δὲ τὸ πῦρ ὑπὸ ὕδατος, κατα-
νικήσαν τὴν τῷ γεννῆσαντος δύναμιν συστήσά τε
τὸν κόσμον. Procreatum ex aqua ignem, supe-
rasse potentiam eius, unde genitus fuit, & com-
posuisse mundum (d). Est autem in his Hipponis
 decretis non modo nihil, quod a Pythagorae ra-
 tionē sit alienum; sed ne potuisset quidem bre-
 uius

(c) l. c. cap. 9. p. 267.

(d) c. 16. p. 104.

uius pulcriusque explicari antiquissima cosmo-
goniae ratio. Recte enim ita interpretatur CE-
LEBER. BRVCKERVS Hipponis sententiam:
τὸ ὑγρὸν, siue humidum in chaotico statu inclu-
sum implicatumque tenuisse ignem, siue calidum
principium: hoc autem, perruptis vinculis, ex-
pediisse sese, victoque materiae crassioris per-
turbato impetu mundum effecisse (e): quae
plane cum Aegyptiorum Phoenicumque con-
sentiunt cosmogonia. Iam vero, quamvis ad
eam, quam nos credimus theologiae Pythagorae
formam esse, parum intersit, vtra harum sen-
tentiarum ipsius Pythagorae fuerit; posterior ta-
men, & praecipue Hipponis, verius illi videat-
ur tribui posse, quam Hippasi & Ocelli ratio.
Idque vel eam ipsam ob causam, quod quibus
magistris vsus est Pythagoras, Aegyptii Phoe-
nicesque, vt modo monuimus, neque aliam illi
vllam tradiderunt disciplinam: nec quae ad nos
peruenerunt Pythagorae placita aliter nos existi-
mare de illius sententia sinunt, quam fideliter
eam seruata magistrorum auctoritate, duplicis
principii, quorum alterum alteri sit contrarium,
principium fuisse patronum. Ex vniuersa enim
ista rerum mole & congerie, de qua postea,
duo rerum initia diuersae naturae atque indolis
prodiisse, ita semper disputat, ex quibus totius
sit ornatus mundi effectus, vt veterum certe ne-
mini Pythagoram in mentem venerit iis adnu-
merare, qui ad vnum principium naturae re-
fer-

(e) BRVCK. l. c. p. 1104.

ferrent originem (f). Quod vel vnus ARISTOTELIS abunde confirmat copiosa disputatio, cuius summa argumenti tandem ita concluditur, duo Pythagoreos statuisse diuersaque rerum initia: οἱ δὲ πυθαγόρειοι δύο μὲν τὰς ἀρχὰς κατὰ τὸν αὐτὸν εἰρήνασι τρόπον. *Pythagorici quidem eodem modo* (de Alcmaeone Crotoniate locutus erat Aristoteles) *duo dixerunt principia* (g). Illi igitur Pythagoreorum, qui ab igneo principio extincto & condensato alterum deducebant principium, magistri quodammodo reliquisse praecepta, & Italicae scholae decreta ad Ionico-
rum rationem nonnihil attemperasse, omnino putandi sunt. Quamquam itaque Pythagoras duobus vniuerse vteretur initis rerum; hoc tamen non obstitit, quo minus alterum horum, *frigidum*, in alias quasdam diuersas naturas, tamquam partes, rursus idem tribueret. Hanc autem diuisionem etsi Empedocles postea magis perspicue explicaret, & in altero isto principio aërem, aquam & terram statueret versari; ipsius tamen Pythagorae reliquorumque Pythagoreorum dicta significare videntur, nihil omnino noui aut proprii Empedoclem hoc loco commentum esse. Solemne enim iam ipsi Pythagorae fuisse, pro subtilitatis ratione eam, quam igni suae calido aetheri opponebat, crassio-
rem materiam nunc vocare *frigidum aethera*, nunc vero *cras-*

(f) Conf. IOH. CHRIST. WOLF. de Manich.
ante Man, p. 116. seqq.

(g) ARISTOT. Metaphys. L. I. c. 5.

crassum, DIOGENES LAERTIVS testis est, qui quidem: καλεῖσι δὲ τὸν μὲν αἶρα ψυχρὸν αἰθέρα. τὴν δὲ θάλασσαν καὶ τὸ ὑγρὸν, παχὺν αἰθέρα. *vocant autem (Pythagorei) aërem frigidum aethera; mare autem & humidum, aethera crassum* (h). Quin & totum quatuor elementorum genus in ipsius Pythagorae inesse placitis, tam aperte idem DIOGENES testatur, vt cur Empedocli primotribuendum sit istud inuentum plane non videam. En Diogenis verba: ὧν (τῶν σωμάτων) καὶ τὰ στοιχεῖα εἶναι τέτταρα, πῦρ, ὕδωρ, γῆν, αἶρα. *Corporum etiam esse quatuor elementa: ignem, aquam, terram, aërem* (i). In ea quoque, quam a Zarata Chaldaeo Pythagoram accepisse Pseudo-Origenes dicit, ratione, expressa sit descriptionis istius quatuor elementorum mentio (k). Iam vero illud non minori fortasse cum probabilitatis specie dici posset, ipsam crassiorem materiam, ex Pythagorae sententia, animatam quodammodo esse, suoque proprio impelli motu. Atque si totum philosophiae Italicae genus ad vnus Empedoclis decreta liceret exigere, res confecta prope modum & explorata foret. Singula enim iste quatuor sua elementa non animata modo, sed diuina statuit, quocirca & deorum illa appellauit nominibus (l). Ita vero de Empedoclis ratione

ci-

(h) L. VIII. f. 27.

(i) l. c. f. 25.

(k) PSEUDO-ORIG. c. 2. p. 41.

(l) PLUTARCH. l. c. L. I. c. 3. p. 263.

CICERO: Empedocles multa alia peccans, in deorum opinione turpissime labitur: quatuor enim naturas, ex quibus omnia constare vult, diuinas esse censet (m). Quam quidem eandem sententiam ipsi Pythagorae Plutarchus diserte tribuit: dyada enim, in qua materiae genus inesse Plutarchus putat, appellat daemonem; satis clare indicat, ex sua quidem sententia Pythagoram materiam animatam credidisse: πυθαγόρας (Φησι) - - - τὴν ἀόριστον δυάδα δαίμονα καὶ κακόν, περὶ ἣν ἐστὶ τὸ ὑλικὸν πλῆθος. Pythagoras indefinitam dualitatem vocat daemonem & malam naturam: a qua proficiscitur multitudo corporearum rerum (n). Haec quamvis prima specie mira & prorsus dubia cuiquam videri possint; a Pythagorae tamen ratione adeo vehementer ea abhorrere non putem. Pythagoras enim, cum hominum animas tribueret in duas, aut in tres omnino partes, in quarum altera ratio & prudentia insit: altera vero visis opinionibusque agitata, perturbationum animi causa existat: cumque nobiliori isti animae parti hoc ipsum mandet muneris, ut prauos inferioris partis impetus ratione coerceat & gubernet, quae quidem cuncta clarius postea apparebunt; neque prauos istos motus & τὸ φανταστικὸν καὶ δοξαστικὸν aliunde certe, quam a materiae crassioris partibus, quarum particeps est anima, potuit deriuare: neque vero in crassiori materia horum vitiorum cau-

(m) de N. D. L. I. c. 12.

(n) l. c. cap. 7. 266.

causam inesse decreuisset, nisi ex eius quidem sententia crassior materia, quamquam perturbato brutoque, motu tamen incitata, sensu quodam & opinatione gauderet. Suffragatur certe Plutarcho PSEUDO-ORIGENES: δύο, inquit, δαίμονας εἶναι, τὸν μὲν ἁράνιον, τὸν δὲ χθόνιον. καὶ τὸν μὲν χθόνιον ἀνιέναι τὴν γένεσιν ἐκ τῆς γῆς, εἶναι δὲ ὕδωρ· τὸν δὲ ἁράνιον πῦρ μετέχον τῷ αἰέρος, θερμὸν καὶ ψυχρὸν. *Duos esse daemones, coelestem alterum, & item alterum terrestrem: ex his terrestrem e terra subicisse originem, esse vero aquam: coelestem autem esse ignem aëris participem, calidum & frigidum* (o) Daemonem istum terrestrem nil nisi vim brutam esse, quae in crassiori materia continetur, in promptu est: neque enim ex diuina natura quidquam admistum habet, sed ad vnam crassiorem materiam suam refert originem. Id quod ex eo etiam intelligitur, quod Pythagoram a ZARATA Chaldaeo istam rationem accepisse Pseudo-Origenes eodem loco dicit, quos duplicis eiusmodi daemonis contrarii patronos fuisse constat. Neque tamen putemus necesse est, Pythagoram omnino istas sententias Chaldaeis debere: hoc enim falsa ista opinione nititur, quasi Pythagoras totum orientem peragrasset. Atque ut eum statuamus Chaldaeos adiisse, hoc quidem placitum non cogit, ut quod in vniuersa Pythagorae disciplina, quae ab Aegyptiis, non vero a Chaldaeis,

ma-

(o) c. 2. p. 41.

H

manavit, luculenter fundatum est. Quo loco Pythagorae vestigia Plato persecutus esse mihi videtur: quem non modo materiam ante etiam, quam mens ad eam accederet fingendam, perturbato motu ferri censuisse constat: sed & eandem illam materiam animatam esse, sentiendi-que vim & *Φαντασινὸν ἢ δοξασινὸν τι* in ea contineri ex Platonis sententia, quidquid iam eruditus vir, IOH. CHRIST. WOLFIUS contra dicat (p), firmis probatum dari posse arbitrator argumentis (q). Ut igitur Plato eam ipsam Pythagorae rationem de diuersis animae partibus & de perturbationum origine atque causis fideliter seruasse videtur; sic & hanc de materiae motu sententiam, ac de ea, quae in materia crassiori insit, sentiendi opinandique vi, ex schola Italica eum reportasse, non sine causa putemus. Aparent tamen, Platonis aequae ac Pythagorae rationem multum a duplici orientalium deo differre: est enim terrestris iste daemon non natura quaedam ratione & intelligentia praedita, ut proprie deus possit appellari: sed vis quaedam bruta, quae agitatur & motu fert perturbato crassiorem materiam.

§. VI.

(p) de Manich, ante Man. p. 133. seqq. conf. CVDWORTH. p. 235. seqq.

(q) conf. MOSHEM. ad CVDWORTH. p. 233. not. 16. p. 239. not. 25. p. 241. not. 28.

§. VI.

Est itaque Pythagorae Deus purissima velocissimaque materiae pars, igneae naturae, rationis & intelligentiae compos, quae per reliquam crassio rem materiam penetrando sese, fractis huius perturbatis conatibus, ordinet, digerat & consilio ac prudentia administret rerum vniuersam naturam. Quocirca eundem istum diuinum ignem animam mundi vocari supra ex DIOGENE & SEXTO EMPYRICO didicimus (§. III.) Audiamus iam & reliquos auctores. CICERO de Pythagorae Deo: *Pythagoras, inquit, qui censuit, animum esse per naturam rerum omnem intentum & commeantem, ex quo nostri animi carperentur, non vidit, distractione humanorum animorum discerpi & lacerari Deum* (r). Hinc vniuersus mundus, diuinitate perfusus, diuinaeque naturae particeps, ἐμψυχός, animatus est, καὶ νοερός, & intellectu praeditus (s). LACTANTIUS, Ciceronem, ut videtur, secutus; *Pythagoras ita definiuit, quid esset Deus: animus, qui per vniuersas mundi partes omnemque naturam commeans atque diffusus: ex quo omnia, quae nascuntur, animalia vitam capiunt* (t), Cum quibus plane consentit, quod est de Pythagoreorum Deo apud CLEMENTEM ALEXANDRINUM aliosque: οἱ (πυθαγόρειοι)

H. 2

Φασι,

(r) de N. D. L. I. c. XI.

(s) DIOG. LAERT. L. VIII. c. 23.

(t) de falsa relig. L. I. §. 5.

Φασιν, ὁ μὲν θεὸς εἷς· ἡ δὲ ὕψος δὲ ἄχ' ὥς τὰς
ὑπονοῶσιν, ἐκτὸς τῆς διακοσμήσεως, ἀλλ' ἐν
αὐτῇ ὅλος, ἐν ὅλῳ τῷ κύκλῳ ἐπίσκοπος πάσας
γενέσεις, κρίσις τῶν ὅλων, αἰὶ ὢν, καὶ ἐργάτας
τῶν αὐτῇ δυνάμεων καὶ ἔργων ἀπάντων, ἐν ἑαυτῷ
Φωστὴρ καὶ πάντων πατὴρ, νῦς καὶ ψυχωσις τῷ
ὅλῳ κύκλῳ, πάντων κίνασις. *Pythagorei dicunt,*
Deum quidem unum esse, non ita tamen, ut qui-
dam opinantur, quasi sit extra mundi administra-
tionem, sed est totus in ipsa, in toto circulo, spe-
culator totius generationis, uniuersorum contem-
peratio, qui semper est & suas facultates deducit
ad opus, omniaque opera efficit. Illustrator in
coelo, pater omnium, mens & animatio totius
Circuli, omnium motus (u). Quae verba, quam-
vis PETR. BAYLIVS ad honorem Pythagorae
conuertat, neque quidquam putet de Deo dici
posse, quod sit magis egregium (w); omnis
tamen ista facile euanescet praeclara opinio, si
quidem non tam splendida verba, quam ipsam
Pythagorae mentem spectemus. Nihil enim in
his inest Clementis verbis, nisi, quod antea
iam vidimus, Deum esse partem vniuersi, eun-
demque fundi & intendi per vniuersam rerum
naturam ita, ut in eo omnis vita motusque pro-
xime versetur. Idem hoc Pythagoreum frag-
mentum Anaxagorae rationibus tam aperte op-
positum est, ut ab eruditissimis viris id obser-

va-

(u) CLEMENS ALEX. apud BAYL. voc. PY-
THAG. not. O.

(w) BAYL. l. c.

vatum non esse sane mirer. Etenim, quinam tandem sunt illi, qui putant Deum esse ἐκτὸς τῆς διακοσμήσεως? In neminem certe cadunt haec verba, nisi in Anaxagoram, qui Deum, remotum a vinculis materiae, vacantemque omni corpore extra vniuersum materiae complexum, siue extra chaos versatum esse, atque postea demum, iudicio & voluntate vsū, accessisse ad describendam materiam, statuit. Hinc intelligitur, cum, fragmentum istud non ab ipso Pythagora, sed a quodam discipulorum suorum, mentem tamen magistri praeclare exponente, profectum esse; tum vero, recte & vere Deum ex mente Pythagorae dici intextum implicatumque esse vniuersitati rerum tamquam nobilissimam partem: quod sane malignitatem Pythagorae theologiae satis coarguit. Atque ipsa etiam Dei Pythagorici natura, qualis sit, in iisdem verbis haud obscure declaratur, subtilissimus nimirum ignis siue aether, vnde coelestia corpora nata genitaque sunt: id enim est, quod Deus vocatur ἐν ἁρμονίᾳ φωνῆς. Peiora in voce κύκλος, postea videbimus. Quo quidem loco Pythagoras, quanta cautione sit opus, illustre documentum esse potest, ne bonis temere verbis credamus eorum, qui e re sua iudicant esse, studiose tegi animi sui sensus. Nihil solemnius enim isti hominum generi consuevit esse, nisi vt bene loquendo male sentiant: quae quidem artes tantum nonnunquam proficiunt, vt prudentes etiam viri, verborum magnificentia de-

cepti, longe alias de istis animo concipiant opinionones, quam res ipsa patitur. Adeo enim Pothagorei illa verborum specie ceperunt non veteris modo ecclesiae Patres, sed ipsos iam recentioris memoriae quosdam eruditos viros, ut Pythagoreorum theologicam rationem comparari non solum & contendere cum sacrarum literarum oraculis posse, sed & totam ex his desumptam esse & translatam arbitrarentur. Quod quam alienum sit veritatis, & ea comprobant, quae adhuc disputauimus, & inde magis etiam confirmatur, quod Pythagoras Deum, quamuis ratione & prudentia gubernet cuncta, ita tamen illigauit rerum naturae & cum ea copulauit, ut necessitatis fatalibus legibus subiectus, non iudicio & libertate, sed ita mundum administret, prout ista iubent & ferunt fata. Nec igitur secundum Pythagoram aliter Deus ratione & prudentia utatur, nisi ut ferat & faciat, quod per fati leges nec mutari nec aliter fieri potest. Atque ipsa quidem Clementis Alexandrini verba haud leuam nobis huius rei suspicionem afferre possint, quae non modo Anaxagorae rationi a Pythagoreis opposita fuisse iam monuimus; sed quibus etiam, Deum, ex Pythagorae sententia illigatum mundo & inclusum, ita administrare machinam, ut omnis naturae CIRCVLVS, id est, totius vniuersi continuatio & cohaerentia secum fert, aperte indicatur. Quae vero reliqui auctores hoc loco de Pythagorae tradunt disciplina, expeditiorem etiam aditum ad cognoscendos occultos pestiferos-

ferosque illius de fato sensus videantur recludere. DIOGENES LAERTIVS certe disertis verbis de Pythagoreorum ratione: *ἔιμαρμένον τε τῶν ἔλων εἶναι, καὶ τὰ κατὰ μέρος, αἰτίαν τῆς διοικήσεως*. *Fatum quoque vniuersorum & eorum, quae sunt per partes, administrationis causam esse* (x). Quod si hoc loco vulgarem sequamur codicum lectionem, nihil magis potest esse perspicuum, quam non vniuersum modo mundum, sed singulas etiam eius partes Pythagoram fato subiecisse. Vult tamen CASAVBONVS omitti articulum τὰ, vt haec fere vis verborum sit, *fatum ex parte tantum causam administrationis mundi esse* (y). Sed vt haec ita sint, nihil tamen faciunt ad purgandum Pythagoram. Omnino enim fatum istud ex parte tantum causa eorum dici potest, quae in mundo accidunt, quamuis secundum illud reapse omnia contingant: accedit enim altera causa, mens nimirum & ratio, quae his ipsius fati legibus conuenienter ornatum mundi instituit perficitque. Idem vero DIOGENES de anima: τὴν ψυχὴν, inquit, κύκλον ἀνάγκης ἀμείβεσθαι, ἄλλοτε ἄλλοις ἐνδεΐσθαι ζώοις. *Animam CIRCVLVM NECESSITATIS immutantem aliis alias illigari animantibus*. (z). Habemus igitur hoc loco vniuersam Pythagorae rationem, qua is putarit naturae produci ac perfici euenta. Necessariae aeternaeque causarum continuationi, quarum aliae ex aliis nexae

H 4

aptae-

(x) L. VIII. f. 27.

(y) CASAVBON. ad DIOG. l. c.

(z) l. c. f. 14.

aptaeque, circulum quendam necessitatis constituent, illigata sunt omnia: neque aliter fieri possunt, nisi ut istae permittunt & postulant necessitatis fatales leges. Atque ex his quidem Diogenis verbis ipse interpreteris, quaeso, lector, istum naturae vniuersae circulum, cui Deum ex Pythagorae sententia ipsum implicatum esse supra Clementis Alexandrini auctoritas nos docuit. Suffragatur deinde huic rei PLVTARCHVS: πυθαγόρας ἀνάγκην ἔφη περιεῖναι τὸν κόσμον: *Pythagoras inquit necessitate praeiungi mundum* (a). Nec inique acturos nos putamus esse, cum qualis ista fuerit Pythagorae necessitas ex Parmenidis & Democriti discere audeamus ratione, quorum hunc quidem multis locis Pythagoram esse secutum, supra obseruauimus: illum vero in his, quae secundum sensus philosophabatur, Pythagorae auctoritatem pene integram retinuisse, infra declarabitur. De his igitur ita PLVTARCHVS: παρμενίδης καὶ δημόκριτος πάντα κατὰ ἀνάγκην τὴν αὐτὴν δὲ εἶναι καὶ εἰμαρμένην, καὶ δίκην, καὶ πρόνοιαν, καὶ κοσμοποιόν. *Parmenides & Democritus (volunt) omnia contingere secundum necessitatem: eandemque esse etiam fatum, & legem constitutam, & providentiam, & effectricem mundi* (b). In necessitate autem eiusmodi aeternas, inuidas ineuitabilesque rerum causas & vires intelligere, quae nec ipsi iam diuinae potentiae pareant aut subiectae sint, non Parmenidi modo aut Democrito, sed cunctis fere pri-

(a) de Pl. Ph. L. I. c. 25. p. 269.

(b) PLVTARCH. l. c.

priscis philosophis tam fuit solemne, ut ipse Plato, qui cacteroquin plurimum libertatis Deo in producendo mundo reliquit, illi tamen necessitati non nihil daret loci, cui vincendae & immutandae ne ipse quidem Deus par sit. Ita enim est apud PLVTARCHVM: πλάτων τὰ μὲν εἰς πρόνοιαν ἄγει, τὰ δὲ εἰς ἀνάγκην. *Plato quaedam ad prouidentiam refert, quaedam ad necessitatem* (c) & paullo post: οἱ σωικοὶ πλάτωνι ἐμφέρῳς, ἢ τὴν μὲν ἀνάγκην ἀνίκητόν φασιν αἰτίαν ἢ βιασικὴν. *Stoici eodem fere modo, ut Plato, necessitatem vocant inexpugnabilem violentamque rerum causam* (d). Ipsius Platonis, quae passim in operibus eius occurrunt, testimonia proferre, in re minime dubia supersedeo. Huius autem necessitatis fontem & sedem in materia Plato quaerens, ita malignam prauamque eam ponit, ut a diuina bonitate non omnino vinci corrigique queat: vnde malorum omnium origo, quae itaque secundum necessitatem accidant (e). Sed ut quisque philosophorum arctissime intimeque Deum cum natura & mundo tamquam partem copulauit, ita eundem maxime naturae perpetuitati inexpugnabilique continuationi causarum statuit implicitum esse: ut fata iam ipsi Deo dominantur, nec is aliter possit, etiamsi velit, quam aeternae ferunt necessitatis leges. Stoi-

H 5

co-

(c) l. c.

(d) l. c. cap. 27.

(e) conf. BRVCK, . c. L. II. c. 6. §. 19. p. 648.

corum hanc impietatem esse, prae caeteris clarissime IAC. THOMASIVS demonstravit (f). Quamquam autem Stoici necessitatem atque fatum nomine discernabant; re tamen ipsa utri-
que eos eandem tribuisse vim, vel ex PLV-
TARCHO perspicuum est: οἱ στωικοὶ - - -
τὴν μὲν ἀνάγκην ἀνίκητόν φασιν αἰτίαν καὶ
βιασικὴν, τὴν δὲ εἰμαρμένην συμπλοκὴν αἰτιῶν
τεταγμένην. Stoici necessitatem dicunt esse cau-
sam inexpugnabilem violentamque: fatum au-
tem connexionem constitutam causarum (g).
Has deinde ipsas causas, quarum continuatio
fatum efficit, ἀνικητὰς esse & βιασικὰς, ut in-
de necessitas exoriatur inexpugnabilis, idem
PLVTARCHVS paullo post aperte confirmat:
οἱ στωικοὶ, inquit, εἰρημὸν αἰτιῶν, ταῖς τε
τάξιν καὶ ἐπισυνδεσιν ἀπαράβατον. Stoici (na-
turam fati esse dicunt) progressionem causarum,
hoc est, ordinem & compositionem earum, QVAE
MIGRARI NEQVIT (h), Heraclitus certe
idem sibi esse fatum & necessitatem palam pro-
fessus est: Ἡράκλειτος πάντα κατ' εἰμαρμέ-
νην, τὴν δὲ αὐτὴν ὑπάρχειν καὶ ἀνάγκην. He-
raclitus (putat) omnia fato accidere, illudque
ipsum etiam esse necessitatem (i). Fallunt Stoi-
ci, quando nuncunquam fatum istud a Deo
esse, immo ipsum illud diuina ratione contine-
ri

(f) de Exult. mund. Stoic. Dissert. XIII. p. 166. seqq.

(g) l. c. cap. 27.

(h) l. c. cap. 28.

(i) Plutarch. l. c. cap. 27.

ri, affirmant (k): quod quidem & ipsum Heracliteum est. Is enim apud PLUTARCHVM fati naturam appellat, λόγον, τὸν διὰ τῆς ὀσίας τῆ πάντος διήκοντα, *rationem, quae per vniuersi naturam transit* (l). Neque enim aliam ob causam ita Stoici videntur locuti esse, nisi quod istam ineuitabilem causarum euentuumque continuationem aeternam & ad opus vi sua deducat Deus, & perfectissime intelligat, istique necessitatis torrenti lubens ita obsequatur, ne opinionibus perturbationibusque indulgens, contra flumen nitendo, aliud quid conetur efficere, quam quod fatum & postulat & patitur. Quocirca Stoicorum quidem Deus nonnisi minister est fatorum, ita gubernans vniuersam rerum naturam, eoque tendens, quo fata ferunt. Etenim cum in nostro mundo Stoici alias res semper ex aliis nexas pendentesque viderent; in eum inciderunt grauissimum errorem, vt hunc ipsum, qui nunc est, rerum concentum necessitate putarent contineri: neque fieri quidem posse, vt alius quidam causarum ordo seriesque instituatur: quod quidem τὸ ψεῦδος πρῶτον impietatis Stoicae est. Sed de Stoicis alii, iique complures, copiosius. Iam vero illud summa gaudet probabilitate, ab ipso Pythagora ex intimisque Pythagoreorum decretis Heraclitum atque Stoicos istam accepisse fati & necessitatis

ra-

(k) conf. IAC. THOMASIVS l. c. §. 17, seqq.

(l) l. c. cap. 28.

rationem. Etenim praeterea, quod vniuersae rerum naturae necessitatem praeficere Pythagoram ante iam vidimus; Deum idem aequae arctō intimoque vinculo naturae totius circulo illigat ac Stoici, atque fatum, quod itidem supra audiuius, apud Diogenem plane Stoicorum more vocat αἰτίαν τῆς διοικήσεως, *causam administrationis mundi*. Neque, cum Pythagoras, THEOPHILO ANTIOCHENO teste, Deum dixit φύσιν ἢ αὐτοματισμὸν τῶν πάντων, *naturam atque propriam causam motionis* (m), aliud quid iste putandus est indicasse, nisi quod & Stoici postea dicebant, Deum esse naturam, atque cuncta nomina illi aptari posse, quae vim aliquam atque effectum coelestem contineant (n). Videamus iam, quid aurea, ut vocantur, Pythagorae carmina doceant de fati natura. Haec vero ad hunc referuauimus locum, quia totius in iis disputationis nostrae summa elegantissime explicatur. Hoc igitur modo istorum carminum auctor:

Ὅσσα τε δαμονίησι τύχαις βροτοὶ ἀλγέ
^{ἔχουσιν}
 ὧν ἂν μοῖραν ἔχης, πρῶτως φέρε μὴδ' ἀγα-
^{γάκται}
 ἱᾶσθαι δὲ πρέπει, καθόσον δύνῃ· ὧδε δὲ
^{φράζεν}
 ἢ πάνυ τοῖς ἀγαθοῖς τάτων πολὺ μοῖρα
^{δίδωσι.}

Quas-
 (m) ad AVTOLYC. L. III, c. 5: conf. BRVCK,
 l. c. p. 1075.

(n) SENECA, de Ben. L. IV. c. 7.

*Quasque diuina sorte homines calamitates
habent.*

*earum, quantumcumque tibi fato datum est,
leniter fer, nec indignare.*

*Mederi tamen illis decet, quantum potes. sic
vero cogita:*

*non admodum multum bonis viris Parca de
illis tribuit (o).*

In his verbis quis non videt humanas res fato subiici? a diuina autem sorte proficisci fatum dicunt carmina, quia Deus, minister factorum, ita gubernat mundum resque humanas, ut illa iubent. Atque, quamuis calamitatibus fato datis mederi sapientis sit, QUANTUM POSSIT, praecipua tamen viaque medicina est, ita probare naturae ordinem, ut moderate feras, lubensque nec inuitus sequaris, quae aeternis immutabilibusque constituta sunt necessitatis legibus. Hincvero & illud intelligitur, quo sensu fortasse ANONYMVS apud PHOTIVM nonnullas animo humano relinquat libertatis partes (p): multa enim velle potest hominis animus, multa niti; sed nihil agit homo, cum contra fata nititur, nisi ut infelix nequidquam crucietur perturbationibus mentis: quod quidem ipsum secundum Pythagorae sententiam miseriae humanae fons atque origo est, cum visis decepti occoccatique cupiditatibus homines, naturae ordinem nec vident

(o) v. 17. seqq. p. 4. Edit. SCHIERII.

(p) apud BRVCK. l. c. §. 24. p. 1084.

dent, nec probant. Sed de hac re postea copiosius, cum ad summum bonum Pythagorae peruentum erit. Fortunam autem, ex qua nonnullos euentus rerum, quae infra lunam sunt, pendere & proficisci idem Anonymus confirmat, recte fortasse totam ad Stoicorum placita referemus. Inania enim verba sunt, quidquid Stoici de fortuna disputarunt, in qua intellexerunt aliud nihil, praeterquam seriem causarum, quae hominibus incognitae sint (q). Quocirca CICERO etiam Stoicis recte obiicit, nihil posse esse fortunam ex ipsorum sententia, qui omnia fato contineri putent (r).

§. VII.

Ab vniuersa diuina natura, seu a diuino isto igne, totius mundi compagem penetrante animanteque diuersas fluxisse deorum daemonumque classes, Pythagoras, stolidi polytheismi opiniones vt reliqui gentium sapientes, ductus, arbitratus est. Quod quale sit secundum Pythagorae rationem, ex iis facile existimari licet, quae adhuc dicta sunt. Est enim subtilissimum istud purissimumque naturae corpus, diuinus nempe calor, in omni rerum natura fusum, omnibus rebus largiens vitam. Neque tamen vbique in singulares separatasque naturas tributus est iste calor; sed in nonnullis corporibus, vt in plantis, indiuiduus quasi & conti-

(q) PLUTARCH. l. c. cap. 29.

(r) CIC. de Diuin. L. II. c. 7. seq.

tinuus inest: quo quidem sensu distinxisse Pythagoras vitam ab anima videtur, quod testatur DIOGENES LAERTIVS: Ζῆν μὲν πάντα, ὅσα μετέχει τῆ θερμῆς. διὸ καὶ τὰ φυτὰ ζῶα εἶναι. ψυχὴν μὲν τοι μὴ ἔχειν πάντα - - - διαφέρειν τε ψυχὴν ζωῆς. *viuere item omnia, quae caloris participant, atque ideo & plantas esse animantes: animam tamen non habere omnia - - - differre autem a vita animam* (s). Tum vero demum deorum diuersi ordines prodierunt, cum ex vniuersa diuina natura partes quasi quaedam deceptae delibataeque sunt, quae per se & sua natura existentes certis praesunt negotiis. Vt autem in vnoquoque siue deo siue daemone calor seu aether maxime superat, eo nobilior est; cum contra, quo quisque plus crassioris materiae admistum habet, hoc est deterioris conditionis. Quocirca & sol reliquaque astra, quod a terra longissime absunt, calorque in iis vel maxime dominatur, dii sunt; inferiores vero diuinae naturae, terrae propiores, daemones modo & heroes nuncupantur. Hinc coelestes regiones solae immortalitatis sedes sunt: terrae autem quaeque proxima, propter abundantiam impurioris materiae caduca sunt & mortalia: quam quidem totam rationem pulcerrime declarat DIOGENES: τὸν τε περὶ τὴν γῆν ἀέρα, inquiens, ἀτρεσον καὶ νοσπερὸν, καὶ τὰ ἐν αὐτῷ πάντα, θνητά. τὸν δὲ ἀνωτάτω, ἀεικίνητον

(s) L. VIII. c. 28.

τόν τε εἶναι, καὶ καθαρὸν, καὶ ὑγιᾶ καὶ πάντα τὰ ἐν αὐτῷ ἀθάνατα, καὶ διὰ τῆτο θεῖα. ἡλιὸν τε καὶ σελήνην καὶ τὰς ἄλλας ἀστέρας εἶναι θεὸς, ἐπικρατεῖ γὰρ τὸ θεῖον ἐν αὐτοῖς, ἐπερὲς ζῶης αἰτίον. Eum, qui terram complectitur aëra, immotum ac morbidum, & quae in illo sunt, omnia esse mortalia: summum vero semper moveri, & esse liquidissimum ac saluberrimum, & quae in eo sunt, immortalia omnia, atque idcirco diuina. Solem item & lunam & reliqua sidera deos esse; quippe in illis superare calorem, qui sit vitae auctor (t). Hinc & terram, hominum domicilium, locum CICERO vocat, diuinæ naturæ aeternitatisque contrarium (u): & in aureis carminibus daemones, infima diuorum classis, κατὰχθονίων nomen gerunt. Infimae nimirum hi daemones fortis, dii tamen quodammodo sunt, qui diuinæ naturæ participes in eo tantum superioribus diis cedunt, quod materiae crassioris contagione infecti perturbationibusque obnoxii ea non fruuntur tranquillitate, qua superiores dii. Hanc differentiam daemonum atque deorum vel praecipuam ponebant iuniores Platonici (w); neque eam sententiam ab ipsius Pythagoræ mente alienam esse inde suspicor, quod

(t) l. c. f. 26.

(u) de sen. c. 21. conf. ANON. PHOTII apud BRVCK. l. c. § 24. num. 13, 14. p. 1084.

(w) conf. GOTTFR. OLEARIVS in dissert. de gen. Socr., apud STANLEY. p. 134.

quod ad hanc inferiorum diuorum classem, heroas scilicet & daemones, omnes expiationes Pythagoram, totumque placaminum genus retulisse DIOGENES auctor est: εἰς δὲ τέρας (δαίμονας καὶ ἥρωας) γίνεσθαι τὰς καθαρμύς, καὶ ἀποτροπιασμύς, ad hos (daemones & heroes) referri lustrationes & expiationes (x). Aperte enim his verbis illud videtur significari, quod Stoici postea, aliique philosophorum adsciuerant, supremum deum neque irasci, neque placamina desiderare. Quare expiationum genera Pythagoras iis solum diuorum classibus conuenire putauit, qui & irae & reliquis cupiditatibus indulgentes, placatione egeant, ne inferant damnum: vix enim, qui veram sacrificiorum expiationumque rationem atque causam ignorant, aliter sentire possunt. Atqui ipsam crassiores materiam fontem & causam perturbationum aegritudinumque animi esse, postea patet, cum ad animae humanae naturam explicandam disputatio erit perducta; quare & daemonum deteriorein conditionem materiae crassiori Pythagoras assignasse intelligitur. Quod ad ordinem diuorum attinet, alia ratione Diogenes eum constituit (y); alia, aurea carmina: ille enim daemones praeponit heroibus; haec autem heroibus superiorem assignant locum. Hoc vero discrimen inde esse ortum mihi vide-

(x) l. c. f. 32.

(y) l. c. f. 23.

detur, quod prisca Pythagorei, parum interesse inter heroas atque daemones putantes, promiscue eos nec villo accurato seruato ordine, posuerint. Id enim ex eo intelligi posse arbitror, quod Diogenes alio loco cultum diuorum ex Pythagorae sententia exponens, daemones plane omitit, duabus tantum classibus commemoratis, superiorum scilicet deorum atque heroum (2). Quin & plane eiusdem naturae heroes & daemones esse, inde maxime perspicuum est, quod utrosque idem Diogenes vno complectens nomine, ψυχὰς, *animas*, eos vocat (a). Plutarchum vero si audiamus; in hoc differunt daemones atque heroes, quod illi quidem vniuersum quoddam genus naturarum intelligentium constituent: hi vero pars quasi quaedam, generi subiecta, animae nimirum humanae sint a corporibus separatae: θαλῆς, πυθαγόρας, πλάτων, οἱ σωικοί, δαίμονας ὑπάρχειν ὑσίας ψυχικὰς. εἶναι δὲ καὶ ἥρωας, τὰς κεχωρισμένας ψυχὰς τῶν σωμάτων, καὶ ἀγαθὰς μὲν τὰς ἀγαθὰς κακὰς δὲ τὰς φάυλας. *Thales, Pythagoras, Plato, Stoici* (putant) *daemones esse naturas animae similes: esse autem & heroes, separatas scilicet a corporibus animas, & bonos quidem heroes fieri bonas animas, malos vero improbas* (b). Daemones igitur & bonos heroes hinc coniicimus aequali honore apud Pythagoram valuisse. Cuncta haec si colligamus, sequitur

(2) l. c. f. 33.

(a) l. c. f. 32.

(b) de Pl. phil. L. I. c. 4.

tur illud, cum Pythagoram Homero Hesiodoque iratum fuisse Diogenes Laertius commemorat, ut quos propter suas de diis fisiones poetas dantes apud inferos se vidisse dixerit, (c); non ad ipsam deorum multitudinem pertinere hanc reprehensionem: sed ad turpes tantum offensionisque plenas poetarum fabulas. Etenim de deorum infinito numero eadem stultitia laborasse Pythagoram, qua Homerus Hesiodoque, aparet.

§. VIII.

Expositis igitur, quae de uniuersa rerum natura & generatione videtur sensisse Pythagoras, tentemus iam exquirere, quam idem in numeris vim inesse voluerit: horum enim signis ad explicandam, seu, quod verius dici possit, obscurandam rationem suam Pythagoram esse usum, in vulgus notum est. Tantis autem numerorum ratione suam mentem, siue imprudens, siue de industria inuoluit tenebris, ut eruditissimus quisque omnis propemodum aetatis historiae philosophicae interpret explanationem Pythagoricae disciplinae fere desperaret. Accedit quorundam interpretum ineptum genus, qui summa, nescio quae, mysteria in Pythagorae numeris quaerendo, ea penitus incerta reddiderunt, quae fortasse per se quodammodo plana fuissent atque facilia. Sed quo, in tantis tenebris

I 2

cir-

(c) l. c. f. 21.

circumspecte progrediendo, ad interiorē theologiae Pythagoricae rationem, quam fieri potest, proxime coniectura accedamus; id primum teneamus, non tam amentem fuisse Pythagoram, qui ipsos numeros per se esse rerum principia atque causas voluerit. Inter vetustiores enim pariter atque iuniores interpretes plaue convenit, numeris Pythagoram nonnisi signis usum esse ac symbolis earum rerum, quae per se in oculos non incurrunt, ideoque animo tantum possunt comprehendi & intelligi (d). Deinde vero rerum aeternas formas, quas Plato ideas appellavit, Pythagoras in numeris suis intellexisse mihi quidem non videtur. In hanc tamen numerorum Pythagoreorum explicationem cum post iuniores Platonicos nonnulli, recentioris etiam memoriae longe eruditissimi viri incidissent (e); maiori eandem celeber. BRUCKERVS, quam ante eum quisquam, ingenii & eruditionis apparatu exornare conatus est (f). Singula equidem praestantissimi viri, ex quibus id, quod vult, effici putat, argumenta excutere, meum esse in praesentia non arbitror, qui non tam confutare aliorum sententias, quam meas qualescunque coniecturas confirmare apud animum propositum habeam: vel duobus tamen

ver-

(d) Conf. STANLEY. P. VIII. p. 720.

(e) Vid. IOH. CHRIST. WOLF, not. ad. orig. philos. p. 31.

(f) Amoenit. lit. T. VII. p. 173. seq. conf. Hist. phil. crit I c. §. 18. p. 1046. seqq.

verbis causas exponere dissensus mei, non alienum erit. Ac primo quidem loco, quaecunque eruditissimus vir in medium affert, ut numerorum Pythagoreorum cum ideis Platonice conuenientiam probatam daret, ea iuniorum Platonico-
rum auctoritate magnam partem nituntur: me vero huic hominum generi fidem uti tribuam, ab animo meo impetrare non posse, quos in explicandis vetustorum philosophorum, Pythagorae inprimis, decretis pessime summaque malitia versatos esse, ipse per integros propemodum duos priores historiae philosophicae tomos demonstrare tanto conatu satagit: in eo ignoscet venerand. Vir haesitationi meae. Nec, si quidem scholae Alexandrinae suspectas demas explicationes, tam euictum plauumque est, ut ce-
leber. sibi vir persuadet, *eidem fundamento inaedificasse & Pythagoram numeros, & Platonem ideas, nempe emanationi rerum siue entium spiritualium, eorumque variorum ordinum ex summo Deo, eodemque modo definiuisse & distinxisse &c.* (g). Etenim ea, quam Pythagorae physiologiae ex auctorum fide dignorum testimoniis ipse dedit, delineatio, entibus eiusmodi spiritualibus, quae Plato postea introduxit, nihil in Pythagorae disciplina loci relictum esse, abunde docet. Quod quidem ipsum secundo loco obseruari velim, totum scilicet istud idearum genus, cum sine mente illa incorporali simplici, quam Anaxagoras Graecorum primus tradidit, sibi non

I 3.

con-

(g) Hist. phil. crit. l. c,

constet, in Pythagorae rationem plane non convenire. Sunt enim ideae effluxiones quaedam ex pura mente, itidem incorporeales ab omni-que materia procul remotae. Pythagoras igitur qui posset, quaeso, idearum spinosas quaestiones instituisse, cum tamen eiusmodi mentem in sua disciplina plane ignoraret. Hinc & Timaeum Locrum videmus, a quo Platonem ideas suas accepisse aparet, hac in parte Anaxagorae secutum esse auctoritatem, &, quo idearum sibi constaret ratio, eandem probasse mentis effusionem, quam Anaxagoras docuerat. Quam tamen ipsa in re Timaeum a reliquorum Pythagoreorum sententia longissime discessisse, supra iam observatum est. Sensit hanc difficultatem ipse eruditus vir, qui propterea has Pythagorae ideas, siue numeros, non plane a corporearum siue sensibilibus rerum genere remoueri, neque eas ad Platoniorum dicta omnino exigere vult (h). Verum hoc ipso totum idearum genus ex Pythagorae disciplina tollitur, neque numeri Pythagorici ideae putari possunt, nisi huic idearum voci plane alienam omnibusque praeis scriptoribus ignoratam vim subiicere velis. Quod iam eruditissimus BRÜCKERVS arbitratur, *ad liberandum ex corporis vinculis animum numeros Pythagoram obiectum constituisse, ut Platonem ideas, finemque cognitionis numerorum & idearum utrumque eundem posuisse, Deo nimirum fieri similem, immo ipsum fieri deum; id quidem* ad

(h) l. c. p. 1079.

ad probandam numerorum & idearum convenientiam quidquam facere non putem. Etenim Stoicis in cognitione ordinis naturae idem fuisse propositum, quod Platoni in cognitione idearum, quis ignorat? Nemo tamen inde concludere vellet, naturae ordinem secundum Stoicos, atque ideas Platonis vnam eandemque rem esse. Ac Pythagorae numeros omnino ad Stoicorum potius rationem referendos esse, quam ad Platonis, mox videbimus. Denique si nobile istuc philosophiae Pythagoricae caput de numerorum ratione singulare quidquam contineret, quod a reliqua disputatione de generatione rerum, ut supra illa est exposita, seperatum esset; cur quaeso a discipulis Pythagorae ita esset illud praetermissum, ut nullum eius in horum sententiis apereat vestigium? Nihil enim in vetustiorum Pythagoreorum placitis inest, quod idearum significet rationem. Quae vero celeberruckerus passim huc transfert, ea quidem longe aliam explicationem & pati & postulare, partim de Ocello Lucano supra iam observauimus, partim de reliquis Pythagoreis deinceps patefiet. Hos autem aperte & perspicue de ideis exponere oportuisset, si quidem eas a Pythagora accepissent: *relicta enim obscura per numeros philosophandi methodo, de rerum naturalium causis ἀπλῶς magis & aperte mentem suam exposuisse*, ipse eximius vir testatur (i).

I 4

§. IX.

(i) l. c. p. 1123. seq.

§. IX.

Vt igitur meas de Pythagorae numeris con-
 jecturas ipse proferam, primum quidem, non
 ad vnam quandam naturae partem, sed ad gene-
 rationem mundi vniuersi numerorum rationes
 Pythagoram transfuisse, tam perspicuum esse
 arbitror, quam quod maxime: nisi vetustiorum
 scriptorum auctoritatem omnium eleuare aut
 omnino tollere in gratiam iuniorum Platonico-
 rum consultum ducamus. Quod vt apareat,
 qui sine partium studio Pythagorae decreta ex-
 posuisse putantur, singuli audiendi sunt. DIOGE-
 NES LAERTIVS igitur ita rem expedit: ἀρχὴν
 μὲν τῶν ἀπάντων μονάδα· ἐκ δὲ τῆς μονάδος,
 ἀόριστον δυάδα, ὡς ἂν ὕλην τῇ μονάδι αἰτίῳ ὄντι
 ὑποσῆναι. ἐκ δὲ τῆς μονάδος καὶ τῆς ἀόριστης δυάδος,
 τὴς ἀριθμὸς· ἐκ δὲ τῶν ἀριθμῶν, τὰ σημεῖα· ἐκ
 δὲ τῶν τεττάρων γραμμαὶς, ἐξ ὧν τὰ ἐπίπεδα σχήμα-
 τα· ἐκ δὲ τῶν ἐπιπέδων τὰ στερεὰ σχήματα· ἐκ
 δὲ τῶν στερεῶν σώματα, ὧν καὶ τὰ στοιχεῖα
 εἰναι τέτταρα, πῦρ, ὕδωρ, γῆν, αἶρα. Princi-
 pium quidem omnium esse unitatem: porro ex
 unitate indefinitam dualitatem, veluti materiam
 auctori unitati subiicisse. Ex monade vero ac in-
 determinata dualitate numeros gigni: ex nume-
 ris puncta: ex punctis lineas, ex quibus planae
 figurae consent. Ex planis autem solidas figu-
 ras: ex quibus item solida consistere corpora,
 quorum & quatuor elementa esse, ignem, aquam,
 ter-

terram, aërem (k). Vides, per haec quae Diogenes commemorat, nullum plane dubium esse posse, quin Pythagoras numeris suis totius mundi omniumque corporum generationem explicare instituerit. Consentit cum Diogene PLUTARCHVS: *πάλη δὲ, ἰρquiens, ἀπὸ ἄλλης ἀρχῆς πυθαγόρας - - - - ἀρχὰς τὰς ἀριθμῶς (ἐνόμιζε) καὶ τὰς συμμετρίας, τὰς ἐν ταῖς, αἷς καὶ ἀρμονίας καλεῖ, τὰ δὲ ἐξ ἀμφοτέρων σύνθετα σοιχεῖα, καλῶμενα δὲ γεωμετρικά. πάλιν δὲ τὴν μονάδα, καὶ τὴν αἰόριστον δυάδα ἐν ταῖς ἀρχαῖς. σπένδει δὲ αὐτῶ των ἀρχῶν, ἡ μὲν ἐπὶ τὸ ποιητικὸν αἴτιον καὶ εἰδικόν, ὅπερ ἐστὶ νῦν ὁ θεὸς, ἡ δὲ ἐπὶ τὸ παθητικόν τε καὶ ὑλικόν, ὅπερ ἐστὶν ὁ ὀρατὸς κόσμος. Ab alio initio (progredditur) Pythagoras - - - - principia enim statuit numeros & eorum convenientiam consensumque, quam etiam harmoniam vocat: quae vero ex utrisque (numeris & harmonia) composita sunt, elementa esse dicit, quae quidem vocentur geometrica. Item postea unitatem & indefinitam dualitatem in principiis Pythagoras refert. Pertinet vero secundum eum principiorum illud quidem (vnitas) ad causas efficientium & intellectualium rerum, qualis est mens, id est, Deus: hoc autem (dualitas) ad materiam quae efficitur, aliquid, qualis est adspectabilis mundus (l). Nemo in his verbis temere aliud quid inesse suspicabitur, nisi generationem vni-*

I 5

ver-

(k) I. c. f. 25.

(l) de Pl. Phil. L. I, c. 3. p. 162.

verſae naturae. Idem PLVTARCHVS alio loco: πυθαγόρας, inquit, τῶν ἀρχῶν τὴν μὲν μονάδα θεὸν καὶ τ' ἀγαθόν, ἥτις ἐστὶν ἡ τῆς ἐνός φύσις, αὐτὸς ὁ νῦν τὴν δὲ ἀρίστην δυάδα, δαίμονα καὶ τὸ κακόν, περὶ ἣν ἐστὶ τὸ ὑλικόν πλῆθος, ἐστὶ καὶ ὁρατὸς ὁ κόσμος. Pythagoras prin-
cipiorum alterum, unitatem ſcilicet, Deum vocat, & quidem bonum, qualis eſt natura unitatis, ipſaque mens: alterum vero, dualitatem, daemoneſtem ſtatuit & malum, per quam exiſtit turba corporearum rerum atque ipſe adſpectabilis mundus (m). Quin & monada dyadaque PLVTARCHVS diſſertis verbis ἀρχαῖς vocat, γενέσεως ὑποκειμένης, initia, unde mundus generetur: (n). Neque AVCTOR PHILOSOPHYMENORVM alio tranſtulit Pythagorae numeros, niſi ad totius naturae foecundam generationem: καὶ Φυσιολογικὴν αὐτὸς (πυθαγόρας) ἐξεύρεν, ἀριθμὸς τινὰς καὶ μέτρα ὑποδείμενος. Et ipſe (Pythagoras) ſupponens numeros quosdam & meſuras, adinuenit naturae foecundam generationem (ita GRONOVIVS verba interpretatur) (o). Haec vero cuncta hoc praepoſuimus conſilio, ne iam ARISTOTELEM putemus invidia erga Platonem induc-
tum, quod nonnulli exiſtimarint, tanto ſtudio atque cura ſeparaffe diſtinxiſſeque a Platonis ideis Pythagorae numeros. Ariſtotele enim nemo clari-
us

(m) l. c. cap. 7. p. 266.

(n) de Iſid. & Oſir. T. I. oper. p. m. 344.

(o) c. 2. p. 30.

rius hos ipsos numeros docuit non ad ideas: sed ad initia generationemque totius naturae pertinere: quod quidem pluribus locis agit Aristoteles, testimoniaque eius quaedam iuuabit commemorasse. De initiis igitur rerum disputans: οἱ πυθαγόρειοι, inquit, ένα τὸν μαθηματικὸν, πλὴν ἢ κεχωρισμένον ὡς ἐκ τούτων τὰς ἀσθητὰς ὑπάρχει συνεισάγει Φασί. *Pythagorici unum ipsum mathematicum* (dicunt esse primum entium) VERVM NON SEPARATVM: SED EX EO SENSIBILES SVBSTANTIAS CONSTARE dicunt (p). Non igitur ad ista intelligibilia, siue rerum ideas, quas Timaeus & Plato commenti sunt, pertinent Pythagorae numeri: sed ad generationem rerum, quae ad spectu percipiuntur, id est, totius mundi. Atque alio loco idearum opinionem cum numeris quidquam commune habere omnino negat Aristoteles (q). Quod quidem aequè clare his verbis indicat: τὰς τέτων (ἀριθμῶν) ἀρχὰς τῶν ὄντων ἀρχὰς ᾗθηταιν εἶναι ΠΑΝΤΩΝ. *Numerorum principia ENTIVM CVNCTORVM principia esse putarunt* (r). Item: τὰ τῶν ἀριθμῶν στοιχεῖα τῶν ὄντων στοιχεῖα πάντων εἶναι ὑπέλαβον. *Numerorum elementa ENTIVM quoque CUNCTORVM elementa esse putarunt* (s). Atque clarius etiam postea: ἐόλ-

κασί

(p) Metaphys. L. XII. c. 6.

(q) l. c. cap. 4.

(r) l. c. L. I. c. 5.

(s) l. c.

κασί δὲ ὡς ἐν ὕλης εἶδει τὰ στοιχεῖα (τῶν ἀριθμῶν) τάττειν· ἐκ τῶτων γὰρ ὡς ἐνυπαρχόντων συνεστάνη καὶ πεπλαῖσθαι φασὶ τὴν ἔστίαν. *videntur autem IN MATERIAE SPECIE ponere elementa (numerorum): ex his enim, tamquam quae insint in rebus constare ac fingi substantiam aiunt* (t). Ex his sequitur illud, quod dudum dixi, nihil noui commentum esse Aristotelem, qui, ut reliqui vetusti scriptores, non ad vnā naturae partem, sed ad generationem mundi vniuersi traduxit Pythagorae numeros. Quae cum ita sint, obseruari tamen deinde velim, eosdem numeros vix ita capi posse, ut Pythagoras illis ipsa rerum elementa corporea, quae quatuor eum posuisse, supra vidimus, seu internam elementorum naturam naturamque indolem declarari voluerit: si quidem veterum testimonia conciliare, nec ingentes quasdam lacunas hiatusque in disciplina Pythagorae relinquere cupiamus. Externam eam, quam elementa habent ad se inuicem in procreando mundo rationem numeris indicari putem, atque quem quodque illorum in aeterno isto rerum ordine ac serie locum obtineat: ut elementa, quatenus aut igneae, aut aëreae, aut aqueae aut terrestres naturae sunt, in censum plane non veniant; sed quatenus in mundi totius coagmentatione ac concentu alia habent effectiōnis, alia effectuum rationem. Totum igitur causarum atque progressionum naturae ge-
nus

(t) l. c.

nus ineſt in Pythagorae numeris, atque, vt paucis dicam, iſta *συμπλοκή τῶν ἀρτιῶν*, ſiue fatum, quod ſupra explicauimus (§. VI.), cuius naturam Pythagoras numeris declaraturus, illud putauit effici, cum in toto complexu concentuque cauſarum ac euentuum eo modo aliae ex aliis aptae nexaeque ſint atque procreantur, quemadmodum aut per additionem aut per multiplicationem numerus ex numero. Quod quidem nuda coniectura putanda non eſt: hoc enim ipſo modo PSEUDO-ORIGENES explicat rerum generationem ex mente Pythagorae, poſtquam indicauit, partes vniuerſi numeri eſſe vnitatem, dualitatem &c. ὡς ἡ ἐπιπλοκή, addens, ἡ μίξις πρὸς γένεσιν αὐξήσεως γίνονται κατὰ φύσιν, τὸν γόνιμὸν ἀριθμὸν ἀποτελεῖσαι. *Eaeque (numeri partes) producendi incrementi cauſa foecundum propagantes numerum, CONGRVO NATVRAE MODO INTER SE CONNECTVNTVR ET PERMIſCENTVR (u).* Quin & additionis atque multiplicationis, quibus naturae generatio numerorum lege perficiatur, expreſſam in eadem iſta diſputatione Pſeudo-Origenes iniicit mentionem. Hanc vero vnā arbitror rationem eſſe conciliandi Ariſtotelis cum reliquis hſtoriae philoſophiae auctoribus: qui cum tantum non omnes Pythagoram memoriae prodiderint in duas partes diſtribuiſſe rerum naturam, alteramque dixiſſe *ignem ſiue calidum*, alteram

vero

(u) c. 2. p. 35.

vero *humidum* siue *frigidum*; vnus Aristoteles ipsam equidem bipartitam istam diuisionem retinens, caeterum cunctis reliquis repugnare visus est, negando, Pythagoram quidquam certi decreuisse, igneae naturae sint duo ista principia, an vero humidae aut frigidae? οἱ πυθαγόρειοι, inquiens, δύο μὲν ταῖς ἀρχαῖς ---- εἰρήκασι τοῦτων δὲ προτεπέθεσαν, ὁ καὶ ἴδιον αὐτῶν ἐστίν, ὅτι τὸ πεπερασμένον, καὶ τὸ ἀπείρον, καὶ τὸ ἐν ἑτέρας τινὰς ὡρίσθησαν εἶναι φύσεις. εἶναι πῦρ, ἢ γῆν ἢ τι τοιοῦτο ἕτερον, ἀλλ' αὐτὸ τὸ ἀπείρον καὶ αὐτὸ τὸ ἐν ἑτίαν εἶναι τέτων, ὡς κατηγορεῖται διὸ καὶ ἀριθμὸν εἶναι τὴν ἑτίαν ἀπάντων. Pythagorei duo quidem dixerunt PRINCIPIA: tantum addiderunt, quod & proprium eorum est, quod finitum & infinitum & unum non putarunt vllas alias esse naturas, ut puta ignem, aut terram, aut aliud simile: sed ipsum infinitum & ipsum unum substantiam horum esse, de quibus praedicantur: propterea & numeros substantiam esse omnium rerum (w). Sed salua res est: nec enim Aristoteles internam elementorum naturam conatur explicare, de numeris Pythagorae disputans: neque ea considerat, quatenus sunt ignis, aut aqua; sed ratio, quam habent ista elementa in aeterno rerum ordine vniuersoque causarum complexu, quoque modo ex iunctis istis connexisque rerum causae atque progressiones efficiantur, ea vero est, quam in Pythagorae numeris Aristoteles contineri putat.

(w) Metaph. L. I. c. 5.

tat. Huius igitur nostrae disputationis ut ratio constet, ipse Aristoteles audiendus est: qui: οἱ πυθαγόρειοι, inquit, διὰ τὸ εἶναι, πολλὰ τῶν ἀριθμῶν πάθη ὑπάρχοντα τοῖς αἰσθητοῖς σώματιν, εἶναι μὲν ἀριθμὸς ἐποίησαν τὰ ὄντα, & χωριστὰ δὲ, ἀλλ' ἐξ ἀριθμῶν τὰ ὄντα. διὰ τί δὲ; ὅτι τὰ πάθη τῶν ἀριθμῶν ἐν ἀρμονίᾳ ὑπάρχει, καὶ ἐν τῷ ἄρᾳ, καὶ ἐν πολλοῖς ἄλλοις.

Pythagorei, eo quod multas numerorum passiones sensibilibus inesse corporibus videbant; numeros quidem esse entia fecerunt (sive clarius: statuerunt, entia ipsa numeris constare) non tamen separatos, verum ex numeris entia. Cur autem? quoniam numerorum passiones in harmonia sunt & in coelo caeterisque multis (x). Perspicimus ex his Aristotelis verbis totam rationem atque causam numerorum Pythagoreorum. Quod enim videbat Pythagoras, pulcerrimum concentum atque harmoniam versari in rerum univ[er]sa natura; ideo & numerorum rationem inesse in naturae elementis putavit: nec ea ipsa elementa ex hac parte, quatenus pulcerrimam causarum gignunt & euentuum seriem, ut ignem aut aquam spectavit, sed prout sese inuicem habent ut numerus ad numerum, cuius quidem more ac lege mundum ex elementis prodiisse arbitratus est. Quapropter Pythagoras substantias quidem esse elementa voluit, ex quibus corpora efficiantur: cum vero ad harmoniam sive ordinem rerum, quod ipsum etiam fatum est, sermo deductus esset, praetermissa elemen-

torum

(x) I. c. L. XIII. c. 3.

torum interna natura, connexionem duntaxat eorum atque vim, qua continetur illud fatum, considerari iussit. Melius enim atque concinnius explicari posse naturae constantiam & connexionem causarum euentuumque putauit Pythagoras, si in numerorum ratione contempleretur elementa, quam cum internam propriamque eorum indolem, quatenus ignis, aut aqua, aut aliud quid sunt, solum intuearis. Quocirca idem Aristoteles de Pythagoreis: ἐν δὲ τοῖς ἀριθμοῖς ἐδόκην θεωρεῖν ὁμοιώματα πολλὰ τοῖς ἔστι καὶ γιγνομένοις μᾶλλον, εἰ ἐν πυρὶ, καὶ γῇ καὶ ὕδατι. *In numeris plures similitudines tum ad existentia, tum ad ea quae fiunt, quam in igne, in terra, & in aqua esse putarunt* (y). Sed hoc ipso loco Aristoteles totam numerorum causam ita expedit, ut quo consilio iis usus sit Pythagoras, prorsus indubium reddatur. ἔτι δὲ, ita pergit, καὶ τῶν ἀρμονικῶν ἐν ἀριθμοῖς ὄραντες, καὶ τὰ πάθη, καὶ τὰς λόγους, ἐπιδὴ τὰ μὲν ἄλλα τοῖς ἀριθμοῖς ἐφάνετο τὴν φύσιν ἀφωμιῶσθαι πᾶσιν, οἱ δὲ ἀριθμοὶ πάσης τῆς φύσεως πρῶτοι, τὰ τῶν ἀριθμῶν στοιχεῖα τῶν ὄντων στοιχεῖα πάντων ὑπέλαβον, καὶ τὸν ὅλον ἄρανὸν ἀρμονίαν εἶναι, καὶ ἀριθμὸν, καὶ ὅσα εἶχόν ὁμολογέμενα δεικνύναι ἐν δὲ τοῖς ἀριθμοῖς καὶ τὰς ἀρμονίας, πρὸς τὰ τῆς ἄρας πάθη καὶ μέτρα καὶ πρὸς τὴν ὅλην διακόσμησιν, ταῦτα συνάγοντες ἐφύρματτον. *Item cum harmoniarum in numeris inspicerent passionēs ac rationes, cumque caetera quidem viderentur numf-*

RIS

(y) Metaph. L. I. c. 7.

RIS ASSIMILARI IN OMNIBVS, *numeri vero totius naturae primi; numerorum elementa entium quoque cunctorum elementa esse putarunt, TOTVMQVE COELVM HARMONIAM ET NVMERVM ESSE & illa quidem, QVAE DE NVMERIS ET HARMONIIS CONSENTANEA PASSIONIBVS ET PARTIBVS COELI AC VNIVERSI MVNDI DISPOSITIONI MONSTRARE poterant, colligentes applicabant* (2). Quid sit, quod ad perspiciendam Pythagorae mentem adhuc desiderari queat, vix video. Quis enim est, qui non intelligat, ea de causa Pythagoram ad numerorum rationes delatum fuisse, quod illustrem illum naturae ordinem atque seriem ita nexum videbat & aptatum, vt euentorum causarumque aliae ex aliis pendeant procreenturque, quemadmodum numerus ex numero. Quare nullum aliud consilium habuisse Pythagoras in accomodandis ad naturam rerum numeris putandus est, praeterquam, vt ordinis istius, qui in natura inest, atque ipsius fati generationem habitumque quodammodo describeret atque explicaret. Nihilo tamen fecius in elementis his numerorum solidi quidquam atque eminentis versari idem arbitratus est, vt quae tamquam ignis, aut aqua, aut terra, materiam constituent generationi corporum subiectam: quamvis, quod saepius moneo, corporeae illorum naturae rationem non habuerit, cum numero-

(2) l. c.

K

merorum signis eadem indicaret, sed harmoniae duntaxat atque concentus, quem producant, quando iuncta inuicem connexaque spectantur. Quod quidem rursus ita declarat ARISTOTELES: φαίνονται δὲ καὶ ἔτσι (πυθαγόρειοι) τὸν ἀριθμὸν νομίζοντες ἀρχὴν εἶναι, καὶ ὡς ὕλην τοῖς ἔτσι, καὶ ὡς πάθη δὲ καὶ ἔξεις. *Aparent etenim isti (Pythagorei) numerum principium existimasse* VT MATERIAM EXISTENTIBVS, ET VT PASSIONES AC HABITVS (a): hoc est, vt ego opinor; *per numerum indicarunt Pythagorei non modo corporea elementa, sed praecipue eorum erga se inuicem affectiones ac rationes.* Sed quod rem plane conficit, numeris nihil aliud in Pythagoreorum disciplina indicari, nisi leges & ordinem generationis rerum; alio loco ARISTOTELES Pythagoram a Platone discernens: οἱ μὲν γὰρ πυθαγόρειοι, inquit, ΜΙΜΗΣΙΝ τὰ ὄντα φασὶν εἶναι τῶν ἀριθμῶν· πλάτων δὲ μέθεξι, τένομα μεταβάλλων. *Pythagorei etenim IMITATIONEM numerorum aiunt entia esse: Plato veronomen mutando, participationem* (b). Pythagoras nimirum nihil, quod quidem a corporeis naturae elementis diuersum sit, in numeris intellexit: sed ipsa illa elementa, vt iuncta connexaque sunt, considerauit, ex quibus numerorum IMITATIONE atque lege mundum effici arbitratus est: cum Plato contra alias quasdam naturas induceret, quae plane sint ab
omni

(a) l. c.

(b) l. c. c. 6. ;

omni corpore remotae; quas in materiam atque corpora diuinitus demum demergi ac intrudi putat. Satis autem constanter Pythagoras hac de numeris disputatione ad expediendam rationam suam usus est. Vix enim elegantius fatum istud, quod idem probabat, animo depingi, aut aptiori similitudine explicari posset, quam his ipsis numerorum signis a Pythagora factum est. Ut enim, quocumque iam modo eosdem numeros aut iungas alterum addendo ad alterum, aut in se ipsos ducas, eadem semper efficiatur summa aut productum idem, necesse est; sic & eam rerum omnium naturam esse voluit Pythagoras, easque inesse in elementis naturae leges, uti fatali quadam necessitate hic, qui nunc est, rerum ordo seriesque ita prodierit, ut illam causarum euentuumque perpetuitatem ne ipse quidem Deus, si vel maxime velit, sistere aut immutare possit. Ex quo tandem efficitur & illud, vnum idemque prorsus & Stoicorum fatum esse & Pythagorae. Sit iam ista numeri definitio, quam Iamblichus a PHILOLAO profectam esse dicit, pro genuino Pythagoreorum decreto habenda: Φιλόλαός φησι ἀριθμὸν εἶναι τῆς τῶν κοσμικῶν αἰωνίας διαμενῆς τὴν κρατιστέυ-
εσταν καὶ αὐτογενῆ συνοχὴν. *Philolaus dicit, numerum esse vinculum continens aeternam rerum mundanarum permanſionem, quod ex sese ipsum nascitur* (c). Quiuis tamen facile intelligit, nihil in his verbis inesse, nisi declarationem fati

K 2

istius

(c) IAMBlich. Introd. in Arithm. Nic. p. 7:

istius atque aeterni naturae ordinis, fluentis ab aeterno in aeternum immutabili quadam inter-
naque necessitate, quo tota continetur permanfio
atque administratio mundi: neque ego vllas in
hoc Philolai dicto inuenio Platonis ideas.

§. X.

Neque tamen vnus Aristotelis auctoritas facit,
vt ea, quam offendimus, Pythagoreorum nume-
rorum vis tantopere nobis probetur: accedunt
enim & alii, nec minus graues auctores, atque
in his vel maxime *SEXTVS EMPYRICVS*. Hic
enim primo loco numeros ex mente Pythago-
reorum ita semper exponit, vt sint, non vnum
quoddam separatumque elementorum genus,
sed principia atque elementa totius mundi vni-
uersaeque naturae, tamquam materia subiecta
generationi (d). Deinde vero longam idem in-
stituit disputationem (e), numeros esse obscura
sensibus elementa atque incorporea, neque eadem
cum ipsis, quae numerentur, rebus, ita tamen,
vt in numeratis rebus insint & contineantur.
Quocunque te vertas, vix sanum ex his elicies
sensum, nisi eam numeris vim subiicias, quam
Aristoteles indicauerat, eos scilicet ipsa esse ele-
menta totius naturae: non autem in se ac secun-
dum internam suam corporeamque naturam con-
siderata: sed quatenus rationem, quam habet
aliud elementorum ad aliud, intuearis, atque ex

con-

(d) conf. Pyrlion, hypoth. L. III. f. 32. 152, seqq.

(e) l. c. f. 152.

coniunctis istis inter se copulatisque & fati progressionibus intelligas & pulcerrimam omnium rerum effici harmoniam. Quae quidem explicatio ab ipso SECTO perspicuis traditur verbis: καὶ ἔτω τὰ σώματα καὶ ὅλον τὸν κόσμον ἀνειδωλοποιῇσιν, ἔντινα καὶ διοικῆσθαι φασι κατὰ ἀρμονικὰς λόγους. *Atque ita corporum & totius mundi SIMVLACRA HAEC nobis fingunt* (ostenderat autem Sextus, quomodo numerorum lege secundum Pythagoreos ex punctis lineae, superficies & corpora denique solida gignantur) *quem etiam SECVNDVM HARMONICAS PROPORTIONES GVBERNARI affirmant* (f). Nihil vero expectari potest, quod totam nostram disputationem illustret magis pariter atque confirmet, quam haec Sexti verba: καθόλου μὲν ἔν οι ἀπὸ τῶν μαθημάτων πυθαγορικοὶ μεγάλην ἀπονέμει δύνάμιν τοῖς ἀριθμοῖς, ὡς τῆς τῶν ὅλων φύσεως κατ' αὐτὰς διοικημένης. ὅθεν καὶ αἰεὶ ποτε ἐπεφώνουν, τὸ ἀριθμῶν δέ τε παντ' ἐπέοικεν.

Atque vniuerse quidem ac in genere mathematici Pythagorei magnam vim tribuunt numeris, utpote quod VNIVERSARVM RERVM NATVRA EX EIS ADMINISTRETVR. Vnde etiam semper acclamabant illud:

ASSIMILATA AVTEM NVMERIS SVNT OMNIA (g).

Haec ego mecum saepius recordans miratus sum, quid tandem eruditissimos cuiusque aevi viros,

K 3 per-

(f) l. c. f. 155.

(g) Advers. Math. L. IV, c. 2.

tantum abest, ut Pythagorei numeris suis incorporales duntaxat quasdam naturas iudicarint, uti potius corporearum pariter atque corpore vacantium (sensu nimirum Pythagoreo & Stoico)* rerum affectiones quasdam communes esse numeros eodem Sexto auctore dixerint: πᾶν τὸ καταλαμβάνομενον ἀνθρώπῳ, φασὶν, ἢ τι σῶμά ἐστιν, ἢ αἰσώματον. εἴαν τε δὲ σῶμά ἐστιν, εἴαν τε καὶ αἰσώματον, ἔχωρὶς τῆς τῶν ἀριθμῶν ἐνείας καταλαμβάνεται. Et praeterea quidquid, inquit, ab homine comprehenditur, aut est corpus, aut incorporeum. Siue autem sit corpus, siue incorporeum; non comprehenditur absque numerorum notatione (i). Ex quibus verbis prorsus confici arbitror, in numeris non singulare aliquod principiorum genus contineri: sed vniuersam istam, quam diximus elementorum omnium communemque affectionem, in qua series, connexio atque ordo rerum versatur.

§. XI.

Fortasse vero de numeris dici quidquam vix possit, quod magis in vniuersam Pythagorae disciplinam conueniat, quodue aptius sit ad constantiam quandam in illius decretis reperiendam, quam haec interpretatio. Quod cum in fati ratione modo ostendimus; tum vero magis etiam ex iis intelligitur, quae Pythagoras traditur de honorum fine disputasse. Etenim illos ipsos

K 4.

nume-

[(i) l. c. §. 101.

numeros eorumque perfectam & absolutam scientiam extremum bonorum finemque, ad quem omnia referantur, Pythagoram constituisse, THEODORETVM auctorem habemus (k). Ex quo sequitur, ut, si quid Pythagoras de summo censuit bono teneamus, nec numerorum possimus vim ignorare. Vix autem quidquam ab vilo scriptore videtur in medium allatum esse, quod magis Pythagorae sententiam aperiat hac in parte, quam quae sunt apud CICERONEM, qui sermonem illius cum Leonte, Phliasiorum principe exponens, omnem philosophiae causam, quidque homini ad beate viuendum in tota vita propositum esse debeat, declaraturus, *Pythagoram*, inquit, *respondisse, similem sibi videri vitam hominum, & mercatum eum, qui haberetur maximo ludorum apparatu, totius Graeciae celebritate. Nam ut illic alii corporibus exercitatis gloriam & nobilitatem coronae peterent - - - esset autem quoddam genus eorum, idque vel maxime ingenuum, qui nec plausum nec lucrum, quaererent, sed visendi causa venirent, studioseque perspicerent, quid ageretur & quomodo: ita nos quasi in mercatus quandam celebritatem ex urbe aliqua, sic in hanc vitam ex alia vita & natura profectos; alios gloriae seruire, alios pecuniae: raros esse quosdam, qui cacteris omnibus pro nihilo habitis, rerum naturam studiose intuerentur: hos se appellare sapientiae studiosos, id est enim philo-*

(k) THERAPEVT. L. XL p. 419. vers. gall.
MOVRGESII.

philosophos: & ut illic liberalissimum esset, spectare, nihil sibi acquirantem, sic in vita longe omnibus studiis contemplationem rerum cognitionemque praeferre (1). Contemplatio autem illud ipsum est, in quo vitam beatam versari omnemque philosophiae usum absolui Pythagoras putat: quod cum placlare intellexissent Pseudo-Pythagorei isti iuniores (m); falso tamen eam, quam Pythagoras praecepit, rerum cognitionem ad ideas Platonis transferunt. Nec enim ex Ciceronis verbis quidquam magis perspicuum esse potest, quam TOTIVS NATURAE contemplationem, quid & quomodo quidque geratur? non vero Platonis ideas, Pythagoram philosopho praecepisse: id est, totum antecedentium & consequentium rerum complexum, seriemque istam causarum, ex qua totius naturae concentus resultat. Quod quidem ipsum egregie confirmat PLUTARCHVS hunc a philosophia fructum Pythagoram expectasse tradens, τὸ μὴδὲν θαυμάζειν, VT NIHIL ADMIRETUR(n), quae verba quam habeant vim ipse Plutarchus explicaturus, addit: ὁ γὰρ φιλόσοφος λόγος τὸ μὲν ἐξ ἀπορίας ἢ ἀγνοίας θαῦμα ἢ θάμβος ἐξάγει, γινώσκει ἢ ἰσορῶν τῆς περὶ ἐκαστὴν αἰτίας. Nam philosophica ratio admirationem atque stuporem ab haesitatione atque ignorantia profectum, eximit, singularum rerum cognitione atque enarratione

K 5 . PER

(1) Tuscul. Q. Q. L. V. c. 3.

(m) conf IOH. SCHEFFER. de N. & C. Phil. Ital. c. 7. seq. p. m. 42. seqq.

(n) de AVSCVL T. T. I. oper. p. m. 32.

PER CAUSAS SVAS *exhibita*. Hoc itaque est philosophiae propositum: hic fructus illius. Talis igitur & numerorum ratio sit necesse est. Atque quo magis, quidnam Pythagorae bonorum summum esse visum sit, intelligamus; rursum audiamus CICERONEM, qui alio loco de vitae beatae totius sine disputans: *sed credo*, inquit, *deos immortales sparsisse animos in corpora humana, ut essent, qui terras tuerentur*, QUIQUE COELESTIVM ORDINEM CONTEMPLANTES, *imitarentur cum vitae modo atque constantia*. *Nec me solum ratio ac disputatio impulit, ut ita crederem: sed nobilitas etiam summorum philosophorum & auctoritas* (o). Pythagorae vero auctoritatem eam esse, quam hoc loco Cicero secutus sit, ipse continuo fatetur. Quae quidem Ciceronis verba, cum ex intimis quasi Italicae philosophiae arcanis deprompta videantur, & eam illustrent, quam supra de Pythagorae facto instituiamus, disputationem; & hanc nostram de numerorum vi atque ratione opinionem mirifice confirmant. Coelestia enim (id est, coeli sidera, in quibus secundum Pythagorae sententiam praecipua continetur vniuersae diuinae naturae virtus atque sedes), siue dii, lubenti animo cum sequuntur fati decreta; tum sine vlla perturbatione, perfecta ratione fruentes, aeternum rerum seruant ordinem atque seriem, tamquam fati fideles ministri; hominis autem beati est, & cognoscere hanc coelestium constantiam atque

(o) de SENECAE. c. 21.

atque ordinem, & eam imitari tota vita, vt itidem
lubens nec inuitus ea probet, quae fata iubent.
Haec autem summi boni explicatio tam est vni-
uersis Pythagorae rationibus apta atque con-
ueniens, vt totidem fere verbis AVREA CAR-
MINA, vitam explicantia beatam perfectam-
que sapientiam, in aeterni eam naturae ordinis
cognitione, intelligentiaque ponat earum legum,
quibus transeunt singula & continentur:

γνώση ἀθανάτων τε θεῶν, θνητῶν τ' ἀνθρώπων
σύσασιν, ἥτε ἕκαστα δεέρχεται, ἥτε κρατεῖται
γνώση δ' ἡ θεμία ἐσσι, φύσιν περιπαντός ὁμοίην.
ὥσε σε μήτε ἀέλπτ' ἐλπίζειν, μήτε τί λήθειν.

ἐλλὰ σὺ θάρσει· ἐπεὶ θεῖον γένος ἐσσι βροτοῖσιν,
οἷς ἱερὰ προφέρειται φύσις δαίκνυσιν ἕκαστα.

Cognosces ὧ *immortalium deorum* ὧ *morta-*
lium hominum

CONSISTENTIAM QVA ET TRANSEVNT
SINGVLA ET CONTINENTVR

Cognoscesque, quatenus fas est, NATVRAM
IN OMNI RE SIMILEM

Vt neque speres non speranda, neque quidquam
te lateat

Sed, tu confide, quandoquidem est diuinum
mortalibus genus

QVI-

QUIBUS SANCTA PROFERENS NATURA,
OSTENDIT SINGULA (p).

Nunc autem, qualis sit splendida ista *ἐμύλωσις*
τῆ θεῆς, *similitudo Dei*, ad quam ut perducatur
hominis animus, philosophiae propositum esse
statuebant Pythagorei, aparet. Digitis enim
quasi monstrans Cicero, eo quem modo pro-
tulimus loco, nos ad aeternum naturae ordinem
ablegat, quem cum a diis constantissime seruari
videamus, imitemur eundem vitae constantia
atque modo. Utque Deus, summa ratione per-
spiciens aeternas istas necessitatis leges, lubenti
animo seriei causarum obsequitur, quae ab aeterno
verae, certae atque definitae sint; sic & homi-
nis beata vita omnis in eo posita est, ut intelle-
ctam eandem naturae constantiam amet, mode-
ratoque ac aequo animo, deorum more, abripi
se patiatur ab isto naturae torrente: cum, qui
contra nitatur animi perturbationibus indulgens,
nequidquam laborando miser & infelix sit. Quod
idem nos disertis verbis aurea carmina supra
docuerunt: ὣν ἂν μῶραν ἔχῃς, πρῶως Φέρε, μὴδ'
ἀγχνόηται. *Earum* (calamitatum) *quantum tibi*
a fato datum est, leniter fer, nec indignare &c.
Huius autem impietatis extremum illud est, ut
homo ipse Deus fiat: qua tamen de re vberius
alias. Pluribus enim vniuersum hunc locum cum
ex aureis carminibus, tum ex aliis Pythagoreorum
fragmentis illustrare facile foret: sed nos consilii
nostri

(p) vers. 50. seqq. conf. CLAR. SCHIERIVS
ad h. l.

nostri memores, his in praesentia missis, ea duntaxat copiosius paullo persequemur, quae ad declarandam Pythagorae de natura Dei atque de generatione rerum sententiam proxime pertinet. Veruntamen hoc loco, Stoicos rursus fideliter Pythagorae vestigiis instituisse, quis non videt? Est enim idem ipsis bonorum finis, quem Pythagoram induxisse ostendimus. Neque illud, *naturae conuenienter viuere*, aliam habet ullam in Stoicorum disciplina vim, nisi causarum seriem atque concentum mundi ita intelligere, ut prono lubentique animo id sequaris, quod istud naturae flumen inuitabili secum fert ratione, seu, quae Ciceronis verba sunt, *ut viuas, scientiam adhibens earum rerum, quae natura eueniunt* (q). Quocirca & iisdem splendidis verbis vtentes Stoici summum bonum in eo inesse contenderunt, *ut Deum sequaris*, id est, ut aequae lubenti animo, ac Deus ipse, fati obtemperes aeternis legibus (r). Atque vniuersam Stoicorum disciplinam totiusque philosophiae rationem si species, genuini omnino verique scholae Italicae sectatores isti putandi sunt. Habuerunt equidem propria quaedam & priuata decreta; sed in eo, quod arx quasi & fundamentum disciplinae est, Zenonem Pythagoreorum Icrinia compilasse, aliquoties iam perspicue apparuit. Teneamus igitur, quod initio dictum

(q) de FF. L. III. c. 9. conf. MENAGIVS ad Diog. L. VII. f. 88. & IAC. THOMAS. de exult. in. St. l. c.

(r) conf. BRVCK. l. c. cap. IX. sect. I. §. X. p. 954.

dictum est, quandoquidem Pythagoras bonorum ultimum extremumque in absoluta numerorum scientia positum esse voluit; ipsam illam numerorum rationem, praeterquam ipsum mundi concentum atque ordinem seriemque causarum, quae ab aeterno verae certaeque sint, nihil continere. Quod & MICH. MOVRGVES ex parte videt, ad istum, quem produximus Theodori locum hanc addens observationem: *c'est à dire, l'ordre, la beauté, la bonté, la vérité, la justice, la règle, & la proportion en toutes choses, tout l'objet philosophique en un mot: c'est ainsi, que Pythagore, l'entendu* (s). Neque iam illud a Pythagorae abhorret disciplina, quod IAMBlichvs eum refert vaticinandi vim & praesentendi futura tribuisse sapienti, qui perfectam numerorum scientiam teneat (t): vnde vana ista geomantiae ars enata est, cui nec nostra desunt aetate inepti patroni. Scientia enim numerorum cum Pythagorae nihil aliud sit, nisi perspicientia in connexionem atque seriem causarum, quarum ex coniunctione omnes mundi euentus necessario gignantur; hos qui norit, atque intelligit, idem vaticinari possit & futura praedicere necesse est. Stoici certe fati istius leges, quae in Pythagorae numeris insunt, vel praecipuum ponebant omnis vaticinationis fundamentum atque initium. Transcribamus huc integrum insignemque locum, qui est apud CICERONEM; pro-

(s) p. 419.

(t) vit. Pythag. c. 28.

propterea quod cum hanc ex numeris vaticinandi scientiam, tum vero vniuersam nostram de fati numerorumque vi, orationem mirifice illustrat: *Fatum id appello, quod graeci ἐπαγορεύω, id est, ordinem scriemque causarum, cum causa causae nexa rem ex se gignat. Ea est ex omni aeternitate fluens veritas sempiterna. Quod cum ita sit, nihil est factum, quod non futurum fuerit, eodemque modo nihil est futurum, cuius non causas id ipsum efficientes, natura contineat. Ex quo intelligitur, ut fatum sit non id, quod superstitiose, sed id, quod physice dicitur, causa aeterna rerum, cur & ea, quae praeterierunt, facta sint, & quae instant, fiant, & quae sequuntur, futura sint. Ita fit, ut & obseruatione notari possit, quae res quamque causam plerumque consequatur, etiam si non semper: nam id quidem affirmare difficile est. Eisdemque causas verisimile est rerum futurarum cerni ab iis, qui aut per furorem eas, aut in quiete vident. Praeterea cum fato omnia fiant (id quod alio loco ostenditur), si quis mortalis possit esse, qui colligationem causarum omnium perspiciat animo, nihil cum profecto fallat: qui enim teneat causas rerum futurarum, idem necesse est, omnia teneat, quae futura sint (u). Nec quidquam temere, ut totum argumentum concludamus, ex vniuersa Pythagorae disciplina proferri poterit, quod de mundi harmonia sensisse ille traditur, quod non idem cum hac, quam dedimus, numerorum explic-*

(u). de Diuinat. L. I. c. 55. seq.

plicatione apprime consentiat: quale est, quod est apud DIOGENEM: τὴν δὲ ἀρετὴν ἀρμονίαν εἶναι, καὶ τὴν ὑγίειαν, καὶ τὸ ἀγαθὸν ἅπαν, καὶ τὸν θεὸν διὸ καὶ ἀρμονίαν συνεσάναι τὰ ὅλα. *Virtutem harmoniam esse, sanitatem praeterea & bonum omne, atque Deum: ideoque per harmoniam constare omnia* (w). Cuncta enim haec secundum pulcerrimum istum aeternumque naturae ordinem atque cursum fiunt & agunt, quem Pythagoras numeris declarare voluit: ex quo intelligitur, quid sibi velit ista σύστασις Deorum & hominum, quam supra in aureis carminibus laudari audiuimus, naturae nimirum concentus colligatioque causarum in ea inest, qua & dii & homines continentur. Quale est & illud, quod astra totumque coelum motu suo pulcerrimum suauissimumque musices concentum & harmoniam efficere, Pythagoras credidisse a nonnullis dicitur (x). Vix enim Pythagoram tam stolidum putarim fuisse, ut istum musices concentum re existere in natura arbitraretur: aut omnino aliis, percipere se auribus hanc praestantissimam harmoniam, auderet persuadere, quod quidem IAMBELICHVS ineptissime tradit (y): hancigitur totam rem, quamquam b. 10 H. FRANC. BVDDEO auctore inter inania Pythagoreorum conimenta lubeus refero (z); proportioni;

(w) L. VIII. f. 33.

(x) CENSORIN. de die nat. c. 13.

(y) de vit Pythag. c. 15

(z) BVDDEVS compend. hist. phil. c. 3. §. 40. p. 100.

tionis tamen iisdem legibus mundus ex Pythagorae sententia constare recte dicitur, quibus musica ars omnisque modulationis suauitas vera constat, quibusque eam constare Pythagorae iam probe cognitum fuit. Iam vero quid in THOMAE BURNETII sententia desiderem, aparet, qui caeteroquin proxime ad nostram explicationem accessisse videatur; non enim ipsa rerum natura atque classes earum, quatenus a Deo, tamquam a natura omnium simplicissima ordine sunt procreatae, quod Burnetius putat (a): sed externa ratio elementorum, atque connexio totius naturae seriesque omnium euentorum, quae in natura accidunt, numeris indicari, probabilibus, ni fallor, argumentis, a nobis demonstratum est. Maiori fortasse verisimilitudinis specie Burnetii opinio se commendatura esset, si numeris Pythagoras duntaxat ad denarium vsque esset vsus, atque ipse denarius naturas indicaret remotissimas a deo. Sed quaterniojem atque denarium iste tantum vt fundamenta reliquorum numerorum adhibuit, ex quibus infinita alia series procedat & gigneretur, ipseque denarius totam coeli compagem, naturas complectentem, quae sint partes ipsius diuinae naturae atque ipsi dii, continet (quod postea docebimus). Vnde perspicue intelligi posse puto, non ipsas res inesse in Pythagorae numeris atque classes earum, quatenus magis magisque a Deo recedunt: sed connexionio-

(a) vid. BRVCK, l. c. Cap. X. sect. I. §. 18. p. 1046.

nexionem totius naturae, atque colligationem causarum, quatenus inde mundi profiscuntur euenta, quae, pariter ac res ipsas siue corporum classes, numeris descripsit Pythagoras.

§. XII.

Bene cognitis igitur iis, quae de toto numerorum Pythagoreorum genere disputata sunt, ad singulos iam separatim exquirendos definiendosque accedere audeamus. Atque ad unitatem siue μονάδα quod attinet, nullum plane est dubium, quin diuinam naturam ipsumque Deum in ea intellexerit Pythagoras, quae sit causa efficiens vniuersum naturae ornatum. Ita enim PLUTARCHVS: πυθαγόρειοι τῶν ἀρχῶν τὴν μὲν μονάδα (Φατὶ) θεὸν καὶ τ' ἀγαθόν, ἡτις ἐστὶν ἡ τῷ ἐνός φύτις αὐτὸς ὁ νῦς: Pythagorei alterum initiorum, unitatem scilicet, dicunt Deum esse, & bonum, qualis est natura vnius, atque ipsa mens (b). Item: σπένδει δὲ αὐτῷ (τῷ πυθαγόρῳ) τῶν ἀρχῶν ἡ μὲν (μονάς) ἐπὶ τὸ ποιητικὸν αἴτιον καὶ εἰδικόν, ὅπερ ἐστὶ νῦς ὁ θεός. Pertinet vero secundum Pythagoram principiorum illud quidem (unitas) ad causas efficientium & intellectualium rerum, qualis est mens siue Deus (c). Eodem prorsus modo ORIGENIS philosophum: καὶ μονάδα μὲν εἶναι ἀπεφώνησεν (πυθαγόρας) τὸν θεόν. Et unitatem quidem affirmavit Pythagoras esse Deum

(b) de Pl. phil. L. I. c. 1. p. m. 266.

(c) l. c. cap. 3, p. 262.

um (d). Est autem nunc quidem in promptu, qualis sit vnitatis istius, siue monadis, natura: cum, qualem sibi Deum Pythagoras finxerit, supra copiose demonstratum sit. Ignis enim iste diuinus, qui est fons & vitae & motionis, & in quo inest perfecta ratio, ipsa illa monas est. Quod & diserte enuntiauit EMPEDOCLES, Deum vocans, τὸ τῆς μονάδος νοερόν πῦρ, *unitatis ignem intellectu praeditum* (e). Similitudinem vero, quam Pythagoras in aeterno rerum ordine inter effectiōnem istam igneam vnitatemque intercedere arbitratus sit, reperire difficile non est: vt enim vuitas in numeris proportionum omnium fundamentum quasi & initium est; sic diuinus iste ignis causa est efficiens harmoniam naturae, digerendo scilicet atque exomando reliquam materiam fati legibus conuenienter, ita, vt omnis proportionis, pulcritudinis, ordinis atque progressionis totius, quae inest in rerum uatura, initium ducatur ab isto diuino igne, exoriaturque ab eodem causarum origo atque series. Quocirca & sexus masculini esse monada illam Pythagorei contenderunt: quod totius mundi reliquus ornatus causarumque progressio ab ea proficiscatur tamquam a patre. Hoc etenim modo de Pythagorea monade disputatur in ORIGENIS philosophumenis: τῶν δὲ ἀριθμῶν ἀρχὴ γέγονε καὶ ὑπὸ θεσιν ἡ πρώτη μονάς, ἥτις ἐστὶ μονάς ἀρετῇ γεννώσα πατρικῶς πάντας τὰς ἄλ-

L 2

λας

(d) c. 2. p. 26.

(e) PSEUDO-ORIG. l. c. cap. 3. p. 49.

ἀπὸς ἀριθμῶν. *Prima vero unitas per suppositionem fuit principium numerorum, quae est unitas masculina, patrio more procreans numeros omnes reliquos (f).*

§. XIII.

Sed in explicandis Pythagorae numeris priusquam longius progrediamur, observari velim, multum, meo quidem iudicio, interesse in illius theologia ratione inter τὸ ἐν, *VNUM* & τὴν μονάδα, *UNITATEM*. Quae distinctio neglecta quo maioris confusionis & prioribus & iunioribus interpretibus causa videtur fuisse, hoc studiosius nobis atque vberius totus iste locus aperiendus est. Profert equidem eandem distinctionem Celeber. BRUCKERVS (g); sed, iuniores Pythagoreos secutus, nec eo sensu, qui secundum Pythagoram in ea videtur inesse, nec ita copiose, explicatam, ut rei postulat gravitas. Non enim aut *unitas* in intellectualibus existit tantum rebus, aut *unum* in numeris; sed utraque vox ad unam Physiologiam Pythagorae omnino est reuocanda. Atque huius quidem coniecturae primus mihi auctor fuit PSEUDO-ORIGENES, in cuius philosophumenis ista mihi differentia videtur apertissime tradi non modo, sed & ad physicam transferri theologicamque rationem. Neque enim dubitare quisquam potest, τῷ ἐν, *VNO*, Pseudo-Origenem τὴν μονάδα, *unita-*

(f) c. 2. p. 32.

(g) l. c. num. 5. p. 1048.

unitatem, tamquam vniuerso rerum complexui partem aliquam subūcere, atque hanc ex isto, seu ἐκ τῷ ἐνός deriuare. Quod ut apareat, ipsa auctoris verba proferamus: λέγων (πυθαγόρας) τὴν ἀρχὴν τῆς ἀριθμητικῆς φιλοσοφίας ΚΑΤ' ἈΣΤΥΝΘΕΣΙΝ περιέχειν τόντε τρόπον: ἀριθμὸς γέγονε πρῶτος ἀρχή. ὁπερ ἐστὶν ἐν, ἀόριστος. ἀκατάληπτος, ἔχων ἐν ἑαυτῷ πάντα τὰ ἐπ' ἀπειρον δυναμένους εἰσεῖν ἀριθμούς· κατὰ τὸ πλεῖθος. τῶν δὲ ἀριθμῶν ἀρχὴ γέγονε ΚΑΘ' ὙΠΟΘΕΣΙΝ ἡ πρώτη μονάς. Dicens (Pythagoras) arithmeticae philosophiae principium per connexionem circumplecti hanc rationem: numerus existit primus principium, quod est vnum, indefinitus, incomprehensus, omnes, qui multitudine in infinitum possunt crescere numeros in se complexus. Prima vero unitas per suppositionem fuit principium numerorum, (h). Quae primum haec esset inanis & ieiuna repetitio, si quidem auctori idem esset numerus primus, siue τὸ ἐν, atque μονάς, seu unitas? aut quae ratio, cur bis ab eodem initio progrediens eodem modo spectaret rerum naturam & quatenus inest ἐν τῷ ἐν, & quatenus proficiscitur ab unitate seu ἀπὸ τῆς μονάδος? Quid deinde satis expressa auctoris cautio sibi veller, qua, si κατὰ σύνθεσιν, secundum compositionem, consideretur rerum natura, numerum primum siue τὸ ἐν esse initium: secundum suppositionem seu καθ' ὑπόθεσιν vero τὴν μονάδα, palam dicit? nisi plane diuersi quid ipsi esset τὸ ἐν & ἡ μονάς.

L 3

Nc

(h) Pseudo-Origen, c. p. 31. seq.

Neque, quas auctor tribuit primo numero *ἡ τῷ ἐνὶ*, virtutes temere in vnitatem siue τὴν μονάδα cadunt: nunquam enim ἡ μονὰς ἀόριστος, *indefinita*, dicitur in Pythagoreorum ratione, quippe quae appellatio, si quidem singuli numeri separatim considerantur, dualitati seu binario numero potius constanter imponitur. Atque ipse etiam auctor, diuerso modo τὸ ἐν atque τὴν μονάδα in rerum generatione se habere, accurate indicat: τὸ ἐν, inquit, ἔχειν ἐν ἑαυτῷ πάντας τὰς ἐκ' ἀπειρον. δυναμένους εἰλθεῖν ἀριθμὸς κατὰ τὸ πλῆθος. *Vnum in se habere omnes numeros multitudine qui possint in infinitum prodire.* Omnino enim hoc modo Pseudo-Origenis verba transferri oportet, neque quod GRONOVIVS fecit, per CRESCERE in infinitum: non enim incrementum numerorum Pythagoras spectabat, quatenus ii augendo magis magisque compositi redduntur: sed quatenus aeterna quadam necessitatis lege alius ex alio procreatur, id est, τὴν συμπλοκὴν seu connexionem numerorum. At de vnitatem: τὴν μονάδα, inquit, γεννᾶν πατριῶς πάντας τὰς ἄλλας ἀριθμὸς. *Vnitatem procreare patrio more numeros omnes reliquos.* Aliud plane quidquam esse, *omnes in se numeros habere*, quicumque prodire possunt: atque aliud, numeros istos, qui ἐν τῷ ἐνὶ insunt & continentur, *procreare, producere & euoluere* quasi quis non videt? sed nihil opus est longius petitis coniecturis: ipse auctor optimus nobis verborum suorum interpret esto. Etenim ordine re-

cen-

cenſitis quatuor primariis numeris, vnitate nimirum, dualitate ternario & quaternione; γεγόνασιν ἓν, ita pergit, οἱ πάντες ἀριθμοὶ, ΔΗΘΘΕΝΤΕΣ ΑΠΟ ΓΕΝΟΥΣ, τέσσαρες ἀριθμοὶ δὲ ἦν ΤΟ ΓΕΝΟΣ ἈΟΡΙΣΤΟΝ. (i). Quae quidem verba Gronouius obſcurius paullo ita vertit: *Vniuerſi igitur ab origine & genere ſumti (indeterminatum quippe numerus erat genus) computantur quatuor.* Qua translatione omnis verborum ſenſus euertitur, propterea quod eruditiffimus iſte vir, diſſerre numeros ſigillatim ſumtos ab vniuerſo numero ſeu ἀπὸ τοῦ ἐνός, non animaduertit. Hanc autem in iſtis verbis ineſſe ſententiam, quiuis videt: *quando numeri generatim, id eſt, per partes, alius poſt alium ſumantur, tum vero quatuor ſunt numeri: numerus autem ipſe (πρῶτος iſte ἀριθμὸς, quem τὸ ἐν vocauerat) erat genus indefinitum, id eſt, neque monas, neque dyas, neque alius quiſpiam definitus numerus erat, ſed, vt itidem auctor antea dixerat, omnes numeros ſimul, qui in infinitum prodire poſſunt, continet & complexus eſt. Quem loquendi morem auctor per integram iſtam diſputationem accurate ſoliciteque ſeruans, numerum indefinitum, ſive τὸ ἐν, diſtinctum a numeris definitis ſigillatimque ſumtis, his iſtis quaſi fontem & fundamentum ſemper praeponit: vt cum de denario, numerorum perfectiſſimo, diſſerit: ταύτης τῆς δεκάδος, τὰ τελεία ἀριθμὰ τέσσαρα καλεῖται μέρη, ἈΡΙΘ-*

L 4

ΜΟΣ

(i) l. c. p. 33.

ΜΟΨ, μονάς; δύναμις, κῆτος. Huius, qui perfectus est numerus, decadis, quatuor appellantur partes, NUMERVS, unitas, potestas & tesserā (k). Item paullo post: ὡς γίνεσθαι τὰς πάντας ἀριθμὸς, ἐξ ὧν ἡ τῶν γινόμενων γένεσις γίγεται, ἑπτὰ: ἈΡΙΘΜΟΝ, μονάδα, δύναμιν, κ. τ. λ. Hinc vniuersi numeri, ex quibus res, quae sunt, profeminantur, septem comperiuntur: NUMERVS, unitas, dynamis &c. (l). Totam igitur orationis perpetuitatem istius, quam Pseudo-Origenes de numeris Pythagorae instituit, quando accuratius necum confidero; hanc mihi in ea videre sententiam video: *si κατὰ σύνθεσιν contemplemur rerum naturam, id est vniuersam rerum compagem atque compositionem, primum quidem omnium fuisse vniuersum aliquod, quod quamuis, quale sit, comprehendendi nequeat, posse tamen dici τὸ ἐν vNUM, propterea quod & vniuersae naturae elementa, & rationes atque causae omnium rerum, quae futurae sint, in eo insint: continere vero idem illud vnum proportionem partium omnium, eamque illarum dispositionem atque rationes, ut aeternae inde gignantur harmoniac, siue necessitatis atque fati leges, quibus vniuersus rerum ornatus, qui sit, quique futurus sit, atque totius mundi descriptio ab omni aeternitate certa, firma, definitaque reddatur: unde mundi generatio nihil aliud sit, nisi evolutio quasi quaedam atque explicatio*

(k) l. c. p. 35.

(l) l. c.

catio definitorum numerorum, qui omnes continentur ἐν τῷ ἐνὶ: posse igitur eandem illam vniuersam primamque rerum molem vocari ἀριθμὸν ἀόριστον, NUMERVM INDEFINITVM, seu complexum totius mundi, cuius ornatus atque descriptio numerorum lege & rationeeducta quasi sit ex ista mole totius naturae: contra, καὶ ὑπέθεσιν, id est (ut ego opinor) eo, quo nostro ingenio rerum generatio facta intelligi cogitarique possit, modo, ἡ μὲν αὖς, VNITAS, ex isto vniuerso rerum complexu prima expediuit sese, administrandoque reliquam rerum naturam ratione & prudentia, ut sati leges ferebant, caeteris numeris, seu vniuerso naturae concentui atque harmoniae originem dedit, ut totius mundi, qui numerorum legibus consistit, pater, atque omnis seriei causarum initium ἡ μὲν αὖς ista appellari queat. Neque tamen haec τῷ ἐνὸς explicatio tam est ignorata caeteris historiae philosophicae priscis auctoribus, ut vnus eam Pseudo-Origenis testimonio niti arbitremur. Apud ARISTOTELEM certe aequae perspicua huius eiusdem rei deprehendere vestigia mihi visus sum. Cuius quidem insignis locus, totam hanc quaestionem mirifice illustrans, hanc habet sententiam: τὰ δὲ ἀριθμὰ στοιχεῖα τὸ ἄρτιον καὶ τὸ περιττόν· τῶν δὲ τὸ μὲν πεπερασμένον, τὸ δὲ ἀπείρον. τὸ δὲ ἐν δὴ ἐξ ἀμφοτέρων εἶναι τῶν. καὶ γὰρ ἄρτιον καὶ περιττόν. τὸν δὲ ἀριθμὸν ἐκ τῶ ἐνός· ἀριθμὸς δὲ καθάπερ εἶρηται, τὸν ὅλον ἔχον ἕκαστον. Numeri autem elementi par & impar (de Py-

thagoreis differit Aristoteles), *quorum alterum finitum, alterum infinitum: VNVM VERO EX AMBOBVS HIS ESSE, par etenim & impar esse: numerum autem ex vno, numeros vero, ut dictum est, totum coelum* (m). Paucis deinde Aristoteles interiectis pergit, Alcmaeonem Crotoniatem humanas res itidem distinxisse in duas contrarietates, dubiumque esse, vtrum sumferit Alcmaeon sua a Pythagoreis, an vero hi ab illo: tantum vero intelligi certo posse, duo contraria secundum Pythagoram rerum principia esse, quae ἐν τῷ ἐνί, IN VNO isto contineantur: οἱ δὲ πυθαγόρειοι, inquit, δύο μὲν τὰς ἀρχὰς κατὰ τὸν αὐτὸν εἰρήκασι τρόπον. τοσούτων δὲ προσεπέθεσαν, ὃ καὶ ἰδίον αὐτῶν ἐστίν, ὅτι τὸ πεπερατμένον, καὶ τὸ ἀπειρον, καὶ τὸ ἐν ἑξ' ἐτέρας τινὰς ὠνόμασαν εἶναι φύσεις, ὅιον πῦρ, ἢ γῆν, ἢ τι τιῶτον ἕτερον, ἀλλ' αὐτὸ τὸ ἀπειρον, καὶ αὐτὸ τὸ ἐν ἑστίαν εἶναι τῶν, ὧν κατηγοροῦνται. διὸ καὶ ἀριθμὸν εἶναι τὴν ἑστίαν ἀπάντων. Pythagorei vero duo quidem eodem modo dixerunt principia (finitum scilicet et infinitum). Tantum addiderunt, quod proprium eorum est, quod finitum & infinitum & unum (quod, ut antea dixerat Aristoteles, utraque illa priora continet) non putarunt vllas alias esse naturas, ut puta ignem aut terram, aut aliud simile: sed ipsum infinitum & ipsum unum substantiam horum esse, de quibus praedicantur: quare & numerum substantiam omnium esse. Ex hac igitur
Aristo-

(m) Metaph. L. I. c. 3.

Aristotelis disputatione patere arbitror, ita sibi finxisse Pythagoreos rerum generationem: fuisse τὸ ἐν, VNUM, quod omnes alias res complexu suo contineret; hoc autem neque ignem, neque terram, neque eiusmodi quid, sed omnia indefinite simul fuisse, atque ex ea tantum parte esse considerandum, quatenus causas, rationes atque progressionem totius naturae complectitur: ex isto autem uno prodiisse reliquas naturas omnes, numerorum lege atque ordine, ac primo quidem par atque impar, siue infinitum atque finitum, quae nec ipsa hoc loco tamquam ignis aut terra spectentur, sed quatenus numerorum rationes in iis versantur ad producendam mundi harmoniam (hanc enim in his verbis inesse vim dudum obseruauimus conf. supra §. IX.): e quibus deinceps reliquae res ac totum coelum esse effectum. Iam vero alterum horum principiorum, τὸ ἀπειρον scilicet, hanc habere vim, ut indigestam materiae molem declaret, nemini obscurum est, qui in veterum philosophorum cognoscendis placitis aliquantum est versatus: τὸ πεπερασμένον autem ad indicandam nunc effectiorem istam, quae rerum ornatum describit, nunc vero ad ipsam mundi descriptionem adhiberi a priscis philosophis consuesse, itidem in promptu est. Et quod ad Pythagoram attinet, testem habeo PLUTARCHVM, ex Pythagoreorum sententia τὸ πεπερασμένον esse ipsam τὴν μονάδα: & τὸ ἀπειρον significare

ficare τὴν δυάδα (n). Quocirca ipsum τὸ ἐν, VNUM, quod & ex Aristotelis auctoritate, cum τὴν μονάδα siue τὸ πεπερασμένον, tum τὴν δυάδα siue τὸ ἄπειρον, complectitur, sine quam multum differt ab ipsa monade, quae pars tantum est τῆς ἐνός. Intelligitur itaque de constituenda Pythagoreorum disciplina praeclare Aristoteli cum Pseudo-Origene conuenire: secundum vtriusque etenim commentationem ex vniuersa ista rerum congerie, siue ἐκ τῆς ἐνός, ex uno prodiisse τὴν μονάδα, unitatem, quae tamquam effectio atque causa deinceps reliquam rerum seriem apte descripserit, Pythagorei censuerunt. Praeclarum denique inprimis est THEARIDAE, prisca cuiusdam Pythagorei, dictum, a CLEMENTE ALEXANDRINO & EVSEBIO relatum (o): αἱ ἀρχαὶ τῶν ὄντων, ἀρχὰ μὲν ὄντως ἀληθινὰ, μία καὶ γὰρ ἐν ἀρχῇ τέ ἐστιν ἘΝ ἢ μόνον. *Vniuersitatis huius principium, principium utique verum, unum est; Illud enim ex aeternitate VNUM est & solum.* Quae verba facillimum apertissimumque habent sensum, si ea ad hanc nostram τῆς ἐνός referas definitionem. Hanc enim ipsam ob causam priscus iste philosophus de industria & cum cautione VNUM illud vocasse videatur PRINCIPIVM VTIQUE VERVM, vt ab unitate siue monade istud atque a dyade probe distinguere-

(n) PLUTARCH. de Isid. & Osir. T. I. oper. p. m. 344.

(o) vid. CVDWORTH. l. c. p. 444.

tur, quae quidem principia itidem vocantur, sed certa tantum ratione, quatenus ἐκ τῆς ἐνός, tamquam ex vero principio, primae progredientes, causae deinceps reliquarum rerum existunt. Verum autem principium AB INITIO & ab aeternitate, priusquam discederet & describeretur in plures naturas, VNVM & solum fuit.

§. XIV.

Quid, quaeso, tandem, haec si teneamus, in Pythagorae disciplina aliud inest, quam germana ista expressaque Aegyptiorum & Phoenicum theologia? quae studiose a Pythagora seruata apportataque est in Graeciam: quamquam antea eum etiam Poëtae fabulis suis eandem fere seculi essent philosophandi rationem, neque alitid quid fecisse Pythagoras videatur; nisi, quae Poëtarum commentis satis iam obscurata erant, vti ea densioribus etiam tenebris, obscura ista spinosaque numerorum ratione, circumfunderet. Quae quidem ipsa res eam, quam dedimus, numerorum Pythagoreorum explicationem mirifice confirmat. Multo certe probabilius cuius videatur, magistrorum auctoritatem secutum Pythagoram esse, cum praesertim tot tamque clara huius rei existent argumenta, quam nescio quae mysteria comminiscendo, talia eum tradidisse, qualia nec a quoquam ista quidem aetate accipere potuit; & quae subtilitate sua ab istius aevi conditione, quo naturalium rerum quaestiones

stiones vix dum inter Graecos nasci coepissent tantopere videntur discrepare. Ipse vero Pythagoras vix is fuisse videatur, qui tantum sibi sumeret libertatis atque animi, vt relicta maiorum auctoritate ipse prorsus nouam moliretur disciplinae formam, cuius tota vita haud leuem habet superstitiosi ingenii suspensionem. Vt enim discipulorum institutionem omittam, quam ab aliis iam obseruatum est vniuersam prode eius generis superstitiosorum hominum arrogantiam, non tam ratione, quam auctoritate atque praestigiis hominum animos regere cupientium (p); quale, quaeso, illud est, quod Pythagoram Diogenes Laertius refert, quo Crotoniatibus persuaderet, cum diis quandam sibi intercedere consuetudinem, in spelunca abdidsse sese, comparataque matre sua, quae sibi, quidquid in oppido interea temporis gereretur, renuntiaret, reuersum postea ad Crotoniates, expositis singulis, quid quisque eorum egisset, iactasse ab inferis se esse reducem: vbi cum vidisset exquisita sceleratorum tormenta, aequum esse, vt Crotoniates, si quidem eius generis cruciatus effugere velint, suis obtemperent praeceptis (q)? Quid aureum istud femur, quod ostentasse Pythagoras dicitur (r)? Quid genealogia ista, quam ab Apolline ductum ad se vsque deriuabat, comminiscens, praecipuum sibi a diis id munere-

(p) conf. BRVCK. l. c. §. 15. p. 1029.

(q) Diog. L. VIII. f. 41.

(r) PLVTARCH. in Numa. T. II. oper. p. m.

muneris esse concessum, ut, quidquid in superioribus corporibus anima sua gessisset, recorderetur (s)? Taceo alias eiusdem modi inepthas fraudes. Hoc ingenio qui sunt, ii vix vniquam praeclari quidquam ipsi pariunt: vndique, quod e re sua esse putant, corradere, atque illud, quamquam notissimae nonnunquam maximeque vulgares res sint, variis inuoluere praestigiis, ut miraculorum instar appareant, hisque rebus, quam maximam possunt, apud imperitos auctoritatem sibi constituere; id vero est, quod huius generis homines agunt. Cuius quidem rei Pythagoras insigne videtur specimen esse: neque reliqua eius instituta aliud quidquam continent, nisi ut, Aegyptiorum, supersticiosissimi populi, mores imitatus, discipulos suos ad illud traderet disciplinae genus, quod ad sanctitatis, sapientiae atque eruditionis famam sibi comparandam tam prospero successu adhiberi in Aegypto viderat. Neque prisci iam prudentes homines vafros versutosque hos Pythagorae mores non vidisse putandi sunt. Xenophon certe hanc ipsam ob causam Platonem carpit, quod Ἀργύπτῳ ἡρώσῃ καὶ πυθαγόρῳ τερατώδης σοφίας, portentosam Aegyptiorum et Pythagorae sapientiam consecutus sit (1). Haec vero cuncta magnam afferunt suspicionem, ne in placitis atque praeceptis quidem longe Pythagoro-

(s) DIOG. LAERT. l. c. f. 4.

(1) in fragm. Epist. apud EVSEB. de Praepar. evang. L. XIV, c. 12.

thagoram ab Aegyptiorum discessisse rationibus. Ad Pythagorae discipulos deinde cum accedimus; vix quisquam eorum est, cuius quidem de sententiis quidquam ad nos peruenit, quin eodem, quo diximus, modo, vniuersum aliquod, omnia omnium rerum initia suo continens complexu, primum fuisse statuerit, ex quo singula naturae elementa protrusa quasi sint & educta, sicque totius mundi ornatus ordine & ratione perfectus. Quod quidem in singulis Pythagorae discipulis ostendamus necesse non est, cum, quae celeberrima BRUCKERVS de Pythagoreorum placitis disputat, hanc nostram abunde confirmant sententiam (u). Empedoclis tamen rationem quin paucis referam, facere non possum, propterea quod totam istam, quam Pythagoras ab Aegyptiis accepisse videtur, Cosmogoniam, illius exemplo maxime illustrari posse, ego quidem arbitror. Huius autem sententiam optime omnium PETRVM PETITVM assecutum censeo (w): collatis enim singulis, quae a veteribus tradita sunt, Empedoclis placitis, plane probatur mihi viri istius eruditi explicatio, in qua haec fere inest sententia: *Empedoclem quatuor solum elementa, aquam, terram, aërem & ignem, sempiterna, semper eadem, immutabilia, atque adeo deos habuisse: haec elementa existere alternis vicibus, modo indefinita atque confusa in vniuersa ista rerum mole,*

(u) l. c. Sect. II. p. 1101. seqq.

(w) apud MENAG. ad Diog. L. III. f. 10.

le, quam SPHAERVM Empedocles vocabat, quo in statu quiescant: modo eadem conspici in mundo, cum ex diiunctis istis atque varia ratione digestis producantur adspectabilia corpora; tum vero ea iterum quiescere: congregari vero elementa infinitis vicissitudinibus nunc e corporibus in sphaerum, per dissolutionem, nunc ex sphaero per generationem in corpora: atque eam congregationem effici διὰ τῆς Φιλίας, per amicitiam, quae ex pluribus unum faciat: educi contra eadem aut ex sphaero, atque moueri, ut mundus gigni possit, aut diiungi, ut corpora intereant διὰ τὸ νεῖκος, per litem, quae plura ex uno producat: ita per vices innumerabiles mundos existere & interire, non eodem tempore simul, ut Democritus volebat, sed deinceps. Veterum autem testimonia, quibus PETITVS hanc Empedocleae rationis explicationem probatam dat, qui cupit noscere, ne longior sim, quam res postulat, ipsum adeat MENAGIVM. Neque illud fortasse huic repugnat explicationi, quod est apud PSEUDO-ORIGINEM, statuisse Empedoclem, συνεσάναι ἐκ πυρὸς τὰ πάντα, καὶ εἰς πῦρ ἀναλυθῆσθαι, constare ex igne omnia, atque in ignem resolutum iri (x). Vt enim τὸ νοερόν πῦρ causa est efficiens mundum; ita & dissolutionem mundi huius ipsius ignis ope Empedocles fortasse potissimum accidere, ideoque omnem τῆς Φιλίας καὶ τῆς νεῖκος vim inesse in

(x) c. 3. p. 49.

M

in eodem igne voluit. Quamquam igitur hoc proprium quidquam atque priuatum Empedoclis videtur esse, quod infinitos per vices mundos nunc existere nunc interire voluit; neque tamen idem illud inauditi quid in Pythagoreorum schola erat, quandoquidem HIPPASVS quoque, à quo Heraclitus atque Stoici istam mundi acceperunt ἐκ πρώτης, simile quidquam docuisse traditur (y); & ipsa illa Pythagorae reliquorumque Pythagoreorum de generatione mundi ἐκ τῆς ἐνός sententia ita praeclare his Empedoclis decretis illustratur, vt fere nihil possit supra. Huius enim sphaerum illud ipsum est τὸ ἐν, VNUM, ex quo Pythagoras pariter atque Empedocles non monada solum, quae sit τὸ πρῶτον πῦρ, *intellectu praeditus ignis*, sed & reliqua rerum elementa, vniuersumque mundi ornatum prodiisse arbitrati sunt. Ex quo verisimile redditur & illud, τὴν Φιλίαν καὶ τὸ νῆκος, *amicitiam & litem*, nihil aliud sibi velle in Empedoclis ratione, nisi vt leges istae generandi mundi, quae fato continentur, quasque Pythagoras numerorum texit similitudine, aliis duntaxat, &, vt forte putabat Empedocles, apertioribus paullum vocabulis enuntiarentur. Neque inter Empedoclearum sententiarum reliquias, quotquot earum apud priscos scriptores legere mihi quidem contigit, quidquam exstat, quod Empedoclem declaret statuisse praeter quatuor ista elementa mentem quandam diuinam, quae praec-

(y) PLUTARCH, de Pl. phil. L. I. c. 3.

praefit quatuor elementis: multa contra adfunt, quae contra eiusmodi coniecturam pugnare videantur. Quae enim Empedocles de ratione diuina atque de animorum immortalitate traditur docuisse, ex genuina Pythagoreorum disciplina atque ex vñis quatuor elementis praeclare explicari possunt, quam explicationem vide sis apud BRVCKERVM (2). Hacc igitur cum communis sit omnium Pythagoreorum sententia de origine mundi ex confusa quondam atque vniuersa rerum omnium congerie: cumque eandem illam rationem gentibus placuisse reperiamus iis, a quibus suam Pythagoras philosophiam accepit: atque ipsi denique Pythagorae tale quid ab auctoribus aperte tribuatur fide dignis; hanc quidem, quam posuimus, differentiam τῆς ἐνός, VNIVS, siue indefiniti numeri, qui sit rerum quondam indigesta moles, & τῆς μονάδος, VNITATIS, siue ignis intelligentia gaudentis; qui tamquam vniuersi nobilissima pars atque causa efficiens mundum, reliquam rerum molem descripserit exornaueritque ratione & prudentia, tantam habere probabilitatem arbitror, quantam vix aliud, quod Pythagorae placuisse traditur, decretum vllum. Lucratur tamen hic idem Pythagorae philosophiae locus ex antiqua illa Eleaticorum schola nonnihil lucis, quam Italicae scholae propaginem fuisse in confessis est. Ponebant autem primi illi Eleatici, XENOPHANES, ZENO & PARMENIDES, τὸ ἐν, VNVM, quod sit to-

M 2

tius

(2) l. c. §. 7. 1112. seqq.

tius naturae complexus atque summa: quodque & Deus sit, & omnia simul (a), quam Parmenidis sententiam Plato in obscurissimo, qui Parmenides inscribitur, dialogo, ad idearum rationem inepte transtulit. Neque vero hoc quisquam proprium dixit esse Eleaticorum: sed quod ipsum illud τὸ ἐν immutabile esse dixerunt, omnemque sustulerunt ex rerum natura non generationem modo atque corruptionem, sed omnino motum & actionem, id vero est, quod Pythagoreorum rationi opposuisse iidem dicuntur. Perspicientes enim isti philosophi, illud quod aeternum sit, & sua se natura ipsum sustentet; vlli mutationi obnoxium esse non posse; ex vno illo, seu vniuerso rerum ambitu, a quo generationis mundi initium proficisci, Pythagorei contendebant, omnem eiusmodi mutationem atque motionem tollere coacti sunt (b). Quamquam quod ad istam τῷ ἐνὶ ἐνός immutabilitatem attinet, nonnullum inter Xenophanis & Parmenidis decreta discrimen agnoscat summe venerand. MOSHEMIVS (c). Intellegitur itaque, quale sit illud Pythagoreum ἐν, cuius rationem Eleatici ex ea tantum parte immutarunt, quatenus mutatio quaedam in illo inesse putatur: est nimirum vniuersa naturae moles, omnes comple-

(a) ARISTOT. Metaph. L. I. c. 5.

(b) Conf. celeb. ERNESTI observat. ad elegantem, quam curauit. Memorabil. Socrat. editionem p. 6. not. p.

(c) ad CVDWORTH. p. 462. not. 1.

plectens reliquas naturas, quas per partes inde progressas esse Pythagorei volebant, repugnanti-
bus Eleaticis contendentibusque, immobile &
immutabile esse τὸ ἐν, atque tale semper fuisse
& futurum esse, quale nunc est. Quocirca &
sensibus fidem Eleatici derogabant omnem, qui-
bus rerum mutationes percipere videamur. Quo
loco tamen rursus Illustris MOSHEMIVS, Par-
menidis partes suscipiens, non omnino eum
sensibus fidem denegasse contendit: sed incerta
tantum: ea esse, quae sensibus videntur (d):
Quod etiam si ita sit, ad rem propositam nihil
interest. Neque in alia vlla re differre τὸ ἐν
Pythagoreum, ab eo, quod Eleatici ponebant,
praeterquam in isto, quod notauimus, discrimine,
ipsius Parmenidis *ἄταξι*ne placita declarant: qui
siue iam eandem, quam Xenophanes atque Zeno-
rationem re probaret siue minus, coactus certe in
explicandis naturae euentis ea sequi, quae sen-
sibus videmus percipere, τὸ ἐν illud plane
Pythagoreorum more in duas tribuebat partes,
τὸ θερμὸν καὶ τὸ ψυχρὸν, *calidum & frigidum*
(e); quocirca vnde ipsum τὸ ἐν adsciuerint Elea-
tici, quamque illud habeat vim, obscurum esse
non potest. Quod certius etiam erit, si eam
Parmenideae sententiae explicationem probemus,
quam Ill. MOSHEMIVS acutissime in medium
attulit, secundum quam Parmenides totus Pytha-
goreus erit, cui Deus subtilissimus ignis sit, at-

M. 3.

que

(d) L. c. p. 468. not. 9.

(e) Aristot. l. c.

que τὸ ἐν nihil aliud valeat, quam illa vniuersitas rerum, quam ἐν τῷ ἐν Pythagorae versari contendimus (f). Ominino, vt paucis totum argumentum concludam, tam late manauit ista τὰ ἐνὸς ratio, vti ante Anaxagoram, qui primus antiquissimam memoriam purae simplicisque mentis, quae non sit pars vniuersitatis primaeque materiae, sed perfecte liberi separatique quid, obliteratam penitus & neglectam reuocauit, nec inter Aegyptios Phoenicesque ista quidem tempestate, neque inter Graecos quisquam reperiatur, quin ex primo isto totius naturae ambitu Deum pariter ac reliquas naturas omnes ortum esse statuerit. Haec autem opinio quam remotam sapiat vetustatem PLUTARCHVS nos doceat, orphicis placitis huc translatis, ostendens, ouum istud ex quo mundum generatum esse Orpheus contendebat nil aliud esse, nisi signum vniuersitatis rerum, ante generatum mundum omnes reliquas naturas sinu suo complectentis: αἰέτω - - τὸν ὀρφικὸν καὶ ἱερὸν λόγον, ὅς ἐκ ὀρνίθους μόνον τὸ ὦν ἀποφάσκει πρεσβύτερον, ἀλλὰ καὶ συλλαβὴν ἀπασαν αὐτῷ τὴν ἀπάντων ὁμὰ πρεσβυγενεῖαν ἀνατίθῃσι - - - - - ὅθεν ἐκ ἀπὸ τρόπων τοῖς περὶ τὸν διόνυσον ὀργασμοῖς, ὡς μίμημα τὰ τὰ πάντα γεννῶντος καὶ περιέχοντος ἐν ἑαυτῇ συγματοσύνη. Canam orphicum est sermonem, qui non modo nunc ostendit aut antiquius esse, sed est vniuerse omnem omnium rerum generationem simul ad illud refert - - - - - quare

(f) l. c.

quare haud inconcinne in Orgiis Baebi ouum tamquam signum illius naturae, quae omnia procreat, omniaque complectitur, consecratum est (ff). Quae cum ita sint, quid vetat, quo minus IESAIAM Prophetam τὸ ἐν illud harum gentium illiusque cultum reprehendisse dicamus, Cap. LXV. com. 17. quem prophetae locum ita interpretatur IOSEPHVS SCALIGER cumque eo IOHAN. SELDENVS (g): *Februationes & lustrationes Deo illi siue idolo fieri, quem Deum ipsi vocarunt ACHAD, id est, VNVM. idque in medio hortorum, qui illi idolo dicati: in opisthodomio templi: subintelligendum enim templum: pone templum Achad. Nam praepositio אחר, quae utitur propheta, est localis, ut etiam sic accipitur ab omnibus Iudaeis: & Ionathan vertit ברתר, ὀπισθεν &c. De cultu certe falsi & commentitii cuiusdam dei ibi sermonem esse, perspicuum est: neque etiam suem in sacris faciendis adhiberi Aegyptiis inusitati quid erat; neque sacra illa, quae suae fiebant a cultu τῷ ἐνδὸς fortasse aliena sunt. Sed haec quaestio alium eumque latiore requirit locum: redeamus igitur ad rem propositam. Pythagoras cum ἐκ τῷ ἐνδὸς, ex vniuersa primae materiae mole & ipsius monadis & reliquam mundi originem deduceret; noua hoc loco quaestio exoritur, nostrone duntaxat intelligendi concipiendique modo ita philosophatus sit, quam-*

M 4

quam

(ff) Couiuiat. serm. L. II. c. 3. T. I. oper. p. m. 676.

(g) SELDENVS de Dis syr. syntagm. I. c. 6. p. m. 179.

quam ab omni aeternitate hic, qui nunc est, mundi ornatus adesset: an vero ipsa re quondam ea, qua dixit, ratione initium habuisse mundum atque *ἐκ τῆς ἐνδὲς* prodiisse sit arbitratus? STOBÆVS certe ita Pythagoram de mundi generatione sensisse affirmat, esse quidem eum a Deo effectum: non vero in tempore, sed in intellectu diuino (h). Quae si vera sunt, Pythagoras mundum aeternum credidisse omnino putandus est: neque tota ista de generatione mundi disputatio aliud quidquam sibi velit, nisi ut definiantur quodammodo causae rerum, intelligaturque ex quo quidque consequatur & quomodo? Quam quidem eandem rationem OCELLVS LVCANVS secutus est, mundum statuens aeternum esse, qui nec ortus vnquam sit, nec finem sit habiturus: quamquam nonnulli istam mundi aeternitatem, quam Ocellus probauit, non ad ipsum illius ornatum descriptionemque: sed ad vniuersam duntaxat materiae molem traduci velint, quam putant ab Ocello, reliquorum philosophorum exemplo, aeternam creditam esse (i). Quin & Platoni tale quid tribuitur apud ALCINOVM: *Cum genitum vult Plato esse mundum; non hoc eum voluisse putandum est, ut tempus fuerit aliquod, quo mundus non esset: verum quia semper in generatione persistit, essentialique suae praestantiores aliquam magisque principalem esse causam indicat* (k). At-

tamen,

(h) Eclog. physic. L. I. c. 25.

(i) conf. BRVCK. l. c. §. X. n. 1, 2. p. 1124.

(k) Alcín, C. XIV. apud Stanl. p. 340. vers. lat.

tamen, quos Pythagoras secutus est, Aegyptios mundo initium omnino tribuisse aparet: neque Pythagoreorum antiquiorum maxima pars aliter vnquam sensit. Quare cum praeter Stobaeum caeteri scriptores omnes eandem Pythagorae mentem adscribant; maiori certe probabilitate posse dici arbitror, mundum secundum Pythagoram omnino generatum esse. Quod quidem cum sententia antiquissimarum gentium apprime consentit, quibus creati mundi memoria, quam a maioribus acceperant, ita in animis haesit, vt nulla plane, quin eam crediderit, inueniri queat. Aeternitas enim mundi a Graecis sequenti demum tempore efficta atque excogitata videtur esse. Stobaei certe testimonium hoc loco suspectum esse vehementer, celeberr. BRUCKERVS recte obseruat (1). Atque Platonis etiam mentem hac in parte a successoribus esse corruptam accommodatamque ad Aristotelis rationes, itidem viri docti dudum viderunt (m). Ocellus Lucanus vero, si quidem omnino aeternitatem mundi adseruit, quod tamen dubium esse antea ostendimus, pressus fortasse Eleaticorum argumentis de immutabilitate τῶ ἐνός, cessasse istis hac ex parte videri possit, vt, quamuis non omnem tolleret e natura motum, descriptionem tamen rerum ipsamque

M 5 que

(1) l. c. p. 1087.

(m) vid. Auctores Angli histor. orb. vniuers. In der Einleitung sect. I. §. 9. MOSHEM. de creat. mundi. ex nihilo. §. 29. seqq.

que mundi ornatum statueret ab omni aeternitate adfuisse. His certe ipsis argumentis de aeterna constantia eius, quod primum est in natura, Aristoteles postea adductus mundi aeternitatem eodem fere modo, quo Ocellus a plebisque creditur, probavit, tantum addens ex Platonis disciplina quintam istam naturam, eamque compositioni mundi intexens, quam Pythagoreos ignorasse ostendimus. Quod ad finem vero mundi attinet, quem Pythagoram negasse PLUTARCHVS auctor est (n), prorsus subscribo eruditiss. BRÜCKERI sententiae: *valde timemus, iniquitatis, ne Plutarchus, vel quisquis libelli de placitis philosophorum auctor est, Platonis dogma cum Pythagorico confuderit. Si enim expositam hactenus physiologiam Italicam supponimus; mundus necessario finem habet: cuncta enim in monada (seu potius, ut docuimus, eis τὸ ἐν, in vniuersum) statumque chaoticum redeunt, & ex monade (ἐκ τῆς ἐνός) nouus mundus oritur. Vnde Philolaus duplicem mundi interitum, igne & aqua, adseruit (apud Plutarch. de Plac. ph. L. II. c. 5.): quae apud barbaros quoque fuisse recepta, quos praeceptores habuit Pythagoras (o).*

§. XV.

Ex ista igitur vna atque vniuersa totius materiae colluue quasi, ordine singuli prodierunt numeri,

(n) de Plac. Phil. L. II. c. 4.

(o) l. c. p. 1088.

numeri, siue elementa rerum, ea lege coniuncta inter se & copulata, vt series quaedam causarum euentuumque inde in mundo efficeretur. Monas vero, seu vnitas, nobilissima primae materiae pars, prima emerfit, ordinis postea atque descriptionis naturae initium futurum. Alterum deinde principium, siue numerus secundus, dyas est, seu binarius: de quo ORIGENIS philosophumena: δεύτερον ἢ δυάς, ὅτελος ἀριθμῶς, ὁ δὲ αὐτὸς καὶ ἀριθμὸς ὑπὸ τῶν ἀριθμητικῶν καλεῖται. Hanc (monada) sequitur numerus binarius, foemina: hic vero ipse ab arithmeticiis etiam appellatur par & integer (p). Huius dyadis vt intelligamus quae sit vis, quodque munus, omiſſis quidem scholae Alexandrinae ineptis commentis, primum id teneamus, antiquissimo cuique historiae philosophicae interpreti, qui partium studio non sit ductus, aliud quid in mentem non venisse in exponenda Pythagorae dyade, praeterquam materiae genus, quae sit monadi, siue mentis effectiōni subiecta, vt efficiatur aliquid. BIDOGENES LAERTIVS certe: ἀρχὴν μὲν τῶν ἀπάντων μονάδα, inquit, ἐκ δὲ τῆς μονάδος, ἀρίστον δυάδα, ὡς ἂν ὕλην τῇ μονάδι, αἰτίῳ ἔντι ὑποσῆναί. Principium quidem omnium esse unitatem: porro ex unitate indefinitam dualitatem, VELVTI MATERIAM auctori, unitati, subiecisse (q). Totidem fere verbis PLVTARCHVS: πάλιν δὲ τὴν μονάδα

(p) c. 2. p. 32.

(q) L. VIII. c. 25.

καὶ τὴν ἀρίστην διὰ δα ἐν ταῖς ἀρχαῖς σπέυδ' δὲ
 αὐτῶ τῶν ἀρχῶν ἡ μὲν ἐπὶ τὸ ποικτικὸν αἴτιον
 καὶ εἰδικόν - - - - - ἡ δὲ ἐπὶ τὸ παθητικὸν τε
 καὶ ὑλικόν, ὅπερ ἐστὶν ὁ ὁρατὸς κόσμος. *Item*
postea unitatem & indefinitam dualitatem in
principiis (refert Pythagoras): *pertinet vero ex*
eius sententia principiorum illud quidem (vnitas)
ad causas efficientium & intellectualium rerum:
hoc autem (dualitas), AD MATERIAM QVAE
PATITVR ET EFFICITVR ALIQUID, qua-
lis est adspectabilis mundus (r). Idem PLV-
 TARCHVS alio loco: πυθαγόρας τῶν ἀρχῶν
 τὴν μὲν μονάδα θεὸν - - - - - τὴν δὲ ἀρίστην
 διὰ δα, δαίμονα καὶ τὸ κακόν, περὶ ἧν ἐστὶ τὸ
 ὑλικὸν πλῆθος, ἐστὶ καὶ ὁρατὸς ὁ κόσμος. *Py-*
thagoras principiorum alterum, unitatem nimi-
rum, Deum vocat - - - - - alterum vero, dua-
litem, daemonem statuit & malum, per quam
existit MVLTITVDO CORPOREARVM RE-
RVM, atque ipse mundus sensibus percipitur (s).
 Atque, si quidem Pythagoras toto isto numero-
 rum genere, non intellectuales quasdam aut 'a
 corpore remotas naturas, sed ipsa mundi ele-
 menta eorumque ordinem atque seriem com-
 plexus est, quod, ni fallor, supra perspicue o-
 stendimus; quid possit, quaeso, alia dyadi subie-
 cta esse vis, nisi, cum monadi, quae est causa
 efficiens mundum, opponatur, ut materiam istam
 significet, ex qua totius mundi ornatus effectus
 est.

(r) de Plac. ph. L. I. c. 3.

(s) l. c. Cap. 7.

est. Quocirca Pythagorei dyada etiam foeminam appellarunt, quod ex ea, monadis tamquam effectionis atque patris ope, descripta atque definita corpora sunt generata: hoc enim ipso consilio priuscos philolophos deorum alios mares, alios foeminas appellasse, dudum a viris doctis demonstratum est (t). Neque iuniorum interpretum plerique non viderunt, aliam dyadi vim tribui vix posse: tantum addiderunt nonnulli, istam, tamquam materiam, a monade siue Deo creatam genitamque esse, quod quidem eo usque extendunt, ut fere creationem ex nihilo Pythagoram statuisse contenderent (u). Huius autem opinionis infirmitatem satis castigauit illustr. MOSHEMIVS (w). Quapropter illa duntaxat relinquatur quaestio, an emanando fortasse atque effluendo ex Deo dyas siue materia secundum Pythagoram nata & exorta sit? Quod quidem omnino ita se habere arbitror, si Deum non monada istam, quae pars est vniuersi, dicas, sed ipsum potius vniuersum, τὸ ἔν illud, siue totum primae materiae complexum atque congeriem, de qua copiose paragrapho superiori disputauimus. Quo minus enim crassioris materiae molem ex monade, siue intelligente isto igne, condensato quasi & extincto, quod Heraclitus Stoicique volebant, Pythagoram deduxisse

(t) conf. BRVCK, l. c. l. i. c. 1. §. 15. p. 392.
MOSHEM. l. c. p. 350.

(u) Conf. ERVDIT. ANGL. Hist. orb. (vniuersi).
Introd. f. II. §. 56.

(w) Dissert. de creat. ex Nihilo, §. XIII. seq.

se credamus, non illud solum obstat, quod supra de duplici Pythagorae principio dictum est: sed & omnium fere auctorum vnus constantissimusque consensus, qui dyada pariter atque monada, tamquam diuersas separatasque naturas ita definiunt, vt neutra ab altera orta, sed vtraque potius ex vniuerso, seu ἐκ τῆς ἐνδὸς, aequaliter educta esse videatur. Quo praecipue copiosa spectat ARISTOTELIS disputatio, Pythagoram duo, eaque contraria rerum principia statuissē probantis, quorum vtrumque ἐκ τῆς ἐνδὸς ortum sit (x). Pertinet & huc tota PSEUDO-ORIGENIS oratio de vno & de genitis ex isto monade & dualitate (y). PLVTARCHVS vero id vnum acerrime agit, vt monada & dyada in Pythagorae disciplina toto genere differre euincat (z). Nec, quae monadi pariter ac dyadi a Pythagoreis adsignantur, virtutes temere patiuntur, vt alteram ex altera genitam iudicemus. PLVTARCHO enim si fides habenda est; aequē longo interuallo vtriusque naturam separabant Pythagorei, ac Plato naturam mentis a materia monada vocantes τὸ ἀγαθόν, vt Plato τὴν ἀρχὴν τῶν ἀρίστων: dyada vero τὸ κακόν, τὸ ἀπειρον, τὸ καμπύλον, *malum, indefinitum, curuum* (a). Vnde eodem modo, quo Plutarchus alio loco de Platone ostendit (b), de Pythagoreis

(x) vid. §. super.

(y) vid. §. cit.

(z) de Isid. & Osir. T. I. op. p. 344.

(a) PLVTARCH. l. c.

(b) de generat. anim. T. I. op. p. 635.

reis etiam efficitur, non posse ex ipsorum sententia materiam tam prauam corruptamque ab ipso Deo, qui sit optimus, originem duxisse. Stoici enim, qui & ipsi mali sedem in materia ponebant, cum eandem statuerent ex Deo ortam esse, vix vnquam tam grauibus acerbisque verbis de materiae malignitate conquestiprehenduntur, nisi quando Platonis auctoritate commoti, huius nonnunquam loquendi formulis vsi sunt: id quod SENECAE imprimis multis locis videtur accidisse. Sed hoc loco vnus occurrit DIOGENES LAERTIVS, qui dyada ex monade ortam esse velit (c): in cuius tamen verbis statim videbimus nihil inesse, quod emanationem quandam crassioris materiae ex monade siue igne adstruat. Antea vero istuc teneamus necesse est, in dyadis ratione materiam equidem, sed eam adhuc indigestam indefinitamque versari. Etenim ignis ope & actione materiam in tres tributam esse ac descriptam partes deinceps declarabitur: prius vero, quam accideret ista diuisio, materia crassior commista quasi iacebat & confusa, neque definiti quid aut distincti in ea licebat obseruari: atque hic quidem iste status materiae est, quem dyadis nomine complexus esse Pythagoras videatur. Inde enim factum est, vt dyas *διῶσις* semper audiat, id est, indefinita, nullisque numeris rationibusue adhuc descripta: dicitur eadem & *ἄπειρος*, *infinita*, cuius nec forma nec fines obseruari licebat;

cum

(c) DIOG. I. c.

cum contra ἡ μονὰς appelletur πεπερασμένη, *definita*, in qua ratio & prudentia inerat, quibus natura τῆς μονάδος determinata pulcherrimeque exornata erat (d). Omnium vero clarissime ista materiae indigestae forma, quae dyade continetur, EMPEDOCCLIS declaratur ratione, de qua haec sunt apud ARISTOTELEM: ἐμπεδοκλῆς - - - - τὰ ὡς ἐν ὕλης εἶδει λεγόμενα ποιεῖα, τέτταρα πρῶτος εἶπεν. ἔμην χεῖντά γε τέτταρτιν, ἀλλ' ὡς δυτὶν ἄτιμόνοις. πυρὶ μὲν καθ' αὐτὸ, τοῖς δὲ ἀντικειμένοις ὡς μιᾷ φύσει, γῇ τε, καὶ αἰέρι, καὶ ὕδατι. Empedocles - - - - elementa, quae in materiae specie dicuntur, quatuor esse primus asseruit: non tamen eis ut quatuor utitur, sed tamquam duo essent sola: igne quidem per se ipsum: oppositis vero, terra, aëre & aqua, tamquam una natura (e). Quo sensu Empedoclem Aristoteles primum dixerit, qui in quatuor elementa tribuerit rerum naturam, id quidem antea iam ostensum est: nunc vero illud intelligamus, quae sit dyadis vis, quoque consilio Pythagorei in duas primum partes omnem rerum complexum descripserint. Altera nempe pars, eaque nobilior, ignis est, siue ἡ μονὰς, tamquam causa efficiens mundum: altero vero rudis est indigestaque materiae crassioris moles, quae quamvis trium elementorum, aëris nimirum, aquae atque terrae semina quasi complecteretur; confu-

(d) PLUTARCH. l. c. ARISTOT. *Metaph.*
L. I. c. 5.

(e) ARISTOT. l. c. cap. 4.

sa tamen ista tria elementa, commista, nec dum discreta spectabantur in dyadis ratione. Ex his sequitur, ut dyas Pythagorae illud ipsum sit Phoenicum chaos, quatenus illud tamquam coluuius quaedam crassioris materiae a Phoenicibus subtiliori opponebatur spiritui, a quo ex eorum sententia motus initium factum est. Aequae perspicue tota ista ratio, qua Pythagorei vniuersitatem rerum in duas primum discessisse naturas credebant, in alio quodam Empedoclis loco inest, qui est apud PLUTARCHVM: Ἐμπεδοκλῆς τὸν μὲν αἰθέρα πρῶτον διακρίθηναι, δεύτερον δὲ τὸ πῦρ, ἐφ' ᾧ τὴν γῆν, ἐξ ἧς ἀγαν περισφγγόμενης τῇ ῥύμῃ τῆς περιφορᾶς ἀναελύσας τὸ ὕδωρ. Empedocles (putat) primum secretum fuisse aethera, deinde ignem, post terram, qua nimis in arctum coacta ob impetum circumagitationis aqua ebullit (f). Habes cosmogoniam Pythagoreorum. Ex vniuersa nimirum ista rerum mole, seu ἐκ τῆς ἐνός, subtilissima pars, quae prima emerfit & secreta est, aether & ignis vocatur: vnde, quod in isto loco continuo addit Plutarchus, coelum ideoque dii & diuina omnia exorta sunt. Quae quidem decreta non Aegyptiorum Phoenicumque magis propria censenda sunt, quam omnium fere antiquitatis gentium: quare iam ENNIVS, quam late manauerit haec opinio, ostensurus: *adspice*, inquit, *hoc sublime candens, quem inuocant*

omnes

(f) de Plac. phil. L. II, c. 6.

omnes Iouem, patrem diuumque hominumque (g). Neque enim aetherem atque ignem duplicem Empedocli naturam esse, sed vnum idemque principium, diuersa duntaxat ratione spectatum, supra vidimus. Illustri deinde huic rei PHERECYDES SYRVS argumento est, in cuius dicto quodam, a DIOGENE seruato, haec inest sententia: Ζεὺς μὲν καὶ χρόνος εἰς αἰεὶ, καὶ χρόνος ἦν· χρόνῳ δὲ ὄνομα ἐγένετο γῆ. *Iupiter quidem atque tempus VNVM semper & tellus erat: terrenae autem nomen erat telluri* (h). Quo loco in Ioue aetherem intelligi debere ex HERMIA ostendit, multaque erudite monet celeberr. BRVCKERVS, quae ad illustrandam etiam Pythagoreorum cosmogoniam praedare transferri possunt (i). Nec minus istud Pherecydis dictum ad ea comprobanda egregie facit, quae de differentia τῆς ἐνὸς & τῆς μονάδος supra disputata sunt. Altera vero vniuersitatis pars, crassior scilicet materia, terra ab Empedocle & a Pherecydē vocatur, neque id sine consensu totius propemodum antiquitatis. Etenim ipsi illi Pythagoreorum, qui crassiorem materiam ex igne extincto condensatoque genitam esse voluerunt, primum quod genitum ignique siue aetheri oppositum est, terram esse affirmant. Ita nimirum HIPPASVS: πρῶτον τὸ παχυμερές αὐτῆς (τῆς πυρὸς κατασθεννύμενα) εἰς αὐτὸ συσπυκνόμενον γῆ γίνεται. *primum densissima*

(g) apud CICER. de N. D. L. II. c. 2.

(h) DIOG. LAERT. L. I. c. 119.

(i) l. c. sect. 1. §. 3. p. 986. seq.

ma pars (extincti ignis) *contracta in unum, terra fit* (k). Quocirca antiquissimarum gentium sapientibus solemne fuit, totam rerum vniuersitatem coelo & terra complecti. Doctrinae inprimis Orphicae vestigia cum his praeclare consentiunt: Orpheus enim eodem profecto, quo Empedocles, modo diuinam naturam, quae sit subtilissima materiae pars, ex INFINITO, siue ex VNO primam prodiisse statuit LACTANTIO auctore: *Orpheus, inquit, Deum verum & magnum πρωτόγονον, id est, primigenitum, appellat: quod ante ipsum nihil sit genitum, sed ab ipso sint cuncta generata. Eundem etiam Φάντα, id est, aparentem, nominat: quod cum adhuc nihil esset, primus ex INFINITO aparuerit & exstiterit. Cuius originem atque naturam, quia concipere animo non poterat, ex aëre immenso natum esse dixit: πρωτόγονος Φαίδων περί μύκης ἥσος υἱός. Hunc ait esse omnium deorum parentem, quorum causa coelum condiderit* (l). Similia habes in CLEMENTIS RECOGNIT. vbi ex sempiterno chao, quod omnia simul, & semper VNUM fuerit, prodiisse dicitur principium quoddam reliquarum rerum, ORTVM EX MATERIA PVRIORI atque inde discretam esse rerum vniuersitatem in COELVM atque TERRAM (m). Quod vero eodem loco Orpheus

N 2

dicitur

(k) Plutarch. l. c. L. I. c. 3.

(l) de Falsa Relig. L. I. c. 5. p. m. 30.

(m) conf. IABLONSKY. l. c. L. I. c. 2. §. 8. p. 41.

dicitur principium istud aethereum distinxisse ab igne, tamquam quarto elemento, id quidem necesse non est ita capiamus, quasi Orpheus quinque elementa probauerit: pulcerrime enim tota res ex Empedoclea explicari potest ratione. Non sine cautâ itaque Plato Pythagoram significat Orphei vestigia legisse (n), atque inde verum sit & illud, quamquam orphica carmina infinitis locis interpolata corruptaque vel a semi Christianis vel ab Alexandrinae scholae alumnis aparent, non tamen promiscue ista tamquam plane spuria debere reici: in quibus multa satis vetustam sapiunt originem. Hic enim de coeli, sive aetheris, coelestiumque corporum diuinitate stolidus error tantae est antiquitatis, ut MOSIS tempore Aegyptios vicinasque gentes eo iam infectas fuisse in promptu sit: aperte enim diuinus vir execrandum eiusmodi cultum perstringit (o). Quin & diuinae totius vniuersitatis rerum in coelum & terram expressa adsunt vestigia in ipsa creati mundi historia, quam a Mose gentium erroribus oppositam esse recte dicas, quaeque vniuersa mirabilem nanciscetur lucem, si ad opiniones istarum gentium animum simul attenderis. *In principio, inquit diuinus scriptor, creauit Deus coelum & terram.* Quod vero coelum, aut quamnam terram? cumne rerum ordinem atque descriptionem

(n) In cratylo: conf. BRVCK, l. c. P. II, L. I. c. 1.
§. 13. p. 387.

(o) Deuteronom. c. 4. v. 9.

ptionem, quam nunc in coelo & terra conspici-
mus? Atqui hanc verborum vim esse nemo
asseruit, nisi qui nunquam legerit historiam
creationis. Terra erat confusa quaedam rerum
moles: coelestium vero corporum descriptio at-
que productio itidem postea demum commemo-
ratur (p): quis igitur non videat, coelum at-
que terram, quae prima creavit Deus, duo ista
genera rerum esse, ex quibus compositam natu-
rae universitatem, stolidae gentes non iam aeter-
nam infinitamque sed omnino diuinam credebant.
Ipsam nimirum aethera, supremam istarum gen-
tium diuinitatem, atque ipsam illi oppositam cras-
siorem materiam diuinus vir ad arguendam erroris
istius stultitiam non subiectas modo esse vero su-
premoque Deo, ab eoque diuersas naturas: sed om-
nino productas creatasque ab eodem, testatur.
Neque enim vox *שמים* inferiorem modo aëris
regionem, siue, ut vocatur, atmosphaeram
nostram indicat, sed & supremam coeli partem
siue aetherem, qui non est ipse Deus: verum
sedes atque solium maiestatis diuinæ (q). Sed
redeamus ad Pythagoreos; consueuerunt isti e-
quidem in portentosis, quas adhibebant, nume-
rorum appellationibus. *Chaus* nomen ipsi etiam
μονάδι, siue unitati imponere; verumtamen,

N 3

quo-

(p) Neque **CARTESII** neque **BURNETII** aut
WHISTONIS subtilitates hoc loco moramur,
an & quatenus prima ista terra vocari possit confusa
rerum moles? satis sit nobis, eum in materiae statum
indicari, quo ista nondum digesta aut his numeris
descripta fuit, quibus nunc conspicitur.

(q) conf. I. Reg. c. 3. v. 30. Ies. c. 66. v. 1.

quoties istuc accidit, aut a Pythagoreis ipsis, aut ab iis, qui mentem eorum minus affecuti sunt, commutatam esse τὴν μονάδα, unitatem, cum vno, τῷ ἐνι, plane mihi persuasum est. In vnum enim istud, siue τὸ ἐν, chaus nomen cadere, si quidem non tam de crassioris materiae colluue, quam de vniuerso naturae ambitu quaeritur; neutiquam vero in μονάδα, ex his perspicuum esse arbitror, quae copiose & de vno & de unitate a nobis disputata sunt. Huc vel maxime locus videtur pertinere, qui est apud HERMIAM: ἀρχὴ τῶν πάντων ἡ μονάς· ἐκ δὲ τῶν σχημάτων αὐτῆς καὶ ἐκ τῶν ἀριθμῶν τὰ σοιχεῖα γίνεται. *Omnium initium est unitas, e cuius figuris & numeris elementa fiunt.* (1). Nihil in his verbis inest a Pythagorae ratione alienum, hoc vno obseruato, τῷ ἐνός loco aut a Pythagoreo quodam, aut ab aliis (quod in tanta rerum Pythagorearum obscuritate facile potuisse accidere, quis inficiabitur?) positam esse τὴν μονάδα: vnum enim, siue τὸ ἐν, rationes & numeros non elementorum modo, sed totius naturae complectitur, quod quidem vel ex ignorantia vel ex imprudentia ad τὴν μονάδα videatur translatum esse. Quamquam & aliud quiddam his significari verbis, suspicari quis possit: fortasse enim ab ea parte Pythagoreorum profecta sunt, qui cum Hippaso reliqua elementa ex igne condensato, siue ex ipsa monade genita esse contendebant: hoc si sumamus, nihil relin-

qui

(1) Vid. MOSHEM. ad CVDWORTH. p. 446. not. 21. num. II.

qui videtur, quod in reliquam Pythagorae disciplinam difficultatis aliquid queat inferre. Verumtamen, vtut se res habeat, eiusmodi confusiones rerum apud ipsos Pythagoreos occurrere, nemini mirum videri debet, quos Aristoteles iam obseruauit *λίαν ἄλως*, *simplici admodum ratione*, de numeris disseruisse (s). Quis igitur ab huius generis hominibus certas definitiones accuratasque partitiones rerum, caeterasue dialecticorum subtilitates semper expectabit? Sed, quod postremo loco de Pythagorea dyade obseruari velim, vt vniuersa numerorum ratione Pythagoras elementorum rerumque ordinem atque connexionem compledebatur potius, quam internam propriamque eorum naturam; sic & in dyade declaratio quaedam inesse mihi videtur, non ipsius proprie crassioris materiae, quatenus ex aëre, aqua & terra constat, aut separatim per se & sua natura existit: sed rationis, quam habet crassior materia ad subtiliorem, siue ignem istum, mundi effectorem, atque coniunctionis, quae intercedit inter ignem siue diuinam naturam & materiae crassioris molem, subiectam effectioni ignis. Etenim, quamquam τὸ ἐν, seu vniuersa ista rerum natura in duas primum discessisset partes, ignem nempe & reliquam materiae congeriem; necessario tamen & arctissime diuinus ignis coniunctus est cum ista materia, fatique legibus adstrictus quasi & alligatus ad exornandam deinceps eam atque digerendam. Atque haec quidem ignis diuini ad crassiorem materiam accessio, con-

N 4

iun-

(s) Metaph. L. I. c. 5.

iunctioque vtriusque ad procreandum mundum, haec inquam illa res est, quam Pythagoras dualitatis signo indicare voluit. Haecenus autem, quamquam ipsa materia a Deo siue diuino igne producta non est, binarius tamen numerus, seu dyas, a monade ortus recte dicitur. Vt enim, si artifex ad fingendum lignum aut lapidem accedit, non ipsum quidem lignum aut lapis ab artifice procreatur, binarii vero numeri causa, uti nunc quidem duae res, artifex & lignum simul sint, ille merito habetur; sic non ipsam produxit crassiorem materiam monas: dualitatis vero causa est, cum ad materiam accinxit se fingendam. Neque haec explicatio meum ipsius commentum putandum est: auctorem habeo SEXTVM EMPYRIOVM, probatum in historia philosophica virum. Is Pythagoreorum numeros, tamquam rerum principia explicaturus: ἐνθεν, inquit, κινήσεις ὁ πυθαγόρας ἀρχὴν εἶησεν εἶναι τῶν ὄντων τὴν μονάδα - - - ἐπισυντεθείσαν δ' ἐαυτῇ καὶ ἑτερότητα, ἀποτελεῖν τὴν καλεσμένην ἀόριστον δυάδα. *Hic motus Pythagoras dixit unitatem esse rerum principium - - - sin autem sibi alter adiungatur, efficere interminatum quem vocant & indefinitum binarium (1).* Obscurior paullo est Herueti translatio: quod si ipsa graeca inspicias, SEXTVM deprehendes de vniuerso numerorum genere ita disputantem, ut vnumquodque elementum, tamquam unitatem quandam per se consideret, ex quorum coniunctione atque combinatione exoriantur numeri.

Quare

(1) Aduers. Mathem. L. X. c. 263.

Quare prima monas, quae ita κατ' ἐξοχήν vocatur, fons est numerorum: cum vero huic primae vnitati iungas aliam quandam vnitatem, interminatus prodit binarius. Quo & illud pertinet, quod est alio loco apud SEXTVM: ἡ τε μονάς (σοιχέλιόν ἐστι) & ἡ κατὰ ἐπισύνθεσιν τῆς μονάδος γινομένη ἀόριστος δυάς. *Vnitas elementum est, 5, qui per additionem unitatis fit, binarius indefinitus (u).* In quibus Sexti verbis, ista, quam indicauimus, binarii vis, aperte inest. Quamquam enim in crassiore materia tria insunt elementa, non separata tamen ista, sed commista atque confusa, & tamquam vnā naturam in dyadis ratione considerari, oppositam monadi, paullo ante nos Aristoteles Empedoclis docuit exemplo. Recte igitur hoc sensu DIOGENES LAERTIUS dyada a monade ortam esse pronuntiat; quandoquidem binarius numerus ex ista ipsa monadis accessione ad fingendam describendamque crassiorem materiam effectus natusque est.

§. XVI.

Ex his vero intelligi iam poterit, quam vim in triade siue ternario numero inesse Pythagoras voluerit. Vt enim iste numerus primus est, qui ex vnitatem oriatur & binario; sic & in generatione rerum id significari ternario videatur, quod ex coniunctione diuini ignis atque materiae crassioris primum est enatum: descriptio scilicet indefinitae materiae in suos numeros atque ra-

N 5

tiones,

(u) Pyrrhon, Hypotyp. L. III. C. 153.

tiones, siue separatio atque diuisio confusi istius chaus in tres definitas singularesque elementares naturas, aërem, aquam & terram. Quae quidem ratio in EMPEDOCLES altero principio ex quo coniuncto cum diuina natura dyadem ille efficiebat, aperte intelligitur. Idem vero Empedocles modum perspicue exponit, quo Pythagorei putarunt digestionem istam crassioris materiae, siue productionem triados ex dyade accidisse: ἐξ ἧς (τῆς γῆς) ἀγαν περισφιγγομένης, τῇ ὕμῃ τῆς περιφορᾶ, ἀναβλύσκει τὸ ὕδωρ, ἐξ ἧς θυμιαθῆναι τον αἶρα. Ex qua (terra nimirum, quam ab Empedocle tamquam dyada monadi oppositam fuisse antea vidimus) *vehementer compressa, impetu circumagitationis ebullire aquam: ex hac vero exhalare aërem* (w). Clarius etiam HIPPASVS: qui quauis in eo discedat a Pythagora, quod crassiorem materiam ex ipsa monade siue igne condensato natam esse statuit; postea tamen generationem triados praeclare edisserit, monadis etiam effectione in hoc opere diserte indicata: ἔπειτα ἀναχαλόμενην τὴν γῆν, ὑπὸ τῆς πυρὸς φύσει, ὕδωρ ἀποτελεῖσθαι. ἀναθυμιάμενον δὲ αἶρα γίνεσθαι. Cum laxata sit terra (quam Hippasus itidem tamquam dyada siue crassiorem materiam addebat monadi) VI IGNIS, *aquam perfici, quas cum in humores abeat, nasci aërem* (x). Nec obscure Pythagoras ipse superficiei similitudine signi-

(w) PLVTARCH. l. c. L. II. C. 6.

(x) PLVTARCH. l. c. L. I. 3.

significat, hanc ternario vim ab ipso esse subiectam. Monada enim cum puncto comparat: cum linea dualitatem: prima autem res ratione finita atque descripta, quae per lineam possit effici, ipsa est superficies, ex qua omnes constant figurae atque ipsa etiam corpora efficiuntur (y). Quare in ternario quidem, quando de mundi vniuersi ortu differit Pythagoras, primam istam materiae digestionem intelligat necesse est, quam monas effecit, & ex qua postmodum tota rerum antecedentium atque consequentium series pendeat, quantum ad adspectabilem corporeumque mundum attinet. Simili propemodum modo ECPHANTVS triada istam in differentiis elementorum, seu potius minimorum corpusculorum quaesisse videatur, quas ille triplices statuisse PSEUDO-ORIGENES refert: ὁρίζει δὲ (ἐκφαντοῦ), inquit, τὰ μὲν πρῶτα ἀδιάεστα εἶναι σώματα, καὶ παραλλαγαῖς αὐτῶν τρεῖς ὑπάρχειν, μέγεθος, σχῆμα, δύναμις, ἐξ ὧν τὰ αἰσθητὰ γίνεσθαι. *Definit autem Ecphantus, prima corpora esse individua, & tres eorum differentias existere: magnitudinem, formam & potentiam: oriri ex his, quae sensibus obuia* (z). De materia, quatenus generatur ex ea adspectabilis mundus, loqui Ecphantum, ipse docet oculorum adspectus: huic vero diuinam potentiam, quae materiam crassiores mouet & animat, atque secundum tres istas

(y) SEXT. EMPYR. Pyrrhon. Hyp. L. III. f. 154.

(z) c. 15. p. 102.

istas differentias ex ea procreat mundum, ipse statim Ecphantus opponit: κινεῖσθαι δὲ τὰ σώματα μήτε ὑπὸ βάρους, μήτε πληγῆς, ἀλλ' ὑπὸ θείας δυνάμεως, ἢν νῦν ἡ ψυχὴν προσαγορεύει. *Corpora non gravitate, nec impulsu, sed divina, quam mentem vocat & animam, moveri potentia* (a). Ex eadem igitur parte considerabat Ecphantus materiam, cum de tribus corporum minimorum differentiis diserebat, ex qua Pythagoras, de dyade disputans: atque ut Pythagoras monadis ope crassiores istam materiam in tres diuisam esse elementares naturas volebat; sic Ecphantus in eadem illa tres agnoscebat differentias. Ex quibus probabile fit, ut tribus istis differentiis ipsam Pythagorae triada designare voluisse Ecphantus dicatur. Ex his iisdem causis factum est, ut ternarium numerum *virilem* dicerent Pythagorei: ista nimirum materiae crassioris descriptio & formatio fons est atque generatio illius ornatus, quem in mundo oculis conspiciamus. Nec cognomina, quae a Pythagoreis ternario numero dicuntur imposita esse, huic nostrae repugnant explicationi. Est enim iste numerus is, quo potentia monadis ad actionem & extensionem deducitur (b), hoc est, ut nos opinamur, primus effectus, qui ex coniunctione monadis cum indigesta rudique materia est exortus: quod sane aliud quidquam esse haud temere potest, quam separatio atque diiunctio dissimilium dispariumque partium, quae

in

(a) PSEUDO - ORIGEN. I. c. p. 103.

in vniuersa materiae mole continebantur, ut tria inde elementa prodirent, fontes futuri corpori mundi. Quo iam Pythagoras sensu mundum a Deo productum esse dixerit (c), in promptu est. Diuinus enim ignis, coniunctus cum crassiori materia digessit atque descripsit hanc virtute sua, eumque verum ordinem constituit, quem aeternae ferebant leges necessitatis. Obscurus hoc loco est **DIOGENES LAERTIVS**, ut qui ex vnitatem & dualitate numeros quidem gigni commemorat; postea *tamen ex numeris demum dicit effici puncta, ex his autem lineas, ex quibus planae figurae consistunt. Ex planis autem solidae figuras, ex quibus item solida consistere corpora*, quorum quatuor sunt elementa (d). Quae tamen dicta faciles habent explicatus, si eam recordemur vim, quam in toto numerorum genere inesse supra demonstratum est. Etenim non tam ipsa elementa, siue interna eorum natura, quam rationes atque leges in numeris iussunt, quibus connexa coniunctaque pariter, atque descripta etiam postea digestaque sunt elementa, ut inde mundi concentus oriretur. Quare numeri mente concipiuntur, quasi adfuerint prius in vniuersitate rerum, quam ipsa elementa descripta sint, ut quibus conuenienter ista descriptio postea sit instituta. Ita certe totam rem expedit **SEXTVS EMPYRICVS**: qui, cum eodem, quo Diogenes, modo de numeris disputasset, addit:

πλὴν

(c) **PLUTARCH.** de Plac. phil. L. II. c. 4.

(d) L. VIII. c. 25.

πλὴν ἄτω μὲν ἀποτελεῖται τὰ στερεὰ σώματα, ἡγεμένων τῶν ἀριθμῶν· ἀφ' ὧν λοιπὸν καὶ τὰ στερεὰ συνίσταται, γῆ δὲ καὶ ὕδωρ, καὶ ἀήρ καὶ πῦρ· καὶ καθόλη ὁ κόσμος, ὃν Φασιν καθ' ἁρμονίαν διοικεῖσθαι, πάλιν ἐχόμενοι τῶν ἀριθμῶν, ἐν οἷς οἱ λόγοι εἰσι τῶν συστατικῶν τῆς τελείης ἁρμονίας συμφωνῶν. *Sic quidem solida efficiuntur corpora, PRAESENTIBVS NVMERIS: ex quibus de caetero quoque solida consistunt corpora, nempe terra, aqua, aër et ignis: et, ut semel dicam, mundus, quem dicunt administrari per concentum et harmoniam, rursus inherentes numeris, IN QVIBVS SVNT RATIONES, QVAE PERFECTAM CONSTITVNT HARMONIAM* (c). Quae quidem cuncta egregie faciunt ad ea illustranda comprobandaque, quae de numerorum vi in Pythagorae disciplina fuisse disputauimus. Quin & illud perspicue confirmat *SEXTVS*, quod de secula quadam Pythagoreorum, relinquentium ex parte magistri auctoritatem, nec ex duplici, ut iste, principio, sed ex vna monade seu diuino igne generationem rerum deducentium, diximus: τινὲς δ' ἀπὸ ἐνὸς σημείου τὸ σῶμά φασι συνίστασθαι ----- διαφέρει δὲ ἡ τοιαύτη τῶν πυθαγορικῶν εἰσὶς τῆς τῶν προτέρων· ἐκείνοι μὲν γὰρ ἐκ δυτῶν ἀρχῶν, τῆς τε μονάδος καὶ τῆς ἀρεῖς δυάδος ἐποίησαν τοὺς ἀριθμούς - - - - - ἔτοι δὲ ἀπὸ ἐνὸς σημείου τὰ πάντα τεκταίνουσιν. *Nonnulli autem dicunt ex uno puncto*

con-

(c) Aduers. Mathem. L. X. f. 283. conf. Pyrrhon. hypoth. L. III. f. 154.

constare corpus - - - - - Differt autem haec secta Pythagoricorum ab opinione priorum (Pythagorae nimirum ipsius, quod antea monstrarat Sextus). Illi enim (priores) EX DVOBVŚ PRINCIPIIIS, nempe unitate & interminato binario efficiebant numeros: - - - - - bi autem ex uno puncto fabricantur omnia (f). In hoc scilicet Hippasus, & qui eum sequebantur, distare videntur a genuinis Pythagoreis.

§. XVII.

Omniū vero nobilissimus apud Pythagoreos numerus TETRACTYS est, siue quaternio: de quo quidem tot tamque diuersae eruditorum exstant coniecturae atque explicationes, ut res per se obscura magis obscurata videatur esse, quam expedita & declarata. Quamquam igitur eum me esse non puto, qui cunctis istis, ab Illustr. MOSHEMIO propositis hoc loco difficultatibus enodandis par sim (g): neque etiam in exquirendis criticis, quae se nobis hic offerunt, quaestionibus nimium laboris velim consumere; quod ad totum tamen veteris philosophiae genus attinet, nec iniucunda mihi, nec inutilis omnino opera videtur esse, si quas probabilī quadam ratione priscis philosophis sententias possimus tribuere, inuestigare conemur. Periculum igitur faciamus, non minutissimas qui-

(f) Aduers. Mathem. L. cit. f. 281. seq.

(g) ad C v D W. p. 451. seqq.

quidem perrependi criticorum spinas: sed quam potest verisimillime exponendi, quae quaternionis ratio atque vis in vniuersam Pythagorae disciplinam reliquasque istas leges, quas de exquirenda Pythagoreorum philosophia ipsi supra nobis praescripsimus, maxime conuenire videatur. Hoc enim vel primo loco tenendum esse arbitror, ne, auulsas quasi a reliquo corpore partes separatasque intuendo, eam Pythagorae decretis tribuamus vim, quae nec cum reliqua eius ratione conciliari possit, nec aliud habeat fundamentum, praeterquam nostri ipsius animi fictiones. Quid perpetuitas disciplinae, quid constantia requirat: quidque Pythagoram dixisse aut sensisse, per caeteras, quas probabili quadam, vt opinor, ratione exquisuimus, doctrinas, deceat; hoc vero est, quod in tantis tenebris facis iustar nobis praelucere debet. Quae quidem ipsa res neglecta magnam earum interpretationum partem peperit tam alienarum tamque repugnantium vehementer, vti vniuersa numerorum, quaternionis inprimis, inuestigatio non difficilis modo, sed frustra plane suscepta videatur. In horum numero vel maxime ii sunt referendi, qui in Pythagorae quaternione sanctissimum illud Dei nomen, יְהוָה, inuenisse sibi visi sunt (h). Eruditissimos istos viros leui quadam

(h) Ioh. SELDENVS de dis syr. syntagm. 2. C. I. p. m. 109. CVDWORTH. syst. intell. p. 449. Alios eadem opinione occupatos videbis apud IAC. THOMASIVM de exult. mund. St. dissert. 21, p. 250. BAYL. voc. Pyth. not. H.

dam animi persuasione ductos esse, quasi magnam suae disciplinae partem Iudaeis Pythagoras deberet, facile intelligitur: quo facto nec ad humerorum vniuersam rationem attenderunt; neque illud considerarunt, quid tota Pythagorae postulet disciplina. Vt si separatim quoddam esset decretum, quod nihil habeat cum reliquis commune, sic disputarunt de tetracty extra continuationem atque seriem orationis: mutant, vbi lubet, quidquid ob stare videtur: legunt in notissimo illo Pythagoreorum iureiurando, contra omnem codicum fidem, τὴν loco τὸν: comminiscuntur, nescio quem, soloecismum grammaticum. Hoc si valeat; aut si quidquam incertum vel prorsus eiusmodi habere velimus, quod investigari nequeat propterea, quod huius generis illud sollicitatum sit interpretationibus; omnino quiduis ex quouis exsculpere licebit: nec in Pythagorae modo quaternione, sed ne in toto quidem scientiarum genere certi quid habebimus aut explorati. Videamus igitur, quid Pythagorae reliqua ratio patiat? quid ipsum conueniat dixisse, qui ea docuit, quae adhuc disputauimus? quid discipuli denique eius hac de re memoriae prodiderunt? Quod si aliquid in-

venia-

veniamus, quod singulis hisce locis satisfaciat; vanus equidem forem, si euidentiam quandam aut perspicuitatem rei inde pollicerer: non minori tamen probabilitate eiusmodi explicationem gauisuram puto, quam pleraque veteris philosophicae historiae momenta. Platonis atque Aristotelis etiamnum supersunt monumenta, complura certe: ipsas possumus eorum inspicere & exquirere disputationes; num igitur, quaeso, in plerisque rebus certior aut expeditior horum hominum ratio est? Quid possumus tandem infinitis locis aliud facere, nisi vt comparando inter se paullo euidentiora illorum dicta, consulendoque & magistrorum, quibus vsi sunt, decreta, & discipulorum commentationes, eliciamus aliquid, quod in totius disciplinae constantiam maxime cadere videatur? Agedum, tractemus & excutiamus simili modo & Pythagorae quaternionem, persequamurque eam, qua adhuc incessimus, viam. Numeri Pythagorae continent totam seriem antecedentium consequentiumque rerum, ordinem causarum & euentuum, omnesque rationes atque leges generali ex elementis rerum mundi: indicant naturae constantiam rationemque fati, secundum quam a divino

vino igne ita effectus est mundus, vt pulcerri-
mus inde concentus excellentissimaque harmo-
nia oriretur: MONAS, seu diuinus ignis primus
se expediuit ex vniuersarum complexu rerum,
eademque coniuncta cum reliqua adhuc indigesta
materia constituit dyadem, siue binarium nume-
rum: TRIAS est descriptio crassioris materiae in
definita quaedam distinctaque elementa, quae
sunt fontes atque fundamenta adspectabilis corpo-
reique mundi. Atqui TETRAS complectitur vim
atque initium denarii numeri, & quidquid inest
in denario numero, id omne originem principi-
umque capit a quaternione. Audi PLVTAR-
CHVM testem: εἶναι, δὲ τὴν φύσιν τῆ ἀριθμῆ
δεκάδα, μέχρι γὰρ τῶν δέκα πάντες Ἕλληνες πάν-
τες βάμβαροι ἀριθμοῖσιν - - - ἢ τῶν δέκα πάλ-
ιν φησὶν ἡ δύναμις εἶναι ἐν τοῖς τέσσαρσι ἢ τῇ
τετραδί. τὸ δὲ αἴτιον, εἰ τις ἀπὸ τῆς μονάδος ἀ-
ναποδῶν κατὰ πρόσθεσιν τιθείη τῆς ἀριθμῆς,
ἄχρι τῶν τεσσάρων προελθὼν ἐκπληρώσει τὸν δέ-
κα ἀριθμὸν - - - οἷον εἴ τις θείη ἐν, ἢ δύο
προσθείη. ἢ τρία, ἢ τέτοις τέσσαρα, τὸν τῶν
δέκα πληρώσει ἀριθμὸν, ὥς ὁ ἀριθμὸς κατὰ
μὲν μονάδα ἐν τοῖς δέκα, κατὰ δὲ δύναμιν ἐν
τοῖς τέσσαρσι. *Esse autem naturam numeri (to-
tius) denarium (dicit Pythagoras): usque enim*

ad decem omnes Graeci omnesque barbari numerant ----- denarii vero rursus inquit vim inesse in quaternione & in tenario: huius autem rei causam esse, quod, si quis a monade incipiens, addendo iungat numeros, cum venerit usque ad quatuor, completum habebis denarium numerum --- scilicet, si quis ponat unum, addatque duo, item tria, insuperque quatuor; efficiet decem, contineri igitur numerum (vniuersum), si sigillatim eos sumas, in denario: vim vero eius atque virtutem inesse in quaternione (i). Simili modo & ORIGENIS PHILOSOPH. ἀφ' ὧν (ἐκ τῆς μονάδος, τῆς δυάδος, τῆς τριάδος, καὶ τῆς τετράδος) ὁ τέλειος αὐτοῖς συνέσχευεν ἀριθμοὶς ἡ δεκάς. τὸ γὰρ ἓν, δύο, τρία, τέσσαρα γίνεται δέκα, εἰάν ἐκάστῳ τῶν ἀριθμῶν φυλάσσεται κατ' ἑστίαν τὸ ἐκείνῳ ὄνομα. ταύτην ὁ πυθαγόρας ἔφη ἱερὰν τετρακτὺν, πηγὴν αἰωνίου φύσεως, ὡς ῥιζώματα ἔχουσιν ἐν ἑαυτῇ καὶ ἐκ τῶν τῶ ἀριθμῶ πάντως ἔχειν τὰς ἀριθμοὺς τὴν ἀρχὴν. coa-
luit ex his (vnitate, binario, ternario & quaternione) denarius perfectus numerus. Vnum namque, duo, tria, quatuor, modo ratione substantiae & proprietatis domesticam unicuique numerorum
ser-

(i) de Plac. Phil. L. I. c. 3.

seruaueris appellationem, conficiunt decem. Hic ille, quem sacrum Pythagoras nominauit quaternionem, perennis naturae fontem, ipsas utpote in se radices continentem, & ex hoc numero números omnes principium adeptos (k). Quid igitur tandem est, quod in denario numero inesse Pythagoras voluit? Vniuersum mundi ornatum, totiusque naturae descriptionem, quae coelum & terram, deos corporaque complectitur, denario indicasse Pythagoram, tam certum esse arbitror, quam quod in Pythagorae disciplina certissimum. Neque haec quidem res longa disputatione eget: inter omnes enim vetustiores pariter, atque iuniores interpretes conuenit, in decem orbes vniuersam rerum naturam a Pythagora descriptam esse, quibus & coelum & terra, atque quidquid modo in rerum natura esse possit, contineatur (l). Atque hanc ipsam ob causam, quo denarius numerus, tamquam perfectissimus, perficeretur, Pythagoram antichthonem istam excogitasse, ARISTOTELES auctor est (m). Qualis iam sit ista antichthon: num

O 3

luna,

(k) c. 2. p. 33.

(l) vid. BRVCK. l. c. §. 21. p. 1061. seq.

(m) Mataph. L. I. c. 5.

luna, an vero coeli quaedam pars nostris oculis plane imperuia? nostra nihil interest; fatis est ad rem propositam, denario numero vniuersum mundi ambitum Pythagoram complexum esse. Neque aliter decadis naturam explicat PSEUDO-ORIGENES: ἐκ τῆς τῆς ἀριθμῆς (τῆς δεκάδος) πάντας ἔχειν τὰς ἀριθμῆς τὴν ἀρχήν. Ὁ γὰρ ἑνδεκά, καὶ ὁ δώδεκα, καὶ οἱ λοιποὶ τὴν ἀρχὴν τῶ ἔιναι ἐκ τῆς δέκα μετέχουσιν. Ex hoc numero (decade) numeros omnes principium adeptos: etenim undecim, duodecim & caeteri consequuntur o denario essentiae suae principium (n). Ea nimirum in denario inest naturae dispositio atque ordo partium is, per quem reliquae consequentium rerum causae existunt, atque euentus totius mundi definita sunt & determinata. Haec cum ita sint, sequitur illud, vt Pythagorea tetractys sit iste complexus naturarum, atque ista causarum series, vnde non terrena modo corpora, sed & cuncta, quae in coelo sunt, quorum totus ambitus decade significatur, initium suum habeant, atque tamquam ex fonte effluerint. Atqui ea, quae in terris sunt corpora, tribus crassioris materiae elementis maxime constant, per

per quae diuinus ignis permeando penetrando-
que, finxit & efformauit adspectabilem mundum:
ipse autem diuinus ignis, seu immortalis diuina
natura in coelestibus orbibus maxime residet,
atque ipsa coelestia corpora ob hanc diuinae na-
turae participationem, praecipui Pythagorae dii
sunt, quae quidem cuncta late in superioribus
paraphrasis persecuti sumus (o); quare quan-
tum his fidei habendum esse existimas, tanta &
illud probabilitate gaudere fatearis necesse est,
quod iam primo loco de tetraëdy dicturus sum,
versari nimirum in ea quatuor illa naturae ele-
menta, ex quibus vniuersum mundi ornatum
effectum esse Pythagorei volebant: quod ipsum
vir Illustr. IOH. LAUR. A MOSHEIM, quam-
quam aliis ductus rationibus, acutissime conclu-
sit (p). Deinde vero addendum arbitror, quod
de toto numerorum genere praecepimus, in te-
traëdy non tam ipsa quatuor elementa internam-
ve eorum naturam in censum venire, quam qua-
tenus inexplicabilibus ista fari vinculis coniun-

O 4

sta

(o) conf. ANON. PHOTII apud BRVCK. l. c.

§. 24. num. 13. seq. p. 1084.

(p) ad CVDWORTH. p. 453. conf. cl. Schierz,

not. ad aur. carm. p. 65. seqq.

ita inuicem copulataque sunt ad gignendum procreandumque vniuersum mundi concentum atque harmoniam. Haec illorum coniunctio atque societas tetractys est, in qua radices quasi atque initia descripta iam & distincta adsunt totius naturae omniumque mundi orbium, producendorum ordine atque lege numerorum. Hinc est, quod ipsa iam tetractys κόσμος, *mundus*, a Pythagoreis vocatur (q): ipseque denarius in PSEUDO-ORIGENIS loco, quem modo protulimus, sacrae tetractyos nomen adeptus est. De denario enim locutus iste auctor addit: τάντην (τὴν δεκάδα) ὁ πυθαγόρας ἔφη ἱερὰν τετρακτύν. *Hic ille (denarius), quem sacrum Pythagoras nominauit quaternionem (r).* Quo eodem modo & SEXTVS EMPYRICVS videtur ipsum denarium tetractyn vocare: τετρακτὺς δὲ προσηγόρευετο παρ' αὐτοῖς, ὅ ἐκ τῶν πρώτων ἀριθμῶν συγκείμενος τέσσαρα ἀριθμός. ἐν γὰρ ἢ δύο ἢ τρία ἢ τέσσαρα, δέκα γίνεται. ὅς ἐστι τελειότατος ἀριθμός - - . πηγὴν τ' αἰωνῶνα φύσεως ἔξωματ' ἔχουσαν εἰρήκασιν αὐτὸν, διὰ τὸ

(q) PLUTARCH, de Isid. & Osir. T. I. oper. p. m. 352.

(r) c. 2, p. 13.

τὸ κατ' αὐτὰς ἐν αὐτῷ τὸν λόγον τῆς ἀπάντων
 κείσθαι συστάσεως. *Quaternio autem ab eis ap-
 pellabatur, numerus compositus ex quatuor primis
 numeris. Vnum enim & duo & tria & quatuor
 fiunt decem, qui est numerus perfectissimus -----
 dicuntque eum habere fontem & radicem naturae
 aeternae, propterea quod ex eorum sententia IN
 EO SITA SIT RATIO VNIVERSORVM
 CONSTITVTIONIS (s). Scilicet, denarius est
 explicatio quasi & euolutio quaternionis; cum
 diuinus ignis siue aether partim describendo
 crassio rem materiam, id est, tria reliqua elemen-
 ta, partim multiplicando euoluendoque ipse se
 decem genuit atque constituit orbes, quibus con-
 tinetur mundi harmonia, vnde reliqua tota vni-
 versitatis administratio euenta que naturae exo-
 riuntur eodem modo, quo omnes reliqui nume-
 ri a denario proficiscuntur. Totus igitur mun-
 dus, qui animatus intelligentiaque praeditus est,
 omnesque decem mundi orbes in tetraçy insunt,
 siue in ista quatuor elementorum coniunctione,
 qua diuinum ignem cum reliquis elementis co-
 pulatum, genuisse hunc naturae ordinem, Pytha-
 goras censuit; qui nunc adest. Neque iam vi-*

O 5

deo,

(e) Aduers. Mathem. L. IV. c. 3.

deo, quid melius aptiusue in vniuersam Pythagorae rationem, reliquaue eius, quae quidem nos accepimus, placita, conuenire possit, quam haec tetractyos vis atque explicatio. Monas enim, siue subtilissimus ignis, cum prima ex vno, $\epsilon\kappa\ \tau\eta\ \epsilon\nu\acute{o}\varsigma$, exisset, coniunctaque tamen cum reliqua materia constituisset dyadem; digessit primo loco rudem materiam, tribus crassioribus elementis separatis, quae possint terrestribus corporibus ortum dare. Rursus vero eadem monas, quae penetrat sese permeatque, tamquam mundi animus, per vniuersam materiam, quatenus istius coniunctionis connexionisque ratio habetur, tetractyn efficit, quae quadruplex natura diffundendo & expandendo multiplicandoque quasi se decem ex se genuit circulos, siue denarium numerum, in quo vniuersi mundi compages atque compositio versatur, vnde euenta naturae; quae sunt, quae fuerunt, quaeque futura sunt, certa, definita constituta sunt: quod quid, quaeso, aliud est, nisi ipsa ista Pythagorae ratio, quam ab eo, detractis numerorum signis, probatam fuisse, priscae scriptores fide digni ad vnum testantur omnes?

§. XVIII.

§. XVIII.

Iam vero de notissimo illo Pythagoreorum iure-
iurando videamus, si quid, quod probabilitatis
speciem habeat, in explicando eo possimus inue-
nire. Ita vero istud apud SEXTVM EMPYRI-
CVM (t), PLVTARCHVM (u), aliosque fere
legitur (w):

ὁ μὲν (siue etiam καὶ μὲν) τὸν αἰματέραν ψυχῇ
παρεδόντα τετρακτὺν,

πηγὴν) siue παγὰν, dorice) αἰωνίαν φύσεως,
ῥιζώματ'

(ita Sextus; sed Plutarchus ῥιζώματ') ἔχουσαν.

*Non per eum, a quo animae datus ille quater-
nio nostrae,*

*naturae aeternae, a quo fons radixque pre-
secta est.*

Horum versiculorum, quo nobis expeditior
sit explicatio, primo loco obseruetur velim,
verba, αἰωνίαν φύσεως, in regimine construenda
videri

(t) l. c. l. 2.

(u) de Plac. phil. L. I. c. 9.

(w) conf. IOH. ALB. FABRICIVS ad SEX-
TVM, l. c.

videri cum voce, πηγὴν: non vero cum ῥίζωμα: ita enim aurea carmina, quamquam posterioris versiculi vltima pars, verba nimirum: ῥίζωατ' ἔχουσιν, non adsunt, legunt tamen παγὰν αἰωνάας φύσεως: ita & ORIGENIS philosoph. τετρακτὴν πηγὴν αἰωνάας φύσεως. Deinde vero vel maxime nobis dispiciendum est, cum quonam subiecto coniungendae sint istae voces, πηγὴν αἰωνάας φύσεως? cum illone, qui animae nostrae tetraκτὴν dedit, ut haec sententia in istis verbis insit; *non per eum, qui animae nostrae tetraκτὴν dedit, QUIQUE est fons aeternae naturae: an cum ipsa tetraκτὴ, ut haec vis subiiciatur istis versiculis: non per eum, qui animae nostrae dedit tetraκτὴν, QVAE est fons aeternae naturae?* Vtrumque enim per Grammaticorum leges licere fatendum est. Sed de hac quaestione quid statuendum sit, obscurum esse non potest, si quidem eorum rationem habere velimus, quae paragrapho superiori de quaternione disputata sunt. Ipse enim iste quaternio fons est aeternae naturae, atque ad quadruplicem istam coniunctamque quatuor elementorum rationem vniuersa rerum natura, omnesque mundi orbes ac tota causarum euentuumque series, tamquam ad initium

tium fontemque referuntur. Eandem construarum vocum rationem interpunctio ostendit, quae est apud PLVTARCHVM: eandem verborum sententiam sequitur SEXTVS EMPYRICVS: eandem denique PSEVDO-ORIGENIS philosophumena: nec veterum temere quisquam reperietur, cui alia horum versiculorum compositio in mentem venerit. Quare quid sit, quod difficultates hoc loco mouere velimus, vix video. Neque enim ad sollicitandam sententiae perspicuitatem satis illud puto valere, quod verba per se & auulsa a reliquo disciplinae corpore secundum grammaticas leges varias diuersasque admittant explicationes. Eadem vero de causa magis mihi quidem probatur PLVTARCHI atque PSEVDO-ORIGENIS scriptura, qua in posteriori versiculo ἐῖζώματα, pluralitatis numero, legitur, quam SEXTI EMPYRICI, qui, ἐῖζωματ' singulariter pronuntiando, particulam enclyticam τε interponit. Totam enim tetractyos naturam ita explicari perspicuum est, vt propterea fons sit aeternae naturae, quod coniunctionem quatuor elementorum complectatur, quae a Pythagoreis, Empedocle inprimis, ἐῖζώματα

vocata

vocata esse, inter omnes constat (x). Nunc vero in priori versiculo, siue ἀμετέρα γενεᾷ legas, loco ἀμετέρα ψυχᾷ, siue ἀμετέρας σοφίας, siue quidlibet aliud (variis enim modo scriptum inuenitur istud comma); ad rem ipsam parum interesse puto. Neque illud quidquam nostra refert, Pythagorasne significetur per τὸν παραδόντα; an vero ipse Deus? docuit, transferendum sit τὸ παραδιδόναι; an communicauit? De vi atque natura ipsius tetractyos quaeritur: quae, quo tandem cunque modo istae decidantur quaestiones, hoc Pythagoreorum iureiurando aperte declaratur.

Habes meas de Pythagorae numeris coniecturas; quae siue probentur tibi, siue displiceant; ea tamen mysteria, quae nonnulli in his numeris quasiuerunt, non inesse, plane mihi persuasum est. Disciplinam duntaxat, quam Pythagoras ab Aegyptiis acceperat, atque magis etiam vulgares fortasse res, quam quisquam adhuc suspicatus est, his velis eum texisse credo: vel quod omnino numerorum rationem in rerum natura sibi inuenire visus est: vel ut impostorum more his verborum

(x) Plutarch. l. c.

borum portentis quam maximam posset sibi apud imperitos constitueret auctoritatem. Neque tamen infinitam illam appellationum farraginem, quibus singulos numeros Pythagorei feruntur indicasse, ab ipso Pythagora aut a prioribus eius discipulis profectam esse, ut credam, temere inducor, quos de numerorum ratione *λίαν ἀπλῶς* esse philosophatos supra ex Aristotele didicimus. Insanum istud stolidumque, omnia sapientiae arcana in Pythagorae numeris quaerendi, istudium videtur fecisse, ut iuniores maxime Pythagorei nunc ad physiologiam numeros, nunc ad theologiam, nunc ad morum doctrinam, nunc ad nescio quid? transferentes, omnia miscerent, & conturbarent, atque verborum excogitarent miracula, quae vix sensum fundere, aut vnquam inter se posse conciliari videantur. Quocirca his spinosis subtilitatibus enodandis insudare ego quidem nolim.

§. XIX.

Reliquum est, ut de natura animae humanae anquiramus, quae fuerit Pythagorae sententia: qui locus in vniuersa Graecorum philosophia cum ista de diis disputatione summam cognitionem habet.

bet. In duas verb animam nostram a Pythagora tributam esse partes, nobiliorem & ignobiliorem, quarum posterior rursus bipartito diuideretur, constanter veteres tradunt. Satis habeamus in re minime dubia vnius PLUTARCHI testimonium protulisse: πυθαγόρας, πλάτων ----- διμερῆ τὴν ψυχὴν τὸ μὲν γὰρ ἔχει λογικόν, τὸ δὲ ἄλογον. κατὰ δὲ τὸ προσεχές ἢ ἀκρεβές, τεμερῆ τὸ γὰρ ἄλογον διαμερῶσιν εἰς τε τὸ θυμικὸν ἢ τὸ ἐπιθυμητικόν. Pythagoras & Plato in duas tributam esse animam partes dicunt, quarum altera sit rationis particeps, altera expers. Sed si accurate rem consideres, tres constituunt partes: eam enim partem in qua ratio non inest bifariam diuidunt, in iracundiam scilicet & cupiditatem (y). Quare & DIOGENES tres ex sententia Pythagorae tribuit animae partes, φρένας, mentem; quae soli homini propria sit, duasque alias, νῦν ἢ θυμὸν, sensum & animum, quorum & reliquae animantes sint participes (z). Facile enim intelligitur, τὸ φρένας illam esse partem, quam Plutarchus τὸ λογικὸν vocauerat: νῦν vero & θυμὸν inesse ἐν τῷ ἀλόγῳ, in ea parte, quae ratione caret. Quam omnem causam ex Pythagorae pariter

(y) de Pl. phil. L. 4. c. 4.

(z) l. c. f. 39.

ter ac Platonis sententia eleganter ita explicat CICERO: *Est animus in partes tributus duas, quarum altera rationis est particeps, altera expert.* Cum igitur praecipitur, ut nobismet ipsis imperemus, hoc praecipitur, ut ratio coerceat temeritatem (a). Vnde vero sumtae sint duae istae animi humani partes, DIOGENES LAERTIUS nos conducet: εἶναι δὲ τὴν ψυχὴν ἀπόσπασμα αἰθέρος, καὶ τῷ θερμῷ, καὶ τῷ ψυχρῷ, τῷ συμμετέχειν ψυχρῷ αἰθέρος. *Animam avulsionem aetheris esse & calidi & frigidi, eo quod sit particeps frigidi aetheris* (b). Quae verba nobis totam psychogoniae Pythagorae rationem declarant. Propterea enim, quod anima nostra decerpta est & delibata ex calido aethere, diuinæ naturæ ea particeps est & pars ipsius diuinitatis: quod quidem aperte idem DIOGENES: ἀνθρώπων εἶναι πρὸς θεὸς συγγένειαν, κατὰ τὸ μετέχειν ἀνθρώπων θερμῷ. *Hominibus esse cum diis cognationem, quod homo caloris particeps est* (c). Qua de re ita CICERO: *Pythagoras censuit, animum esse per naturam rerum omnem intentum & commeantem, ex quo nostri*

animi

(a) Tusc. QQ. L. II. c. 21.

(b) l. c. f. 28.

(c) l. c. f. 27.

animi carperentur (d). Idem alio loco: *Audiebam Pythagoram Pythagoreosque nunquam dubitasse, quin ex uniuerſa mente diuina delibatas animas haberemus* (e). Diuinus enim ignis, qui est cauſa efficiens mundum, per totam penetrat ſeſe reliquam materiam eamque animat: diuiſusque in partes quasdam per ſe & priuatim exiſtentes, deorum inferiorum animorumque hominum ſons & initium eſt. Quocirca & ratio prudentiaque in hac aetherea animae parte reſidet, animusque immortalis eſt, quia pars eſt immortalis diuinæ naturae, DIOGENE teſte: ἀθάνατον δὲ εἶναι αὐτὴν (ψυχὴν) ἐπειδὴ περὶ τὸ ἀφ' ἧς ἀπέσπασται ἀθάνατόν ἐſτι. *Eſſe animam immortalem, quandoquidem & id, a quo auulſa eſt, immortale ſit* (f). Altera autem pars, rationis expers, in qua verſatur temeritas, quaeque bruto motu viſis opinionibusque impellitur, ex frigido aethere eſt, ſue ex aëre, quem aethera frigidum vocarunt Pythagorei (g). Haec igitur ignobilior animae pars ad craſſiorem materiam originem ſuam refert: eſt enim aër pars craſſio-

(d) de N. D. L. I. c. 11.

(e) de Senect. c. 21.

(f) l. c. ſ. 28. conf. PLUTARCH. de Pl. phil. L. 4. c. 7.

(g) DIOG. LAERT. l. c. ſ. 27.

crassioris materiae siue τῷ χῶρι, quatenus istud diuino igni seu aetheri calido opponitur: hinc & eadem mortalis est (h); cum crassior materia semper fluat, nec eadem maneat: anima vero rediens ad diuinam naturam sedemque immortalitatis relinquat graue istud materiae ὄνυς. Ex his efficitur, quod supra iam monuimus, vt eadem videatur Pythagorae sententia fuisse, de crassiori materia, quae Platonis: impelli nimirum eam suo proprioque motu, quamquam bruto & amenti, versarique in ea *Φαντασίῳ τι καὶ δοξασίῳ*. Praecipuum itaque praestantioris partis munus est, vt imperet amenti partis inferioris agitationi, seu, quae Ciceronis verba sunt, *vt ratio coercet temeritatem*. Quamuis aurem in definienda hac altera animae parte vnum aëra commemoret DIOGENES, vnde ea orta sit; possit tamen quisquam suspicari, reliquis etiam elementis Pythagoram nonnullas in constituenda animae natura partes dedisse, idque ex PSEUDO-ORIGENIS quodam loco, qui: διὸ, inquit, καὶ τῶν (de terra, aqua, aëre & igne disputauerat auctor) εἰδὲν ἀναγκῆν εἶδὲ μάλιστα φασὶ τὴν ψυχὴν εἶναι γὰρ τὰντα εἴδη τῶν πάντων. *Censent propterea* (Pythagorei) *nullam perniciem vel labem animae ex his* (terra, aqua, aëre ac igne) *accidere posse, cum illa sint omnium*

P 2

rerum

(h) DIOG. LAERT. I, c. f. 30.

rerum essentia (i). Quae verba, quamvis sub-
 obscura sint, illud tamen videntur significare,
 animae neque a terra aut aqua, neque ab aëre
 & igne interitum imminere, propterea quod
 ex his cunctis omnium rerum elementis ipsa
 anima composita & effecta sit. Sed quocunque
 iam modo de ignobilioris animae partis compo-
 sitione ipse Pythagoras statuerit; EMPEDO-
 CLEM certe, alumnum Pythagoreae scholae a
 cunctis animam quatuor elementis composuisse,
 dubio caret (k). In Pythagorae igitur schola
 cum probaretur, in anima nostra inesse illam
 ipsam diuinam tetrady, seu compositionem
 quatuor elementorum; Illustri MOSHEMIO au-
 ctore iam & illud audeo, quod supra me factu-
 rum negavi, uti, quae sit in Pythagoreorum
 iureiurando verbo παραδόντι vis subiecta, de-
 finiam (l). Omnino enim non imbuta modo est
 anima nostra cognitione quaternionis; sed plane
 illius particeps & compendium quasi totius ha-
 benda est mundi. Quocirca, τὸν ἀμετέραν ψυχῇ
 παραδόντα τετρακτὺν, transferre nihil dubito.

CUM

(i) c. 2. p. 41. seq.

(k) conf. MOSHEM. ad CVDWORTH. p. 30.

(l) L. c. p. 453.

eum, qui animae nostrae impertitus est, siue dedit tetractyn. Leuior est HENRICI MORI subtilitas, qui verbum, παραδίδόναι sollicitans, incommode illud positum fore autumat, si quidem participatio seu donatio tetractyos in hoc iureiurando inesset (m). Quasi vero PLVTARCHVS minus graece sciuiſſet, qui apertissimis verbis hunc ipsum versum de participatione quaternionis interpretatur: recitato enim isto iureiurando, pergit: καὶ ἡ ἡμετέρα ψυχὴ φησιν ἐκ τετραδὸς σύγκειται. Etenim anima nostra ex Pythagorae sententia, quaternione constat (n). Itaque ὁ παραδίδως τὴν τετρακτὺν, qui impertitus est tetractyn, nec Pythagoras est: neque Pythagorei per ipsum Pythagoram iurasse censendi sunt: sed supremam diuinitatem, seu diuinum ignem, qui est causa efficiens & vniuersum mundum, & animam nostram, his quidem verbis isti deiecerunt. Eleganter itaque Ill. Moshemius iusiurandum illud hoc modo explicat: *Iuramus per Deum, qui animum nobis dedit, ex quatuor elementis compositum & constatum, quo cernimus, percipimus & diiudicamus omnia: quae quidem*

P 3

elemen-

(m) vid. MOSHEM. l. c. p. 450.

(n) de Pl. phil. L. I. c. 3.

elementorum tetras fons est perennis naturae, & unica, unde reliqua fluxerunt omnia, causa (o). Quae quidem oratio adeo est apta, adeoque consentanea vniuersae Pythagoreorum disciplinae, ut, quidquid iam PLUTARCHVS aliique de quatuor principalibus animae facultatibus disputent, nonnisi ieiuna inanisque subtilitas habenda sit, ipsiusque Plutarchi potius aut iuniorum certe Pythagoreorum commentum, quam Pythagorae, priscorumque eius discipulorum esse sententia videatur.

§. XX.

Migrare hominum animas in alia atque alia corpora, ab Aegyptiis accepit Pythagoras, eamque rationem, ut cactera fere sua, inde in Graeciam apportauit: de qua animarum transmigratione non est, quod hoc loco repetamus, quae ab aliis iam copiose accurateque disputata sunt (p). Illud tamen, ad confirmandum, quod de

TI-

(o) l. c. p. 453.

(p) conf. MOSHEM. ad CVDWORTH. p. 367. not 33, num. II. BAYL. voc. PYTHAG. not. M. BRVCKER. l. c. p. 1091. seq. MOVRGVES. dans le Plan theolog. Lettre XI. Art. 3. p. 492. seq. SCHIER. ad aurea carm. p. 78.

TIMAEO LOCRO aliquoties tulimus, iudicium nostrum, non possum facere, quin obseruem, nouum hac in parte occurrere specimen, quam longe ille a magistri recesserit auctoritate: ut qui totum istud transmigrationis genus tamquam Poetarum fabulas interpretatus est, excogitatas duntaxat terroris incutiendi causa (q); cum tamen Pythagoras vere animos istum absolueret transmigrationis circulum, quidquid etiam nonnulli eius purgandi gratia in medium attulerint, apertissime docuit. Possent & de consilio, quod Deus in demittendis in terram hominum animis propositum sibi ex Pythagorae sententia habuit, item de exercitationum generibus, quibus ad summum felicitatis fastigium animos perducere posse Pythagoras opinatus est, multa moneri, fortasse haud inutilia: verumtamen cum orationem pene ultra consilii nostri fines processisse sentiam; ista quidem disputatione in aliud tempus reiecta, huic tractatiunculae nostrae in praesentia statuamus Finem.

(q) vid, ipse TIMAEVS de anim. mundi in oper. Platonis. p. m. 558.



